


Kartat Awana Pjesa 2

# Rrënjët e besimit



TruthSeekers





# TruthSeekers

## **Rrënjët e besimit**

### **Kartat Awana 34 - 66**

© 2011 Awana® Clubs International

1 East Bode Road, Streamwood, IL 60107-6658 U.S.A.  
internationalprogram@awana.org • (630) 213-2000

Përshtatur nga botimi për fëmijë, Themelet e qëndrueshme:  
Nga krijimi të Krishti, New Tribes Mission

Të gjitha të drejtat e rezervuara. Shtypur në SHBA. Asnjë material nga ky publikim nuk mund të riprodhohet apo të përkthehet pa leje të shkruar nga botuesi.

Awana dhe logoja Awana janë marka të regjistruara të Awana Clubs International. Të gjitha citimet nga Shkrimi, nëse nuk citohet ndryshe, janë marrë nga Diodatti, 1994. Përdorur me leje. Të gjitha të drejtat të rezervuara nga.

# Le ta dëgjojmë prapë!

## Koha e historisë



Karola hyri me vrap në shtëpi duke thirrur Xhonin: “Xhon, Xhon! Eja të takojmë xhaxhi Piterin. Kanë kaluar disa javë që nuk kemi folur me të. Më ka marrë malli!”.

“Edhe mua” - tha Xhoni. “Eja të shkojmë!”.

Karola dhe Xhoni, duke iu marrë fryma, vrapuan drejt xhaxhi Piterit, i cili ishte ulur përballë shtëpisë së tij. Së bashku ata thirrën: “Përsëndetje, xhaxhi Piter. Ne u kthëm!”.

Xhaxhi Piteri ngrii sytë lart duke qeshur dhe tha: “Mirë se erdhët, Xhoni dhe Karola. Edhe mua më ka marrë malli për ju dhe për diskutimet tona”.

“Edhe ne na ka marrë malli, xhaxhi Piter” - iu përgjigj Xhoni. “Sidomos për diskutimet tona rreth Biblës”. “Kemi qenë të zënë në shtëpinë e gjyshes” - tha Karola. “Neve as që na shkoi në mendje që të lexonim Biblën. Tani nuk e di nëse do të kujtojmë tërë gjërat për të cilat kemi folur”.

“Shiko,” - tha xhaxhi Piteri, - “le të shohim se çfarë mbani mend rreth Perëndisë”. “Ne kemi mësuar shumë gjëra rreth Perëndisë,” - tha Xhoni, - “por mund të të them disa gjëra të rëndësishme që kujtoj për Të. Perëndia është Perëndia i vetëm i vërtetë. Perëndia njih gjithçka. Ai nuk kishte fillim dhe fund. Perëndia është i shenjtë dhe i drejtë. Shtëpia e Perëndisë është në qiell, por Ai ndodhet gjithashtu në çdo vend në të njëjtën kohë”.

“Perëndia na flet përmes Fjalës së Tij, Biblës” – e ndërpreu Karola. “Bibla është historia e Perëndisë”. “Dhe Perëndia krijoi gjithçka” - tha Xhoni. “Ai është më i madhi dhe më i madh nga të gjithë!”.

“Shumë mirë!” - tha xhaxhi Piteri. “Po Luciferi? A e kujtoni atë?”. “Po!” - tha Karola.

“Luciferi, që quhet Satan, ishte një engjëll i krijuar nga Perëndia. Satani u rebelua ndaj Perëndisë, kështu që Ai e përzuri nga qielli. Satani është armiku i madh i Perëndisë. Ai lufton kundër Perëndisë ditë e natë duke u përpjekur të ndalojë gjërat që bën Perëndia. Satani dëshiron që njeriu të ndjekë atë në vend të Perëndisë”.

“Perëndia krijoi edhe Adamin dhe Evën” – e ndërpreu Xhoni. “Dhe Ai bëri një kopsht shumë të bukur për ta që të jetonin. Ai kopsht quhet Eden. Perëndia mbolli dy pemë shumë të rëndësishme në mes të kopshtit”.

“A kujtoni se si quheshin?” - pyeti xhaxhi Piteri. “Jo? Atëherë, ato quheshin pema e jetës dhe pema e njohjes të së mirës dhe të së keqes”.

“E di,” - tha Karola, - “që Perëndia i tha Adamit që të mos hante nga pema e njohjes të së mirës dhe të së keqes. Perëndia tha që nëse Adami hante prej saj, ai do të ndahej përfundimisht nga Perëndia dhe një ditë ai do të vdiste. Perëndia ishte miku i tyre; Ai i donte dhe ata ishin shumë të lumtur”.

“A e kujtoni gjithashtu,” - pyeti xhaxhi Piteri, - “që Adami dhe Eva ndoqën këshillën e Satanit, duke mos iu bindur Perëndisë dhe hëngrën nga pema e njohjes të së mirës dhe të së keqes? Ata u ndanë nga Perëndia për shkak të mëkatit të tyre. Perëndia urren

mosbindjen ndaj urdhrave të Tij dhe Ai nuk lejon një person të pabindur të jetojë me Të". "Dhe," - shtoi Karola, - "Perëndia dëboi Adamin dhe Evën nga kopshti, në mënyrë që të mos hanin më nga pema e jetës, të takoheshin apo flisnin me Perëndinë, sepse do të vdisnin". "Po" - tha xhaxhi Piteri. "Edhe pse njerëzit kanë ngjyra të ndryshme lëkure, ne të gjithë e kemi prejardhjen nga të njëjtët prindër: Adami dhe Eva. Prandaj, për shkak se Adami nuk iu bind Perëndisë dhe u nda prej Tij, tërë njerëzit në këtë botë kanë lindur mëkatarë, të ndarë nga Perëndia dhe të kontrolluar nga Satani. Për shkak të mëkatit të Adamit, ai do të vdiste dhe tërë fëmijët e tij do të vdisnin gjithashtu. Kjo të përfshin ty dhe mua!".

"Por Perëndia e do akoma njeriun, apo jo?" - pyeti Xhoni. "Ke të drejtë, Xhon" - iu përgjigj xhaxhi Piteri. "Ngaqë Perëndia është i dashur, i mëshirshëm dhe i hirshëm, Ai premtoi të dërgonte një çlirimtar: dikë për ta shpëtuar njeriun nga Satani, mëkati dhe vdekja. Perëndia premtoi që Çlirimtari do ta shkatërronte Satanin dhe do ta shpëtonte njeriun nga fuqia e tij. Ju keni kujtesë shumë të mirë, Xhon e Karola. Uluni dhe le të shohim se çfarë gjëje tjetër mbani mend".

## Le të shikojmë në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Isaia 45:22 – “Kthehuni nga unë dhe do të shpëtoni, ju mbarë skaje të tokës. Sepse unë jam Perëndia dhe nuk ka asnjë tjetër”.***



## Le të mendohe mi

**Përgjigju këtyre pyetjeve dhe tregoja mësuesit.**

1. A ka pasur ndonjë kohë kur Perëndia nuk ka ekzistuar? Po/Jo.
2. A do të vdesë Perëndia? Po/Jo.
3. Kush ka krijuar çdo gjë? a. Satani; b. Perëndia; c. Adami.
4. Çfarë është mëkati?
  - a. Gjërat e mira që bëjmë; b. Frytet; c. Mosbindja.
5. Kush do ta shpëtojë njeriun nga Satani, mëkati dhe vdekja?
  - a. Një engjëll; b. Adami; c. Çlirimtari.

# Mësime nga Fjala e Perëndisë



Në mësime tona të mëparshme mësuam se Perëndia e urren mëkatin. Njerëzve u është dhënë zgjedhja për të besuar dhe bindur Perëndisë ose të mos i binden dhe të mëkatojnë. Njerëzit janë përgjegjës për zgjedhjet e tyre. Ndëshkimi për mëkatin është vdekja. Adami, për shkak të mëkatit të tij, do të vdiste dhe tërë fëmijët e tij do të vdisnin gjithashtu.

Romakëve 5:12 thotë: “Prandaj, ashtu si me anë të një njeriu të vetëm mëkati hyri në botë dhe me anë të mëkatit vdekja, po ashtu vdekja u shtri tek të gjithë njerëzit”.

Mëkati ndau njeriun nga Perëndia. Nuk kishte asnjë mënyrë që Adami dhe familja e tij t'i afroreshin Perëndisë apo të shpëtonin nga vdekja dhe të merrnin në ndëshkimin e përfundimtar që meritonin. Ata nuk mund të ishin aq të mirë apo t'i jepnin diçka Perëndisë për të paguar për mëkatet e tyre.

Megjithatë, për shkak të dashurisë së madhe të Perëndisë për njerëzimin, Ai premtoi të dërgonte një Çlirimtar në mënyrë që njerëzit të shpëtoheshin nga ndëshkimi që meritonin. I njëjti Çlirimtar do t'i çlironte ata nga kontrolli i Satanit dhe do t'i afronte te Perëndia.

Por ndërsa po prisnin që të vinte Çlirimtari, Perëndia planifikoi një rrugë që njerëzit t'i afroreshin Atij. Kjo nuk ishte rruga e njeriut, por ishte Perëndia që vendosi për të. Askush tjetër nuk mund të gjente një rrugë për t'iu afruar Perëndisë.

Ndëshkimi (pagesa) për mëkatin është vdekja. Njerëzit nuk mund të bëjnë apo t'i japin diçka Perëndinë për të paguar borxhin e tyre të mëkatit. Megjithatë Perëndia u dha mundësinë njerëzve të përdornin një zëvendësues të përkohshëm derisa të sigurohej një pagesë e pranueshme. Plani i Perëndisë ishte që kur njerëzit t'i afroreshin, ata duhet të sillnin një kafshë të përsosur si një ofertë për Të. Ata duhet të therrnin kafshën në mënyrë që të derdhej gjaku i saj. Kafsha ishte një flijim i cili vdiste në vend të mëkatit. Gjaku i kafshëve nuk mund të paguante për mëkatin e njerëzve. Por nëse një person, duke ofruar gjakun e kafshëve, pranonte para Perëndisë se ishte mëkatar dhe se vetëm Perëndia mund ta shpëtonte nga ndëshkimi i përfundimtar, Perëndia do ta pranonte dhe do të falte mëkatet e tij.

Ne mësuam se si Abeli, Noeu, Abrahami, Isaku, Jakobi dhe Moisiu iu afruan Perëndisë me anë të besimit, duke ofruar gjakun e kafshëve. Megjithatë mësuam gjithashtu se si Kaini u rebelua kundër Perëndisë ashtu siç bëri tërë njerëzimi gjatë kohës së Noeut, në kullën e Babelit, në Sodomë e Gomorrë dhe në Egjipt. Ata menduan vetëm për vete.

Mësuam se si Perëndia çliroi Izraelin nga skllavëria në Egjipt dhe i kaloi përmes Detit të Kuq. Izraeli, kur pa gjërat e mëdha që bëri Perëndia, i besoi Atij.



### Plotëso këtë aktivitet dhe tregoja mësuesit.

Gjej fjalët në anën e djathtë që u korrespondojnë fjalëve në anën e majtë dhe hiq një vizë për t'i lidhur.

- |                  |                                   |
|------------------|-----------------------------------|
| 1. Perëndia      | Shtëpia e Perëndisë               |
| 2. Bibla         | Dikush vdiq në vend të një tjetri |
| 3. Parajsa       | I shenjtë dhe i drejtë            |
| 4. Adami dhe Eva | Ndëshkimi për mëkatën e njeriut   |
| 5. Vdekja        | Historia e Perëndisë              |
| 6. Çlirimtar     | Armiku i madh i Perëndisë         |
| 7. Flijimi       | Prindërit e tërë njerëzimit       |
| 8. Satani        | Ai do të shkatërrojë Satanin      |

### Karta Awana 34 e përfunduar

Firma e mësuesit \_\_\_\_\_

Data \_\_\_\_\_

# Perëndia siguroi për Izraelin



## Koha e historisë

“Ua, xhaxhi Piteri!” - thirri Karola. “Ne kemi mësuar shumë prej teje rreth Perëndisë dhe Fjalës së Tij, Biblës”.

“Po, vërtetë” - iu përgjigj xhaxhi Piteri. “Por ka ende për të mësuar. Edhe izraelitët mendonin se dinin shumë rreth Perëndisë, por kishte akoma gjëra të tjera për të mësuar pas kalimit të Detit të Kuq”.

“Duhet të ketë qenë shumë argëtues kalimi përmes detit për në tokë të thatë pa u lagur!” - tha Xhoni.

“Mendoj se duhet të ketë qenë i frikshëm!” - tha Karola.

“Ishte i frikshëm edhe për izraelitët, Karola” - tha xhaxhi Piteri. “Edhe pse ata kishin parë tërë gjërat e mëdha dhe të fuqishme që kishte bërë Perëndia në Egjipt, ata akoma nuk besonin që Perëndia mund t’i mbronte. Megjithatë Moisiu i besoi Perëndisë dhe u tha izraelitëve që t’i besonin Perëndisë”.

“Perëndia duhet të ketë qenë i trishtuar që njerëzit nuk i besuan pas tërë atyre gjërave që bëri për ta” - tha Xhoni.

“Jam i sigurt që po” - tha xhaxhi Piteri. “Ata me siguri nuk e meritonin ndihmën e Perëndisë, por edhe pse izraelitët mëkatuan dhe nuk i besuan Atij, ai ishte i mëshirshëm dhe i mbrojt”.

“Kujtoj se si ushtria egjiptiane u mbyt nga Perëndia në det” - tha Karola. “Dhe asnjë prej izraelitët nuk u mbyt”.

“Ngaqë Perëndia i donte” - tha xhaxhi Piteri.

“Dhe,” - e ndërpreu Xhoni, - “ngaqë mbajti premtimin e Tij për t’i shpëtuar!”.

“Perëndia tregoi hir ndaj tyre” - tha xhaxhi Piteri. “Ata nuk mund të largoheshin kurrë nga Egjipti pa ndihmën e Perëndisë. Perëndia donte që ata t’i besonin Atij për gjithçka - ashtu siç do prej nesh që t’i besojmë Atij për gjithçka!”.

“Kur mbërritën në anën tjetër të Detit të Kuq,” - tha Karola, - “ata do të kenë qenë shumë të lumtur që u çliruan nga skllavëria dhe tërë problemet që kishin pasur në Egjipt”.

“Shiko,” - tha xhaxhi Piteri, - “ata nuk ishin tërësisht pa probleme. Ata do të ndesheshin akoma me armiqtë dhe do të kalonin përmes shkretëtirës pa ushqim dhe ujë”.

“Atëherë, si e siguruan ushqimin dhe ujin?” - pyeti Xhoni.

“Shiko, nuk kishte asnjë mënyrë që ata të gjenin vetë në mënyrë të mjaftueshme” - u përgjigj xhaxhi Piteri. “Ata mund të ishin rreth dy milion e gjysmë izraelitë. Ata duhej t’i besonin tërësisht Perëndisë për gjithçka. Le të shohim në Bibël për t’i dhënë përgjigje kësaj pyetjeje, Xhon”.



## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Isaia 41:10 – “Mos ki frikë, sepse unë jam me ty, mos e humb, sepse unë jam Perëndia yt. Unë të forcoj dhe njëkohësisht të ndihmoj dhe të mbaj me dorën e djathtë të drejtësisë sime”.***



## Le të mendojmë

**Përgjigju këtyre pyetjeve dhe tregoja mësuesit.**

1. Kush do të na ndihmojë gjithmonë dhe kush është Ai që i mban premtimet e Tij?  
a. Moisiu;      b. Perëndia;      c. Xhaxhi Piteri.
2. Kush harronte të besonte te premtimet e Perëndisë?  
a. Moisiu;      b. Aaroni;      c. Izraelitët.
3. Kush besoi te Perëndia dhe u tha izraelitëve që të besonin edhe ata?  
a. Aaroni;      b. Moisiu;      c. Egjiptianët.
4. Kush e meriton ndihmën e Perëndisë?  
a. Askush;      b. Të gjithë;      c. Moisiu.
5. Për çfarë duhet t'i besojmë Perëndisë?  
a. Ushqim;      b. Ujë;      c. Gjithçka.

# Mësime nga Fjala e Perëndisë



## Eksodi 16-17:6

Në mësimet e fundit kemi mësuar rreth izraelitëve dhe se si Perëndia i çliroi nga skllavëria në Egjipt. Mësuar gjithashtu rreth mrekullive që bëri Perëndia për izraelitët. Plagët që solli Perëndia ndaj egjiptianëve ishin mrekulli. Ishte një mrekulli kur Perëndia drejtoi izraelitët atje ku donte t'i çonte me anë të një kolone reje gjatë ditës dhe një kolone zjarri gjatë natës. Ishte një mrekulli kur Perëndia hapi detin dhe nxorri izraelitët në tokë të thatë. Mrekullitë na tregojnë madhësitë e Perëndisë; ato na mësojnë më tepër për fuqinë dhe dashurinë e Tij të madhe për krijimin e Tij.

Kur Izraeli pa gjërat e mëdha që bëri Perëndia, ata i besuan Atij. Pasi izraelitët kaluan Detin e Kuq, Perëndia i shoqëroi përmes shkretëtirës për të arritur në Kanaan. Megjithatë, kur erdhën vështirësitë, ata u ankuan. Meqë në shkretëtirë nuk rritet ushqim, ata iu ankuan Moisiut dhe Aaronit se kishin uri. Moisiu nuk mund të siguronte ushqim për ta. Perëndia donte që ata të dinin se vetëm Ai mund t'i ndihmonte në këtë problem. Në vend që të ankoheshin ata duhet të kishin besim te Perëndia për t'i ushqyer. Ata nuk meritonin asgjë nga Perëndia, por në hirin e Tij (mirësia e Perëndisë ndaj mëkatarëve që nuk e meritojnë), Ai u dha atyre ushqim. Perëndia u dha izraelitëve me besnikëri mish në mbrëmje dhe bukë (manën) në mëngjes.

Izraelitët ishin mirënjohës për ushqimin që siguroi Perëndia. Megjithatë ata harruan shpejt fuqinë dhe mirësinë e madhe të Perëndisë. Ata filluan të ankoheshin përsëri. Këtë herë ata u ankuan për ujë. Ata ishin të shqetësuar se mos vdisnin nga etja.

Perëndia i tha Moisiut të godiste një shkëmb me shkopin e tij. Perëndia premtoi që Ai do t'u jepte izraelitëve ujë nga shkëmbi që kishte zgjedhur. Moisiu duhet ta bënte sipas asaj që i kishte thënë Perëndia. Sa herë që izraelitët kishin një situatë të pamundur, Perëndia u thoshte saktësisht se çfarë duhet të bënin. Moisiu iu bind Perëndisë dhe goditi shkëmbin me shkopin e tij. Menjëherë vërshoi një rrjedhë e madhe uji. Kishte ujë të mjaftueshëm për tërë izraelitët dhe kafshët e tyre.

Perëndia u dha izraelitëve ushqim dhe ujë edhe pse nuk meritonin asgjë nga Ai. Perëndia u dha atyre ushqim dhe ujë, sepse është i dashur, i mëshirshëm dhe plot hir. Izraelitët ishin pasardhësit e Abrahamit. Perëndia i premtoi Abrahamit se një prej pasardhësve të tij do të ishte Shpëtimtari i botës. Perëndia mbrojti në mënyrë besnike izraelitët dhe siguroi gjithçka që kishin nevojë. Perëndia i mban gjithmonë premtimet e Tij.



**Plotësoje këtë aktivitet dhe tregoja mësuesit.**

Gjej dhe rretho fjalët e treguara më poshtë tabelën e shkronjave. Fjalët mund t'i gjeni vertikalisht dhe horizontalisht në të dyja krahët.

**KANAAN      USHQIM      PERËNDIA      MIRËSI IZRAELITËT**  
**MREKULLI      KOLONË      FUQI      DET      BESIM      UJË**

K	X	C	P	E	R	Ë	N	D	I	A	Y	I
A	C	U	C	X	U	Z	C	U	X	Z	C	Z
N	Y	SH	Y	M	I	R	Ë	S	I	Z	X	R
A	Z	Q	X	Y	C	Y	X	Z	Z	B	X	A
A	X	I	Y	F	U	Q	I	X	Y	E	Z	E
N	C	M	C	C	X	C	X	U	Z	S	X	L
Z	X	B	X	C	C	X	X	J	X	I	Y	I
K	O	L	O	N	Ë	Y	C	Ë	Y	M	C	T
X	Y	C	X	C	Z	C	X	Y	C	X	X	Ë
M	R	E	K	U	LL	I	C	D	E	T	C	T

### Karta Awana 35 e përfunduar

Firma e mësuesit \_\_\_\_\_

Data \_\_\_\_\_

# Premtimi i Perëndisë ndaj Izraelit



## Koha e historisë

“Çfarë po bën, Karola?” - pyeti Xhoni, ndërsa doli në verandë.

“Po lexoj diçka në Bibël” - iu përgjigj Karola.

“Karola,” - tha Xhoni, - “duhet të ishe duke rregulluar rrëmujën që ke në shtëpi”.

“Mos u shqetëso për të, Xhon” - tha Karola. “Do ta rregulloj. Tani, dua të mbaroj së lexuari historinë”.

“Por Karola,” - tha Xhoni, - “mamaja të tha ta rregulloje para se ajo të kthehet në shtëpi. Ti e di që do të na vijnë mysafirë sonte”.

“Xhon, a do të më lësh rehat?” - thirri Karola. “Nëse nuk e rregulloj, do t’i them mamasë që nuk ndihesha mirë. Ajo...”.

“Karola!” - e ndërpreu Xhoni. “Kjo është gënjeshtëri!”.

“Çfarë do të ishte gënjeshtëri?” - pyeti xhaxhi Piteri, ndërsa po shkonte drejt Xhonit dhe Karolës. “Duket shumë serioze nga mënyra se si po bërtet”.

“Nuk është aq serioze sa e bën Xhoni” - u përgjigj Karola. “Po lexoj Dhjetë Urdhërimet në Bibël. Dua të mësoj saktësisht se çfarë thonë, në mënyrë që të sigurohem se do t’u bindem të gjithave”.

“Duket gjë e mirë” - tha xhaxhi Piteri. “Por mendoj se duhet të dish se askush veç Perëndisë nuk është në gjendje të zbatojë tërë urdhërimet e Tij”.

“Unë nuk di gjë për Dhjetë Urdhërimet” - tha Xhoni. “Karola, ti po i lexon para nesh”.

“Xhon,” - tha xhaxhi Piteri, - “Perëndia u dha izraelitëve disa rregulla apo ligje që quheshin Dhjetë Urdhërimet. Ai ua dha ato urdhërime, në mënyrë që ata të mund të kuptonin se sa mëkatarë ishin. Ata vazhdonin të harronin se si dyshonin te Perëndia dhe se si ankoheshin kur nuk kishin ushqim dhe ujë. Shumë herë ata mendonin vetëm për vete”.

“Prandaj dua që t’i studioj këto Dhjetë Urdhërime tani, xhaxhi Piter” - tha Karola. “Nëse i njoh si duhet, nuk do t’i harroj dhe nuk do t’i shkel”.

“Kështu mendonin izraelitët për urdhërimet e Perëndisë” - tha xhaxhi Piteri. “Ata ishin të sigurt se do t’u bindeshin atyre”.

“A ishin në gjendje ata t’u bindeshin, xhaxhi Piter?” - pyeti Xhoni.

“Jo” - u përgjigj xhaxhi Piteri. “Ligji kërkon bindje të përsosur. Askush nuk mund t’i bindet gjithmonë Perëndisë në mënyrë të përsosur. Ne kemi lindur mëkatarë dhe të gjithë mëkatojmë”.

“Unë bindem gjithmonë!” - tha Karola.

“Karola! Nuk bindesh!” - tha Xhoni i çuditur. “Ti nuk e rregullove rrëmujën ashtu siç të tha mamaja dhe do të gënjeje duke thënë se ishe sëmurë!”.

“Por kjo është diçka e vogël” - tha Karola.

“Ligji i Perëndisë kërkon bindje të përsosur, Karola” - tha xhaxhi Piteri. “Fjala e Perëndisë thotë se duke mëkatuar vetëm një herë, edhe nëse mendon se është një gjë e vogël, si gënjeshtër, je fajtorë, sepse ke shkelur tërë urdhërimet e Perëndisë. Le të shohim në Bibël dhe le të lexojmë për një marrëveshje midis Perëndisë dhe Izraelit”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Jakobi 2:10 – “Sepse kushdo që e zbaton gjithë ligjin, por e shkel në një pikë, është fajtor në të gjitha pikat”.***

## Le të mendojmë

**Përgjigju këtyre pyetjeve dhe tregoja mësuesit.**

1. Çfarë u dha Perëndia izraelitëve, në mënyrë që të kuptonin se sa mëkatarë ishin?  
a. Një libër;   b. Një mesazh nga Moisiu;   c. Dhjetë Urdhërimet.
2. Çfarë janë Dhjetë Urdhërimet?  
a. Histori rreth Perëndisë;   b. Ligji i Perëndisë;   c. Ligji i Moisiut.
3. Kë pranon Perëndia?  
a. Këdo;   b. Njerëzit e mirë;   c. Këdo që është pa mëkat.
4. Kush mund të zbatojë në mënyrë të përsosur tërë Ligjin e Perëndisë? \_\_\_\_\_
5. A është mëkat një gënjeshtër e vogël? Po / Jo.

# Mësime nga Fjala e Perëndisë



## Eksodi 19-20:2

Pas kalimit të Detit të Kuq Perëndia i udhëhoqi izraelitët në malin Sinai, vendi ku Moisiu pa shkurren që digjej. Në atë kohë Zoti Perëndi i kishte premtuar Moisiut se Ai do të sillte atë dhe izraelitët që çliroi nga skllavëria në këtë mal. Perëndia është besnik. Ai i mban premtimet e Tij!

Perëndia i tha Moisiut se kishte një mesazh që donte t'u thoshte izraelitëve. Mesazhi ishte se Zoti premtoi të bekonte izraelitët nëse do t'i bindeshin në mënyrë të përsosur. Nëse do të bënin gjithçka që u tha Perëndia, ata do të ishin një popull i veçantë, i pranuar dhe i bekuar nga Perëndia.

Izraeli premtoi t'i bindej Zotit në gjithçka. Ata menduan se do t'i bindeshin mjaft mirë Perëndisë kështu që Ai do t'u jepte gjithçka që kishin nevojë. Ata akoma nuk po arrinin të kuptonin që ishin të mbushur me mëkat dhe që nuk mund t'i pëlqenin Perëndisë me atë që bënin.

Zoti e dinte që në një kohë të shkurtër kombi i Izraelit nuk do t'i bindej Atij. Megjithatë Ai u ofroi këtë marrëveshje sepse donte t'u tregonte se ishin mëkatarë. Prandaj, si mëkatarë, ata nuk mund të bëheshin miqtë e Perëndisë, t'i pëlqenin, të bëheshin të pranueshëm apo të fitonin dhuratat e Tij. Izraelitët kishin nevojë të mësonin që ndëshkimi për çdo mëkat është vdekja.

Zoti planifikoi të tregonte lavdinë, fuqinë dhe shenjtërinë e Tij të madhe para Izraelit në mënyrë që ata të mësonin se Ai ishte Perëndia i shenjtë që urren mëkatin dhe nuk do të pranojë ata që nuk i binden Fjalës së tij. Ai i largon tërë mëkatarët nga vetja. Ata nuk mund t'i afrohen Perëndisë. A e kujtoni se si Adami dhe Eva u ndanë nga Perëndia? Ata, meqë mëkatuan, u dëbuan nga kopshti, larg Perëndisë.

Perëndia u dha izraelitëve Dhjetë Urdhërimet apo rregullat në mënyrë që ata t'u bindeshin plotësisht. Ndëshkimi për mosbindjen qoftë edhe ndaj njërit prej këtyre udhërimeve ishte ndarja e përgjeshme nga Perëndia në liqenin e zjarrit, të cilin Perëndia e përgatiti për Satanin dhe engjëjt që e ndoqën në rebelimin e tij kundër Zotit Perëndi.

Dhjetë Urdhërimet nuk janë vetëm për izraelitët. Ato janë për tërë njerëzit për të mësuar se sa mëkatarë janë dhe se është e pamundur që dikush të bëhet i pranueshëm para Perëndisë me anë të gjërave që bëjnë. Perëndia i dha gjithashtu Dhjetë Urdhërimet në mënyrë që tërë njerëzit të besonin vetëm në mëshirën e Tij për t'i shpëtuar ndëshkimit të Tij ndaj mëkatit.



**Plotësoje këtë aktivitet dhe tregoja mësuesit.**

Plotëso shkronjat që mungojnë të vargut Jakobi 2:10.

S \_ \_ \_ \_ \_

Z \_ \_ \_ \_ N \_ \_ \_ \_ \_ ,

P \_ \_ \_ \_ \_ N \_ \_ P \_ \_ \_ ,

Ë \_ \_ \_ \_ \_ N \_ \_ \_

GJ \_ \_ \_ \_ P \_ \_ \_ T.



### **Karta Awana 36 e përfunduar**

Firma e mësuesit \_\_\_\_\_

Data \_\_\_\_\_

# Dhjetë Urdhërimet



## Koha e historisë

Xhaxhi Piteri dhe Karola ishin ulur në verandë duke diskutuar për Dhjetë Urdhërimet kur Karola tha: “Xhaxhi Piter, akoma nuk e kuptoj se ç’të mirë ka Ligji nëse askush nuk e zbaton”.

“Karola,” - tha xhaxhi Piteri, - “Perëndia na tregon në Fjalën e Tij, në Letrën drejtuar Romakëve, që Ligji është si mësuesi, që na tregon se sa mëkatarë jemi”.

Ndërsa Xhoni po çohëj, xhaxhi Piteri tha: “Përsëritet Xhon! Çfarë po bëje?”.

“Po digjia plehrat” - u përgjigj Xhoni.

“Xhon,” - tha Karola, - “fytyra jote është shumë pis!”.

“Jo, nuk është bërë!” - tha Xhoni. “Sapo e lava!”.

“Xhon, dukesh shumë qesharak” - tha Karola duke qeshur. “Ke hi në tërë fytyrën”.

“Xhon,” - tha xhaxhi Piteri, - “duhet të shihesh në pasqyrë. Karola, a ke një pasqyrë ku mund të shihet Xhoni?”.

Karola u kthye me një pasqyrë dhe Xhoni pa veten. “Nuk arrij ta besoj!” - tha Xhoni.

“Mendova se isha pastruar!”.

“Nuk më besove mua, apo jo Xhon?” - pyeti Karola.

“Jo” - u përgjigj Xhoni. “Por duhet të besoj atë që shikoj në pasqyrë!”.

“Ky është një shembull i mirë,” - tha xhaxhi Piteri, - “për të na treguar se si e shohim veten në pjesën më të madhe të kohës. Ne mendojmë që jemi mirë derisa e shohim veten në mënyrë të qartë përmes Ligjit të Perëndisë”.

“Ashtu siç nuk iu binda mamasë dhe doja ta gënjeja” - tha Karola. “Mendova se ato ishin gjëra të vogla. Nuk mendoja se ato ishin mëkate”.

“Po” - tha xhaxhi Piteri. “Kujtoj se ti madje mendove se po i zbatoje të gjitha Dhjetë Urdhërimet”.

“Ashtu mendoja derisa ti më tregove se çfarë nënkuptonin me të vërtetë urdhërimet” - tha Karola. “Pastaj mësova se i kisha shkelur”.

“Akoma nuk kuptoj” - tha Xhoni. “Pse i dha Perëndia Dhjetë Urdhërimet nëse nuk mund t’i zbatojmë?”.

“Edhe Karola bëri të njëjtën pyetje, Xhon” - u përgjigj xhaxhi Piteri. “Është njësoj si pasqyra ku pe veten. Ti mendoje se ishe i pastër derisa pe se si dukesh në të vërtetë. Edhe ne jemi ashtu. Nga mënyra se si e shikojmë veten ne nuk mendojmë se jemi mëkatarë”.

“Por Dhjetë Urdhërimet na tregojnë që ne jemi me të vërtetë mëkatarë” - tha Karola.

“A nuk mjaftonte që Perëndia të na thoshte se jemi mëkatarë?” - pyeti Xhoni.

“Po” - u përgjigj xhaxhi Piteri. “Por shumica e njerëzve nuk duan të dëgjojnë apo të lexojnë Fjalën e Perëndisë. Edhe kur e lexojnë, nuk e kuptojnë gjithmonë se ajo u flet edhe atyre. Ne duhet të dimë se jemi mëkatarë dhe mëkatet tona na ndajnë nga Perëndia. Ai dëshiron që ne të shohim se nuk ka asnjë mënyrë se si ne të mund ta



ndihmojmë veten. Perëndia dëshiron të pranojmë se jemi mëkatarë dhe të besojmë vetëm në Të dhe në mëshirën e Tij për të na shpëtuar”.

“Do të doja të bëja diçka për t’u shpëtuar” - tha Karola. “Nuk është e lehtë të besosh”.

“Shiko, Karola,” - tha xhaxhi Piteri, - “kjo do të thotë që të besojmë te vetja për të gjetur një mënyrë për t’u pranuar nga Perëndia. Ligji na kujton gjithashtu se Perëndia është i shenjtë; Ai është i përsosur! Mirësia jonë nuk mund të barazohet kurrë me shenjtërinë e Perëndisë dhe Ai nuk lejon kurrë njerëz mëkatarë në praninë e Tij”.

“Pse zgjodhi Perëndia të na e tregonte anën tonë mëkatore në këtë mënyrë?” - pyeti Xhoni.

“Rrugët e Perëndisë janë të përsosura” - tha xhaxhi Piteri. “I takon Atij të vendosë gjithçka. Ai na do dhe vetëm Ai e di se cila është më e mira për ne. Ligji është i përsosur, sepse Perëndia është i përsosur. Ai është sovran - Ai ka fjalën e fundit për gjithçka. Xhon, mendoj se është koha të shohim një prej Dhjetë Urdhërimeve”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Romakëve 3:20 – “Sepse asnjë mish nuk do të shfajësohet para tij për veprat e ligjit; me anë të ligjit në fakt arrihet njohja e mëkatit”.***

Mish - njeri

## Le të mendojmë

**Përgjigju këtyre pyetjeve dhe tregoja mësuesit.**

1. Çfarë janë Dhjetë Urdhërimet? a. Histori; b. Ligje; c. Mësime.
2. Kush i dha Dhjetë Urdhërimet? a. Moisiu; b. Perëndia; c. Izraelitët.
3. Kujt i shërbejnë Dhjetë Urdhërimet? a. Kujtdo; b. Moisiut; c. Vetëm izraelitëve.
4. Cili është qëllimi i Dhjetë Urdhërimeve?  
a. Për të na bërë të pranueshëm para Perëndisë;  
b. Për të na bërë të shenjtë si Perëndia; c. Për të na treguar që jemi mëkatarë.
5. Sa ligjeve duhet të mos u bindet njeriu dhe sërish të jetë i pranuar nga Perëndia?  
a. Një; b. Katër; c. Asnjë.

# Mësime nga Fjala e Perëndisë



## Eksodi 20:3-17

Kur izraelitët shkuan në malin Sinai, Perëndia u dha dhjetë ligjet e quajtura Dhjetë Urdhërimet. Këto dhjetë ligje ishin për t'u treguar izraelitëve që ata ishin mëkatarë. Tani ata do të dinin se çfarë ishte e drejtë dhe e gabuar në sytë e Perëndisë.

Urdhërimi i parë thotë: **Perëndia dhe vetëm Perëndia duhet të jetë Perëndia i secilit.**

Urdhërimi i dytë thotë: **Njeriu nuk duhet të bëjë idhuj dhe nuk duhet të përkulet apo adhurojë idhujt.**

Urdhërimi i tretë thotë: **Nuk duhet ta keqpërdorësh emrin e Zotit, Perëndisë tënd.**

Urdhërimi i katërt thotë: **Kujtoni të shtunën për ta shenjtëruar.**

Urdhërimi i pestë thotë: **Ndero babain dhe nënën tënde.**

Urdhërimi i gjashtë thotë: **Nuk duhet të vrasësh.**

Urdhërimi i shtatë thotë: **Nuk duhet të kryhesh tradhëti bashkëshortore.**

Urdhërimi i tetë thotë: **Nuk duhet të vjedhësh.**

Urdhërimi i nëntë thotë: **Nuk duhet të gënjeshtë afërmin tënd.**

Urdhërimi i dhjetë thotë: **Nuk duhet të lakmosh diçka që i përket të afërmit tënd.**

Perëndia ua dha këto Dhjetë Urdhëime izraelitëve, por këto urdhëime janë të njëjta për tërë njerëzit, në çdo vend. Ne na kërkohet t'u bindemi të gjithave. Nëse nuk i bindemi një urdhëri, qoftë edhe një herë, është njësoj sikur të mos u bindemi të gjithave. Ata që nuk i binden ligjit nuk janë të përsosur. Perëndia nuk mund t'i pranojë ata në praninë e Tij të shenjtë.

Dhjetë Urdhërimet nuk u dhanë si listë rregullash për t'i zbatuar që të bëhemi të drejtë para Perëndisë. Nuk ishte ky qëllimi i Ligjit. Perëndia e dinte që njeriu nuk mund të zbatonte këtë listë rregullash në mënyrë të përsosur. Perëndia dha Dhjetë Urdhërimet në mënyrë që njeriu të merrte në konsideratë çdo mëkat, të madh apo të vogël, si tejet të rëndë, ashtu siç e shikon edhe Perëndia.

Perëndia dëshiron që ne të shikojmë shenjtërinë dhe drejtësinë e Tij. Dështimi ynë për të zbatuar Ligjin do të na ndihmojë të kuptojmë se edhe kur përpiqemi të bëjmë më të mirën, mirësia jonë as nuk i afrohet shenjtërisë së Perëndisë. Ne nuk mund të jemi aq të mirë sa duhet për të lidhur një marrëdhënie me Perëndinë. Perëndia nuk e ndryshon mendim për mëkat.

Perëndia dëshiron që të gjithë të kuptojmë të vërtetën e Psalmit 51:5, i cili thotë:

*“Ja, unë jam mbrauajtur në paudhësi, dhe nëna ime më ka lindur në mëkat”.*

Njerëzit kanë lindur në mëkat. Njerëzit, duke kuptuar këtë, do të mësonin që për t'u pranuar nga Perëndia, duhet t'i afroheshin Ai përmes një mënyre tjetër. Bibla thotë që vetëm Perëndia në mëshirën e Tij mund të gjejë një rrugë që njerëzit të shpëtohen nga mëkati i tyre dhe të bëheshin të pranueshëm.



**Plotësoje këtë aktivitet dhe tregoja mësuesit.**

**A. Tradhti bashkëshortore; B. Lakmo; C. Ndero; D. Vidh; E. Idhuj;  
F. Gënje; G. Perëndia; H. Të shenjtë; I. Të keqpërdorësh emrin e; J. Vrit.**

1. Perëndia dhe vetëm Perëndia duhet të jetë \_\_\_ i gjithkujt.
2. Njeriu nuk duhet të bëjë, nuk duhet të përkulet para apo të adhurojë \_\_\_.
3. Ti nuk duhet \_\_\_ Zotit, Perëndisë tënd.
4. Kujto ditën e shtunë duke e ruajtur \_\_\_.
5. \_\_\_ atin tënd dhe nënën tënde.
6. Mos \_\_\_.
7. Mos bëj \_\_\_.
8. Mos \_\_\_.
9. Mos \_\_\_ për komshiun tënd.
10. Mos \_\_\_ diçka që i përket komshiut tënd.

### **Karta Awana 37 e përfunduar**

Firma e mësuesit \_\_\_\_\_

Data \_\_\_\_\_

# Tabernakulli

## Koha e historisë



“Përshëndetje, Xhon dhe Karola” - përshëndeti xhaxhi Piteri. “Ç’i kini këto fytyra të trishtuara”.

“Oh, ç’kemi, xhaxhi Piter” - tha Xhoni. “Po mendonim për atë që na the për Perëndinë dhe se si Ai nuk do të pranojë asgjë nga ato që do të bëjmë për të zgjidhur çështjen e mëkateve tona. Kjo do të thotë që të gjithë jemi në telashe!”.

“Ke të drejtë, Xhon” - tha xhaxhi Piteri.

“Atëherë, si mund t’i afrohemi Perëndisë?” - pyeti Xhoni. “Dua të them, nëse Perëndia është i shenjtë dhe Ai është i përsosur, ne nuk mund t’i afrohemi Atij ndonjëherë. Ai nuk do të na pranonte”.

“Mendova se po” - tha Karola. “Por tani e di që nuk mundem”.

“As izraelitët” - tha xhaxhi Piteri. “Por Perëndia i donte dhe donte që ata t’i afroreshin Atij”.

“Por Ai ishte në re!” - tha Xhoni.

“Dhe një kolonë zjarri natën!” - shtoi Karola.

“Po” - u përgjigj xhaxhi Piteri. “Por Perëndia donte të ishte me izraelitët tërë kohën, ndaj Ai siguroi një mënyrë për ta. Megjithatë, ata duhej të dinin se si t’i afroreshin Atij me anë të besimit”.

“Çfarë është besimi?” - pyeti Xhoni.

“Të besosh te Perëndia do të thotë të pranosh për të vërtetë atë që thotë Ai” - u përgjigj xhaxhi Piteri. “Do të thotë, gjithashtu, të besosh se Perëndia do të bëjë atë që thotë se do të bëjë. Ai i mban premtimet. Perëndia donte që izraelitët të besonin vetëm në Të dhe në mëshirën e Tij për të gjetur një mënyrë për t’i shpëtuar”.

“Pasi u dha atyre urdhërimet e Tij,” - tha Karola, - “Ai e dinte se ata kishin nevojë për mëshirë, apo jo, xhaxhi Piter?”.

“Po” - u përgjigj xhaxhi Piteri. “Përmes mëshirës së Tij Ai siguroi një mënyrë për ta, si mëkatarë, që t’i shpëtonin ndëshkimit që meritonin për shkeljen e ligjeve të Tij”.

“Atëherë çfarë bëri Perëndia për të gjetur një mënyrë që ata t’i shpëtonin ndëshkimit të tyre, xhaxhi Piter?” - pyeti Xhoni.

“Perëndia i tha Moisiut që të ndërtonte një tabernakull” - iu përgjigj xhaxhi Piteri.

“Çfarë?” - pyeti Karola.

“Një tabernakull” - u përgjigj xhaxhi Piteri. “Tabernakull do të thotë thjesht një vendbanim - një vend për të banuar. Perëndia donte një vend të veçantë për të jetuar midis izraelitëve, në mënyrë që Ai mund t’u tregonte mëshirën që kishin nevojë”.

“Ai donte ta bënte këtë edhe pse ata mëkatonin?” - pyeti Xhoni.

“Po, Ai e bëri” - iu përgjigj xhaxhi Piteri. “Dhe i tha Moisiut me saktësi si të ndërtonte tabernakullin. Gjithçka duhej të bëhej sipas mënyrës së Perëndisë”.

“Në të njëjtën mënyrë si i tha Noeut për të ndërtuar arkën!” - tha Karola me gëzim.

“Pikërisht!” - tha xhaxhi Piteri. “Vetëm Perëndia mund të gjejë një mënyrë që ne t’i afrohem Atij dhe këtë po bënte për izraelitët. Tabernakulli do të ishte vendi ku Perëndia do të takohej me ta dhe do t’u tregonte mëshirë”.

“Si mund të futeshin tërë ata njerëz në tabernakull?” - pyeti Xhoni.

“Perëndia caktoi përfaqësues të veçantë midis njerëzve për të dalë para Perëndisë në vend të tyre” - u përgjigj xhaxhi Piteri. “Ai i quajti këta burra priftërinj”.

“A mund të jetë kushdo një prift?” - pyeti Xhoni.

“Jo” - u përgjigj xhaxhi Piteri. “Perëndia i zgjodhi ata. Edhe priftërinjtë ishin mëkatarë, ndaj Perëndisë i duhej të gjente një mënyrë që ata t’i afroreshin Atij. Kjo gjë duhej bërë sipas mënyrës së Perëndisë. E tërë kjo është shkruar në Bibël. Le ta shikojmë”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Hebrenjve 9:22b – “Dhe pa derdhur gjak nuk ka ndjesë”.***

## Le të mendojmë

Përgjigju këtyre pyetjeve dhe tregoj mësuesit.

1. Cili është ndëshkimi për mëkatin?  
a. Flijimi i një kafshe; b. Vdekja; c. Pagesa e një gjobe.
2. Çfarë mund të bëjnë njerëzit për të gjetur zgjidhje për mëkatet e tyre?  
a. Asgjë; b. T’u binden Dhjetë Urdhërimeve; c. Të adhurojnë Perëndinë.
3. A pagoi gjaku i kafshëve për mëkatet e Izraelit? Po / Jo.
4. Kush jetonte në tabernakull?  
a. Moisiu; b. Priftërinjtë; c. Perëndia.
5. Çfarë është besimi?  
a. Të kesh besim te Perëndia dhe te premtimet e Tij; b. Një flijim;  
c. Një largim nga ndëshkimi i mëkatit.

# Mësime nga Fjala e Perëndisë



## Eksodi 24:12-40

Perëndia thirri përsëri Moisiun në mal. Këtë herë Perëndia i dha atij Dhjetë Urdhërimet të shkruara në dy pllaka guri. Këta gurë do të ishin një regjistër i përhershëm i urdhërimeve të Perëndisë.

Perëndia, ndërsa Moisiu po takohej me Të, i dha atij disa rregulla dhe norma të tjera që të ndiqeshin nga ai dhe izraelitët. Perëndia i tha atij gjithashtu të ndërtonte një tabernakull: një vend i veçantë ku Perëndia do të jetonte midis njerëzve. Ky vend duhet të ndërtohej saktësisht siç i tha Zoti Perëndi Moisiut.

Zoti e dinte që izraelitët ishin mëkatarë dhe nuk do të ishin gjithmonë në gjendje t'u bindeshin urdhërimeve të Tij. Ata, si njerëz mëkatarë, do të ishin të ndarë prej Tij, si Perëndia i shenjtë. Nëse i afroheshin Perëndisë, ata do të vdisnin. Perëndia i donte izraelitët; Ai nuk donte që të vdisnin. Perëndia do t'u thoshte se si t'i afroheshin Atij pa u shkaktuar vdekjen.

Perëndia zgjodhi vëllanë e Moisiut, Aaronin, për të qenë kryepriifti. Bijtë e Aaronit ishin priiftërinj. Ata ishin ndërmjetësues: ata do të përfaqësonin njerëzit para Perëndisë. Izraelitët duhet të kishin një ndërmjetësues që t'i afrohej Perëndisë në vend të tyre.

Çdo ditë priiftërinjtë i ofronin flijime Zotit në altar, ashtu siç i kishte udhëzuar Ai. Kur një person donte t'i afrohej Perëndisë, ai duhet të sillte në fillim një ofertë për Zotin. Ai duhet ta vendoste tek altari ku ndodheshin priiftërinjtë, brenda gardhit rreth tabernakullit. Perëndia pranonte vetëm kafshët e përsosura si flijime. Gjaku i kafshëve duhet të derdhej, sepse Perëndia kërkonte derdhjen e gjakut për faljen e mëkatit. Ndëshkimi për mëkatin është vdekja. Njeriu, duke sjellë këtë flijim, po pranonte para Perëndisë se ishte mëkatar dhe meritonte të vdiste. Ai po thoshte se kjo kafshë do të vdiste si flijim në vend të tij. Ishte njësoj sikur mëkati dhe faji i njeriut të hiqej prej tij dhe t'i kalonte kafshës. Ai po i kërkonte Perëndisë të pranonte vdekjen e kafshës në vend të tij. Duke ofruar flijimin e kafshës njerëzit po tregonin që ata kishin besim te Perëndia; tregonte se ata i besonin Atij dhe premtimeve të Tij.

A paguante gjaku i kafshëve për mëkatet e tyre? Jo! Gjaku i kafshëve nuk mund të paguante për mëkatet e tyre. Ndëshkimi për mëkatin është vdekja dhe kjo përfshin ndarjen e mëkatarit përgjithmonë nga Perëndia. Mëkati duhet të paguhet plotësisht. Gjaku i kafshëve ishte vetëm një mbulim i përkohshëm; nuk e hiqte borxhin e mëkatit.

Izraelitët ndërtuan tabernakullin për Zotin saktësisht siç u kishte thënë Perëndia. Prandaj Perëndia erdhi të jetonte në tabernakull midis izraelitëve.

Perëndia nuk na kërkon t'i çojmë flijime kafshësh çdo ditë, por kjo ishte mënyra që siguroi për izraelitët për t'u pranuar prej Atij. Përmes Çlirimtarit të premtuar Perëndia do të siguronte një mënyrë më të mirë për të zgjidhur çështjen e mëkatit.



**Plotësoje këtë aktivitet dhe tregoja mësuesit.**


Përdor këto fjalë për të mbushur hapësirat bosh të fjalëkryqit me përgjigjet ndaj pyetjeve më poshtë:

**Besim**

**Mëshirë**

**Tabernakull**

**Ndërmjetësues**



**Horizontalisht:**

1. Një vend i veçantë ku Perëndia jetonte midis izraelitëve.
4. Mënyra e Perëndisë që mëkatarët t'i shpëtojnë ndëshkimit që meritojnë për mëkatet e tyre.

**Vertikalisht:**

2. Të pranosh si të vërtetë atë që thotë Perëndia.
3. Dikush që përfaqëson njeriun para Perëndisë

**Karta Awana 38 e përfunduar**

Firma e mësuesit \_\_\_\_\_

Data \_\_\_\_\_

# Mosbesimi i Izraelit



## Koha e historisë

Xhaxhi Piteri dhe Karola po shihnin Xhonin që po dilte nga shtëpia shumë i mërzitur.

“Çfarë problemi ke, Xhon?” - pyeti Karola. “Nuk je zemëruar me mua, apo jo?”.

“Jo!” - u përgjigj Xhoni, ndërsa po ulej. “Jam i mërzitur me mamini!”.

“A je i sigurt se duhet të jesh i mërzitur me mamini, Xhon?” - pyeti xhaxhi Piteri.

“Po!” - u përgjigj Xhoni. “Ajo tha se nuk duhet të dal me miqtë e mi sonte. Ky është ndëshkim i tepruar thjesht se jam ankuar për diçka”.

“Shiko, Xhon,” - tha xhaxhi Piteri, - “mamaja jote ka autoritetin të vendosë çfarëdo ndëshkimi të dojë. Ajo e di se çfarë është më e mira për ty. Pastaj ti duhet t'i respektosh prindërit e tu, e kujton?”.

“Xhon, po ia thua tërë historinë xhaxhi Piterit, apo jo?” - pyeti Karola. “E ke pasur këtë ndëshkim për një kohë të gjatë. A e mban mend se si javën e shkuar qëndrove vonë jashtë, më tepër se ç'duhet, ndërsa dje nuk e mbarove punën që të kishte dhënë mamaja? Dhe ke qenë duke u ankuar tërë ditën për...”.

“Në rregull, në rregull!” - tha Xhoni i vënë në siklet. “Nuk ke pse t'ia thuash gjithçka xhaxhi Piterit!”.

“Xhon” - tha xhaxhi Piteri. “Duket se po mendon shumë për veten këto ditë. Mendoja se e doje mamini dhe doje ta kënaqje atë”.

“Dua” - tha Xhoni. “Nuk e di se çfarë nuk shkon me mua! Përpiqem t'i bindem mamit dhe përpiqem të jem mirënjohës për atë që bën për mua. E di që ajo më do dhe dëshiron të më japë atë që kam nevojë. Mendoj se ke të drejtë. Mendoj shumë për veten dhe vazhdoj të harroj se sa shumë kujdeset ajo për mua”.

“Duket pak a shumë si izraelitët, apo jo, xhaxhi Piter?” - pyeti Karola.

“Ke të drejtë për këtë, Karola!” - u përgjigj xhaxhi Piteri. “Kemi lexuar se si nuk iu bindën dhe se si u ankuan për Perëndinë dhe për mënyrën se si u kujdes Ai për ta. Bibla na flet edhe më tepër për izraelitët që vazhdonin të ankoheshin për ushqimin dhe ujin e tyre. Ata thanë se e donin Perëndinë dhe ishin mirënjohës që Ai siguronte për nevojat e tyre. Pastaj, më vonë ata do ta harronin mirësinë e Perëndisë ndaj tyre dhe do të ankoheshin edhe më shumë”.

“Shiko, e di që mamasë i ka ardhur në majë të hundës me ankesat e Xhonit” - tha Karola.

“Mendoj se Perëndisë do t'i ketë ardhur në majë të hundës, duke i dëgjuar izraelitët që ankoheshin”.

“Perëndisë nuk i erdhi në majë të hundës” - tha xhaxhi Piteri. “Po kështu edhe Moisiu dhe Aaroni, vëllai i Moisiut. Bibla thotë se edhe Moisiu dhe Aaroni nuk iu bindën njërit prej udhëzimeve të Perëndisë, sepse ishin shumë të mërzitur me izraelitët që ankoheshin”.

“Kjo më çudit” - tha Karola. “Nuk mendoja se Moisiu dhe Aaroni mund të mëkatonin kundër Perëndisë. Ata janë lajmëtarët e Perëndisë për popullin e Tij”.



“Karola,” - tha xhaxhi Piteri, - “a kujton kur mësuam se gjithkush ka lindur me mëkat që nga koha e mëkatit të Adamit?”.

“Po, e kujtoj” - u përgjigj Karola. “Por nuk mendova se Moisiu dhe priftërinjtë, të cilët Perëndia i përdori si ndërmjetës midis popullit të Tij dhe Vetes, të mëkatonin më”.

“Mendoj se mësimi që mund të nxjerrim sot,” - tha xhaxhi Piteri, - “është që askush tjetër përveç Perëndisë, nuk mund të bëjë një jetë të përsosur pa mëkatuar. Perëndia dëshiron që ne të pranojmë se kemi mëkat dhe t’i besojmë Atij për të na shpëtuar nga mëkati. Ne nuk mund të reshtim kurrë së mëkatuari me anë të përpjekjeve tona. Le të shohim një histori tjetër në Bibël, ku Perëndia tregoi mëshirën dhe hirin e Tij ndaj izraelitëve që ankoheshin.

### *Le të shohim në Bibël*

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Hebrenjve 11:6 – “Edhe pa besim është e pamundur t’i pëlqesh Atij, sepse ai që i afrohet Perëndisë duhet të besojë se Perëndia është, dhe se është shpërblenjësi i atyre që e kërkojnë atë”.***

### *Le të mendojmë*

**Përgjigju këtyre pyetjeve dhe tregoja mësuesit.**

1. Cili ishte emri i tokës që Perëndia premtoi t’u jepte izraelitëve?  
a. Mali Sinai; b. Kanaani; c. Egjipti.
2. Kush siguroi për nevojat e izraelitëve?  
a. Moisiu; b. Priftërinjtë; c. Perëndia.
3. Pse nuk donin izraelitët të futeshin në Kanaan?  
a. Ata nuk e pëlqenin tokën; b. Kishin frikë; c. Ata nuk mund të futeshin.
4. Kush i shëroi izraelitët, kur panë gjarprin prej bronzi? \_\_\_\_\_.
5. Çfarë duhet të bëjë një person për t’i pëlqyer Perëndisë dhe për t’u pranuar prej Tij?  
a. Vepra të mira; b. Të ketë besim te Perëndia;  
c. Të përpiqen t’u binden Dhjetë Urdhërimeve.

# Mësimet nga Fjala e Perëndisë



**Numrat 13-14; 20-21:4-9**

Perëndia ngriti renë nga mali Sinai ku u kishte dhënë izraelitëve Dhjetë Urdhërimet e Tij. Izraelitët ndiqnin renë kur lëvizte dhe Zoti i drejtoi deri në buzë të tokës (Kanaanit), të cilën ia kishte premtuar atyre. Njerëzit që jetonin në tokën e Kanaanit ishin shumë të këqinj dhe adhuronin idhujt. Perëndia planifikoi t'i shkatërronte dhe t'u jepte tokën e tyre izraelitëve.

Izraelitët po mësonin gjithnjë e më shumë për Perëndinë. Me anë të Dhjetë Urdhërimeve ata e dinin se çfarë ishte e drejtë dhe çfarë e gabuar. Megjithatë izraelitët nuk mund t'u bindeshin Dhjetë Urdhërimeve dhe të pranoheshin nga Perëndia. Por Perëndia tregoi dashurinë e Tij ndaj tyre duke siguruar një rrugë për t'i pranuar, me anë të besimit, përmes filijimit me gjak. Perëndia siguroi gjithashtu për tërë nevojat e tyre. Izraelitët duhet të kishin qenë shumë mirënjohës për gjithçka që Zoti Perëndi po bënte për ta. Megjithatë izraelitët vazhdonin të harronin gjithçka që kishte bërë Perëndia për ta. Ata vazhdonin të ankoreshin. Ata nuk besonin se çfarë tha Perëndia në premtimet e Tij.

Moisiu dërgoi dymbëdhjetë zbulues në Kanaan për të parë se si ishte toka dhe njerëzit. Kur u kthyen, dhjetë prej tyre raportuan një tokë të mirë me gjigantë. Ata nuk mendonin se izraelitët duhet të futeshin në këtë tokë, sepse kishin frikë nga këta njerëz të mëdhenj. Dy zbuluesit e tjerë thanë që toka ishte e mirë, por, edhe pse njerëzit ishin të mëdhenj, Perëndia do t'i ndihmonte të pushtonin tokën që kishte premtuar. Izraelitët besuan dhjetë zbuluesit në vend të premtimeve të Perëndisë. Perëndia u tha izraelitëve që për shkak se nuk i besuan Atij, tërë ata që ishin njëzet vjet e lart, që nuk kishin besuar në Të, do të vdisnin para se të futeshin në tokën që Ai u kishte premtuar atyre. Ata do të vinin vërdallë në shkretëtirë për dyzet vjet ndërsa njerëzit vdisnin. Perëndia ndëshkon këdo që refuzon t'i besojë Atij.

Ndërsa izraelitët po vinin vërdallë, ata ankoreshin përsëri për ushqimin dhe ujin e tyre. Perëndia vendosi t'i ndëshkonte për shkak të mëkatit të tyre. Ai dërgoi gjarpërinj në kampin e tyre. Izraelitët nuk mund t'u shpëtonin gjarpërinjve helmues. Shumë prej tyre vdiqën.

Izraelitët pranuan që kishin mëkatuar. Ata po i besonin përsëri Perëndisë. Ata kuptuan se vetëm Zoti mund t'i shpëtonte nga vdekja, kështu që i kërkuan Moisiut t'i kërkonte Zotit ndihmë. Moisiu ishte ndërmjetësuesi midis izraelitëve dhe Perëndisë.

Meqë Zoti Perëndi është i mëshirshëm, Ai vendosi të falte dhe të shpëtonte izraelitët. Perëndia i tha Moisiut të vendoste një gjarpër bronzi në një shtizë. Nëse njerëzit ishin kafshuar, ata duhet të ngrinin sytë drejt gjarpërit prej bronzi ashtu siç i kishte udhëzuar Perëndia. Duhet të bëhej sipas mënyrës së Perëndisë. Të gjithë ata që i besuan Perëndisë dhe shikonin menjëherë shëroheshin nga Zoti. Nuk kishte fuqi në gjarpërin prej bronzi, por ishte fuqia e Perëndisë. Perëndia po u jepte njerëzve një mundësi për t'i treguar se i besonin Atij. Perëndia shpëton ata që kanë besim në Të.

Perëndia është i shenjtë dhe i drejtë dhe gjykon çdo mëkat. Por Ai është edhe i dashur, i mëshirshëm dhe plot hir. Perëndia do që ne të besojmë tek Ai, ashtu siç bënë izraelitët.



**Plotësoje këtë aktivitet dhe tregoja mësuesit.**

Duke përdorur fjalët e renditura më poshtë, plotëso Hebrenjve 11:6

Edhe \_\_\_\_\_ është \_\_\_\_\_ t'i \_\_\_\_\_ Atij, sepse ai që  
\_\_\_\_\_ duhet të \_\_\_\_\_ se \_\_\_\_\_ është, dhe se  
është \_\_\_\_\_ i atyre që e \_\_\_\_\_.

**shpërblenjësi**

**Perëndia**

**besojë**

**i afrohet**

**e pamundur**

**Perëndisë**

**pëlqesh**

**kërkojnë**

**besim**

**pa**

**atë**

### **Karta Awana 39 e përfunduar**

Firma e mësuesit \_\_\_\_\_

Data \_\_\_\_\_

# Izraeli në tokën e premtuar



## Koha e historisë

“Hej Xhon” - thirri Karola, ndërsa doli nga dera për ta takuar, - “a e pe ndërtësën e re që po ndërtojnë sipër rrugës?”.

“Po, e pashë” - u përgjigj Xhoni. “Ndala dhe e pashë. Është një kishë e re”.

“Nuk arrij të kuptoj se pse po ndërtojnë një kishë të re?” - pyeti Karola. “Kemi tashmë dy kisha këtu përreth”.

“Mbase kjo është ndryshe nga kishat e tjera” - u përgjigj Xhoni.

“Oh, Xhon,” - qeshi Karola, - “të gjitha kishat janë njësoj. Çfarë mund të ketë ndryshe kjo?”.

“Nuk jam i sigurt,” - tha Xhoni, - “por xhaxhi Piteri ka qenë në kishë dhe ai dukej shumë i lumtur që po ndërtohej kjo kishë. Ai ka ndihmuar për ndërtimin e saj”.

“Ky po që është lajm” - tha Karola. “Nuk e kam parë asnjëherë më parë xhaxhi Piterin të shkojë në kishë. Gjithmonë kam pyetur veten se pse nuk ka shkuar”.

“Mund të të them se pse nuk kam shkuar” - u përgjigj xhaxhi Piteri, ndërsa po shkonte drejt Xhonit dhe Karolës. “Pikë së pari, ke të drejtë Xhon, kjo kishë është ndryshe. Jo të gjitha kishat janë njësoj. Drejtuesit në disa kisha nuk mësojnë të vërtetën rreth Perëndisë dhe atë që Ai na mëson në Bibël; por kjo kishë do ta bëjë. Tani do të shkoj në kishë”.

“Ç’gjë tjetër mësojnë ata, xhaxhi Piter” - pyeti Karola. “A nuk është kjo arsyeja se pse të duhet të ekzistojë një kishë, për të adhuruar dhe për të dëgjuar rreth Perëndisë?”.

“Ke të drejtë, Karola” - u përgjigj xhaxhi Piteri. “Perëndia duhet të jetë i vetmi që adhurohet në kishë. Megjithatë, disa njerëz nuk besojnë te një Perëndi i vërtetë”.

“E di” - e ndërpreu Xhoni. “Populli egjiptian adhuronte faraonin dhe idhujt. Por mendoja se ata ishin të vetmit që adhuronin idhujt”.

“Jo, Xhon” - tha xhaxhi Piteri i trishtuar. “Disa izraelitë adhuronin idhujt që u përkisnin popujve që jetonin rreth tyre. Ejani, le të marrim Biblat. Do t’ju tregoj se si Perëndia dërgoi profetë për t’i paralajmëruar izraelitët që të ktheheshin tek Ai ose përndryshe do t’i ndëshkonte, duke lejuar që armiqtë e tyre t’i mundnin. Ata nuk e pëlqyen atë që thanë profetët e Perëndisë, ndaj i vranë disa prej tyre”.

“Perëndia nuk i la të dilnin paq nga kjo, apo jo, xhaxhi Piter?” - pyeti Karola.

“Jo, Karola. Nuk i la” - u përgjigj xhaxhi Piteri. “Ata vazhdonin të mëkatonin, ndaj Perëndia bëri atë që u kishte thënë se do të bënte. Ishte një kohë e vështirë për izraelitët”.

“Nuk e kuptoj se pse donin të adhuronin idhujt” - tha Xhoni. “Ata nuk mund të bëjnë asgjë nga ato që bën Perëndia”.

“Shiko, Xhon,” - tha xhaxhi Piteri, - “nëse mendon mirë, mund të të vijë ndërmend disa nga mënyrat se si njerëzit sot janë njësoj si ata”.

“Me të vërtetë?” - pyeti Karola. “Do të thuash se ka ende njerëz sot që adhurojnë njerëzit dhe gjërat në vend të Perëndisë?”.

“Po” - tha xhaxhi Piteri. “Ndërsa marrim Biblat tona, mund të diskutojmë për mënyrat se si njerëzit sot adhurojnë gjërat që Perëndia ka krijuar, në vend që të adhurojnë Atë”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

**2 Pjetrit 3:9 – “Zoti nuk vonon plotësimin e premtimit të tij, siç disa besojnë që ai bën; por është i durueshëm ndaj nesh, sepse nuk do që ndokush të humbasë, por që të gjithë të vijnë në pendim”.**

**I durueshëm** - I duruar

**Të humbasë** - ndarje e përvetshme nga Perëndia dhe ndëshkim në liqenin e zjarrit

**Vonon** - Ngadalëson

## Le të mendojmë

**Përgjigju këtyre pyetjeve dhe tregoja mësuesit.**

1. Cilët janë ata që Perëndia dëshiron që të humbasin?  
a. Të këqijtë; b. Askush; c. Izraelitët.
2. Cila është gjëja më e rëndësishme që duhet të bëjmë në kishë?  
a. Të adhurojmë idhuj; b. Të mësojmë se si të jemi të mirë;  
c. Të adhurojmë Perëndinë.
3. Çfarë është një idhull?  
a. Perëndia i vërtetë; b. Gjërat që adhurojnë njerëzit; c. Diçka e fuqishme.
4. Pse i ndëshkoi Perëndia izraelitët, duke i lënë në duart e armiqve të tyre?  
a. Sepse ata adhuronin idhuj; b. Sepse ata nuk i pëlqenin profetët;  
c. Perëndia nuk i donte më izraelitët.
5. Çfarë dëshiron Perëndia që të bëjë çdo njeri sipas 2 Pjetrit 3:9?  
a. Të humbasin; b. Të vuajnë; c. Të pendohen.

# Mësim nga Fjala e Perëndisë



**Jozueu 1:1-3; Gjyqtarët 2:7-19; 2 Mbretërve 17:1-8; 25:1-12**

Izraelitët ishin endur në shkretëtirë për dyzet vjet, sepse refuzuan të besonin që Perëndia do t'u jepte atyre tokën e premtuar. Moisiu dhe Aaroni vdiq para se Izraeli të futej në tokën e premtuar, ashtu siç tha Perëndia. Ata për të cilët Perëndia tha se do të ndëshkoheshin për mosbesimin e tyre kishin vdekur dhe fëmijët e tyre ishin të rritur tashmë. Zoti ishte tashmë gati të fuste izraelitët në Kanaan, në tokën e premtuar.

Jozueu, i cili zuri vendin e Moisiut, çoi izraelitët në Kanaan dhe Zoti u dha tokën që i kishte premtuar Abrahamit dhe pasardhësve të tij. Pasi Jozueu dhe të rriturit që kishin parë mrekullitë e Zotit në shkretëtirë kishin vdekur, izraelitët harruan Zotin. Ata nuk besuan te Perëndia në tokën e premtuar. Ata adhuruan perëndi të remë dhe imituan gjëra të këqija të kombeve fqinj që nuk e njihnin Perëndinë apo Fjalën e Tij. Satani i kishte mashtruar këta njerëz duke i shtyrë të mendonin se po adhuronin perënditë e vërteta.

Zoti ndëshkoi Izraelin sepse e harroi Atë dhe adhuroi idhujt. Perëndia lejoi kombet fqinj që urrenin Izraelin ta mundnin dhe ta bënë shërbëtor të tyre, ashtu siç i kishte paralajmëruar. Kur Izraeli u pendua, duke pranuar para Perëndisë mëkatën e tyre dhe duke e thirrur për ndihmë, Ai zgjidhte një burrë apo grua për t'i drejtuar dhe çliruar nga armiqët e tyre. Këta njerëz quheshin gjyqtarë. Izraelitët harronin Zotin në mënyrë të përsëritur. Zoti lejonte që të pushtoheshin herë pas here nga armiqët e tyre. Edhe pse izraelitët nuk i bindeshin Perëndisë dhe Ai duhet t'i ndëshkonte, Ai përsëri i donte.

Edhe pse Perëndia ishte sovrani dhe mbreti i izraelitëve, ata e refuzuan Atë si mbret dhe kërkuan një tjetër si kombet rreth tyre. Perëndia i dha Izraelit atë që kërkoi; shumë mbretër sunduan mbi të. Një prej mbretërve më të mirë dhe të mëdhenj tokësorë të Izraelit ishte mbreti David. Perëndia i dha Davidit të njëjtin premtim që u dha Abrahamit, Isakut dhe Jakobit: Ai premtoi se Çlirimtari do të dilte nga familja e tij. Disa prej këtyre mbretërve, si Davidi, i besuan Perëndisë, por shumica e tyre jo.

Perëndia dërgoi lajmëtarë të quajtur profetë për të paralajmëruar izraelitët që duhet të pendoheshin, të shkatërronin idhujt e tyre dhe të besonin vetëm tek Ai. Në rast të kundërt Perëndia do t'i ndëshkonte. Izraelitët urrenin atë që thoshin profetët. Ata vranë disa nga profetët e Perëndisë. Përveç profetëve të Perëndisë kishte gjithashtu profetë të remë që i thoshin gënjeshtër Izraelit. Ata u thoshin njerëzve se gjithçka do të bëhej mirë dhe se Perëndia nuk do t'i ndëshkonte: e ngjashme me gënjeshtërën e Satanit ndaj Evës në kopshtin e Edenit.

Megjithatë Perëndia i ndëshkoi për mosbesimin e tyre. Perëndia lejoi që izraelitë, tashmë të quajtur hebrenj, të pushtoheshin nga romakët. Romakët sunduan mbi judenjtë dhe i detyruan të paguanin taksa. Ata vranë shumë judenj me shpatë, heshtë ose me anë të kryqëzimit (vdekja me anë të gozhdimit apo lidhjes së dikujt në kryq).

Mosbesimi i Izraelit dhe refuzimi i premtimeve e trishtuan Perëndinë. Megjithatë Perëndia nuk ndryshoi asnjëherë planet apo nuk harroi premtimet e Tij rreth Çlirimtarit.



Plotësoje këtë aktivitet dhe tregoja mësuesit.

Ngjyros shkronjat që përmbajnë një yll për të zbuluar mesazhin e fshehtë.

AZUOTXINUKIËASHO  
TËINOGLADGALTËNË  
MBSAJXTJEDNKEPL  
REFMTGIMIJTËTËTAIJ

Mesazhi: \_\_\_\_\_  
\_\_\_\_\_

### Karta Awana 40 e përfunduar

Firma e mësuesit \_\_\_\_\_

Data \_\_\_\_\_

# Perëndia përgatit rrugën për Çlirimtarin



## Koha e historisë

Xhoni dhe Karola po shikonin kishën e re afër shtëpisë së tyre, për të cilën xhaxhi Piteri kishte dhënë ndihmën për ta ndërtuar.

“Xhaxhi Piter,” - tha Karola e gëzuar, - “kjo është një kishë shumë e këndshme! A mendon se shumë njerëz do të marrin pjesë në takime këtu?”

“Ashtu shpresoj” - u përgjigj xhaxhi Piteri. “Megjithatë, ndonjëherë është e vështirë që njerëzit ta ndryshojnë atë që besojnë; ata nuk duan të mësojnë diçka të re”.

“Kjo më kujton izraelitët” - tha Xhoni. “A filluan ndonjëherë ta dëgjonin Perëndinë?”

“Jo,” - u përgjigj xhaxhi Piteri, - “shumë prej tyre nuk e bënë. Por gjithmonë ka pasur disa njerëz që i besuan Perëndisë. Ata e dinin se Perëndia do të vepronte ashtu siç kishte premtuar. Ata donin Çlirimtarin, për të Cilin Perëndia kishte premtuar se do të vinte shpejt. Ata po shpresonin që Çlirimtari të ishte një mbret që do t'i shpëtonte nga sundimi i romakëve”.

“A u dërgoi Perëndia një mbret?” - pyeti Karola.

“Jo mbretin e mbretërve që prisnin ata” - u përgjigj xhaxhi Piteri. “Asnjë qenie njerëzore nuk mund t'i ndihmonte. Perëndia kishte premtuar një çlirimtar që do t'i çlironte njerëzit nga mëkati, nga Satani dhe nga ndarja e përjetshme nga Perëndia. Të gjithë kishin mëkatuar dhe Perëndia nuk mund të pranojë diçka të kryer nga njerëzit mëkatarë”.

“Kë dërgoi Perëndia?” - pyeti Xhoni.

“Perëndia bëri gjënë më të mahnitshme që ishte bërë ndonjëherë” - u përgjigj xhaxhi Piteri. “Ai erdhi vetë për të qenë Çlirimtari!”

“Perëndia erdhi në tokë?! - tha Karola e çuditur. “Mendova se njerëzit nuk mund ta shikonin Perëndinë”.

“Ke të drejtë, Karola” - tha xhaxhi Piteri. “Por a kujton kur mësuam nga Bibla se Perëndia është Trini: Perëndia Atë, Perëndia Bir dhe Perëndia Frymë? Perëndia do të dërgonte Birin e Tij për të qenë Çlirimtari”.

“Ua!” - tha Xhoni. “Kjo është e mahnitshme! Po habitem që Perëndia nuk i la tërë njerëzit të humbisnin pa ndonjë ndihmë prej Tij. Njerëzit mëkatonin vazhdimisht duke mos iu bindur Perëndisë”.

“Ai mund t'i linte të humbisnin” - tha xhaxhi Piteri. “Por kishte premtuar të dërgonte një Çlirimtar; dhe kishte gjithmonë disa njerëz që i besonin Perëndisë. Perëndia është plot hir dhe pranon ata njerëz që i afrohen Atij me anë të besimit, duke besuar tek Ai për t'u shpëtuar”.

“Perëndia është shumë i durueshëm, apo jo, xhaxhi Piter?” - tha Karola. “Po, është” - u përgjigj xhaxhi Piteri. “Dhe Ai e dinte me saktësi se çfarë duhej për të shpëtuar popullin nga mëkatet e tij. Ai e dinte se ishte i vetmi që mund të bënte këtë punë. Ishte e



pamundur që njeriu të shpëtonte veten, por për Perëndinë nuk ka asgjë të pamundur”.  
 “Por si mund të vijë Perëndia këtu si njeri nëse Ai është Perëndi?” - pyeti Xhoni.  
 “Perëndia kreu mrekulli; Ai është i fuqishëm: nuk ka asgjë të pamundur për Të” - tha  
 xhaxhi Piteri. “Ai bëri që Biri i Tij të lindte përmes një gruaje të zakonshme. Perëndia  
 Bir nuk kishte një atë tokësor. Perëndia Atë ishte Ati i Tij. Çlirimtari duhet të ishte pa  
 mëkat: Ai nuk mund të kishte lidhje me Adamin”.  
 “Duhet të ketë qenë shumë e vështirë që Ai të linte qiellin dhe të vinte në këtë vend plot  
 mëkat” - tha Karola. “A e di se si e bëri Perëndia këtë?”.  
 “E di që Perëndia e bëri, sepse na do” - tha xhaxhi Piteri. “Por le të shkojmë të marrim  
 Biblat dhe të lexojmë se si ndodhi kjo gjë”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh  
 vetëm dy ndihma.

***Luka 1:37 - “Sepse me Perëndinë asgjë s’është e  
 pamundshme”.***

## Le të mendojmë

**Përgjigju këtyre pyetjeve dhe tregojë mësuesit.**

1. Kush ka mëkatuar?  
 a. Askush; b. Disa njerëz; c. Të gjithë.
2. Kë kishte premtuar të dërgonte Perëndia për t’i shpëtuar njerëzit nga mëkati, Satani  
 dhe vdekja?  
 a. Një mbret; b. Një Çlirimtar; c. Një kafshë të përsosur.
3. Cili ishte Çlirimtari?  
 a. Mbret; b. Një grua e zakonshme; c. Perëndia Bir.
4. Pse mund t’i çlironte Biri i Perëndisë njerëzit nga mëkati, Satani dhe vdekja?  
 a. Ai ishte i fortë; b. Ai nuk kishte mëkat; c. Ai i donte tërë njerëzit.
5. Kë do të çlirojnë Perëndia nga mëkati, Satani dhe vdekja?  
 a. Të gjithë ata që besojnë te Perëndia; b. Të gjithë ata që duan të çlirohen;  
 c. Këdo që është i mirë.

# Mësimet nga Fjala e Perëndisë



**Malakia 3:1; Luka 1:5-38**

Profeti i fundit që foli në emër të Perëndisë ishte një njeri që quhej Malakia. Malakia kujtoi judenjtë që Perëndia i donte dhe se Ai do të dërgonte Çlirimtarin e Tij të premtuar. Ai u tha atyre gjithashtu se, para se të vinte Çlirimtari, Perëndia do të dërgonte një profet tjetër. Detyra e këtij profeti do të ishte përgatitja e rrugës së Çlirimtarit të ardhshëm.

Katërqind vjet pas Malakisë Perëndia ishte gati të bënte atë që kishte premtuar në kopshtin e Edenit: dërgimin e Çlirimtarit! Një engjëll nga Perëndia vizitoi një çift të moshuar judenjsh në Jerusalem që besonin te Perëndia dhe po prisnin realizimin e premtimeve të Tij. Ai solli një mesazh nga Perëndia: një premtim që Zakaria, një prift në tempull në Jerusalem dhe gruaja e tij, Elizabeta, do të kishin një fëmijë. Ata do t'ia vinin emrin Gjon. Biri i tyre, **Gjoni, do të ishte profeti që do të përgatiste popullin për të pranuar Çlirimtarin e ardhshëm, ashtu siç kishte profetizuar Malakia katërqind vjet më parë. Engjëlli e quajti Çlirimtarin e ardhshëm “Zot”.** Çlirimtari i ardhshëm, Shpëtimtari i njerëzimit, do të ishte vetë Perëndia!

Perëndia dërgoi gjithashtu një engjëll për t'i thënë një vajze të virgjër të quajtur Maria se Perëndia e kishte zgjedhur për të qenë nëna e Çlirimtarit. Maria ishte thjesht një grua e zakonshme, e cila, edhe pse ishte mëkatore, besoi te Perëndia për të dërguar Çlirimtarin. **Perëndia zgjodhi Marinë për të qenë nëna e Çlirimtarit të premtuar** sepse Perëndia bën atë që pëlqen. Perëndia është sovran: Ai është autoriteti më i lartë. Foshnja e Marisë do të quhej Jezus, që do të thotë Shpëtimtar apo Çlirimtar.

Engjëlli Gabriel i tha gjithashtu Marisë disa gjëra të mahnitshme rreth djalit të saj të ardhshëm. Biri i saj nuk do të ishte vetëm i saj, por Ai do të ishte edhe Biri i Shumë të Lartit, pra, Biri i Perëndisë. Kur filluam të studiojmë Biblën së bashku, mësuam për Trininë. Mësuam që, edhe pse ka vetëm një Perëndi, Ai është tre persona që janë të barabartë në çdo aspekt. Këta të tre janë Perëndia Atë, Perëndia Bir dhe Perëndia Frymë e Shenjtë. Perëndia është frymë dhe nuk ka një trup njerëzor. Megjithatë, Shpëtimtari duhet të ishte qenie njerëzore ashtu si ne, veçse duhet të ishte pa mëkat. Në mënyrë që plani i Perëndisë rreth Çlirimtarit të mund të përmbushej, Perëndia Bir duhet të zbriste nga qielli për të lindur si qenie njerëzore. Këtë do ta bënte përmes Marisë. Ky bir, Jezusi, do të ishte plotësisht Perëndi e plotësisht njeri! **Jezusi, Çlirimtari**, nuk do të kishte një atë njerëzor si Gjoni. Maria nuk arrinte të kuptonte se si mund të lindte një fëmijë i cili nuk kishte një baba njerëzor. Engjëlli tha se Perëndia Frymë e Shenjtë do të kryente këtë mrekulli.


Ishte e pamundur që një virgjreshë të kishte fëmijë, por për Perëndinë çdo gjë është e mundur. Perëndia krijoi njeriun e parë, Adamin, nga pluhuri i tokës dhe Perëndia i jep jetë çdo personi. Nuk ishte e vështirë për Perëndinë t'ia jepte këtë fëmijë Marisë pa pasur foshnja një atë njerëzor. Perëndia mund të bëjë gjithçka.

Maria besoi te Zoti dhe pranoi se ishte vullneti i Perëndisë që ajo të ishte nëna e Shpëtimtarit. Perëndia nuk e kishte harruar premtimin e Tij për të dërguar një Çlirimtar.

# 

**Plotësoje këtë aktivitet dhe tregoja mësuesit.**

Përdor përgjigjet ndaj pyetjeve më poshtë për të plotësuar fjalëkryqin.



**Vertikalisht:**

1. Si quhet Perëndia në tre persona?
2. Cili ishte profeti që përgatiti popullin për të pranuar Çlirimtarin e ardhshëm?
3. Kë ka premtuar Perëndia të dërgojë për të shpëtuar njerëzimin nga mëkati, Satani dhe vdekja?
4. Cila ishte nëna e Çlirimtarit?

**Horizontalisht:**

5. Cili është Çlirimtari?
6. Cili është ati i Jezusit, Çlirimtarit?

## **Karta Awana 41 e përfunduar**

Firma e mësuesit \_\_\_\_\_

Data \_\_\_\_\_

# Pyetje, pyetje, pyetje!



**Moisiu dhe Izraelitët:** Izraelitët ishin pasardhësit e Abrahamit, Isakut dhe Jakobit. Kur Jozefi, djali i Jakobit, ishte sundues në Egjipt, familja e tij u zhvendos nga Kanaani në Egjipt për shkak të zisë së bukës në Kanaan. Faraoni i Egjiptit i kishte bërë skllavër për shumë vjet.

1. Kë zgjodhi Perëndia për t'i nxjerrë izraelitët nga skllavëria në Egjipt? **Moisiun.**
2. Kush i çliroi izraelitët në Detin e Kuq? **Perëndia.**
3. Çfarë problemi kishin izraelitët pasi kaluan Detin e Kuq? **Ata nuk kishin ushqim apo ujë.**
4. A i besuan izraelitët Perëndisë për të siguruar ushqim dhe ujë për ta? **Jo, ata u ankuan dhe fajësuan Moisiun dhe Aaronin për situatën e tyre.**
5. A e meritonin izraelitët që t'u jepej ushqim nga Perëndia? **Jo.**
6. A ka ndonjë person që meriton dashurinë e Perëndisë dhe ato që Ai siguron? **Jo.**

**Dhjetë urdhërimet:** Këto janë dhjetë ligje apo rregulla të cilat Perëndia u dha izraelitëve, në mënyrë që të mund të shikonin se sa mëkatarë ishin.

1. Çfarë u premtoi Perëndia izraelitëve në malin Sinai? **Ai do t'i bekonte nëse ata do t'i bindeshin Atij në mënyrë të përsosur.**
2. Çfarë i premtoi izraelitët Perëndisë? **Ata i premtoi se do t'i bindeshin Atij për gjithçka.**
3. Pse planifikoi Perëndia t'ia jepte urdhërimet e Tij Izraelit? **Perëndia planifikoi t'ua jepte atyre urdhërimet për t'u treguar se ishin mëkatarë dhe se nuk ishin në gjendje t'i pëlqenin Atij apo të pranoreshin prej Tij përmes diçkaje që mund të bënin vetë.**
4. Cili është ndëshkimi i Perëndisë për mosbindjen ndaj njërit prej urdhërimeve të Tij? **Ata do të mallkoheshin dhe ndëshkoheshin nga Perëndia.**
5. A mendoi Perëndia se izraelitët do të ishin në gjendje t'u bindeshin Dhjetë Urdhërimeve të Tij? **Jo, Perëndia e dinte se askush nuk do të ishte në gjendje t'i bindej Atij në mënyrë të përsosur.**
6. Cili është urdhërimi i parë? **Perëndia dhe vetëm Ai është Perëndia i kujtdo.**
7. Cili është urdhërimi i dytë? **Njerëzit nuk duhet të adhurojnë idhuj.**
8. Çfarë tha Perëndia në urdhërimin e pestë për fëmijët në lidhje me prindërit e tyre? **Fëmijët duhet të nderojnë (respektojnë) dhe t'u binden prindërve të tyre.**
9. Çfarë mendon Perëndia për vrasjen sipas urdhërimit të gjashtë? **Ai tha se është mëkat kundër Perëndisë.**
10. A janë Dhjetë Urdhërimet vetëm për izraelitët? **Jo, ato kanë të njëjtin qëllim për të gjithë njerëzit, në çdo vend.**

11. Pse është e pamundur që një person t'u bindet në mënyrë të përsosur Ligjeve të Perëndisë? **Ne jemi të gjithë mëkatarë dhe të ndarë nga Perëndia, ndaj nuk jemi në gjendje t'i pëlqejmë Perëndisë.**

**Tabernakulli:** Një vend ku Perëndia jetonte midis njerëzve mëkatarë, duke krijuar për ta një mënyrë që të mund të shkonin tek Ai për të gjetur mëshirën dhe hirin që u duhej. Perëndia e dinte se izraelitët nuk do t'u bindeshin Dhjetë Urdhërimeve që u kishte dhënë. Nëse nuk do të kishin një vend ku do të mund të shkonin te Perëndia dhe të merrnin faljen dhe mëshirën e Tij, ata do të vdisnin të gjithë.

1. Kujt u tha Perëndia të ndërtonin tabernakullin? **Perëndia u tha Moisiut dhe izraelitëve që ta ndërtonin.**
2. A do të kishte ardhur Perëndia të jetonte në tabernakull nëse nuk do ta kishin ndërtuan saktësisht siç e kishte udhëzuar Perëndia Moisiun? **Jo.**
3. Ku u ndërtua tabernakulli? **Në qendër të kampit izraelit ku mund ta shikonin të gjithë.**
4. Perëndia është kudo. A do të thotë se Perëndia nuk është kudo në të njëjtën kohë, kur Ai është në tabernakull? **Jo, edhe kur Perëndia erdhi të jetonte në tabernakull, Ai do të vazhdonte të ishte kudo.**
5. Kush ishte i vetmi që mund të futej një herë në vit pas perdes së madhe e të rëndë në Vendin Shumë të Shenjtë? **Kryeprihti.**
6. Çfarë duhet të merrte me vete kryeprihti në Vendin Shumë të Shenjtë? **Gjakun e një kafshe që ishte flijuar (therur).**
7. Çfarë duhet të bënte kryeprihti me gjakun? **Ai duhej të spërkaste pajtuesin me këtë gjak.**
8. Çfarë premtoi se do të bënte Perëndia nëse kryeprihti e bënte këtë? **Perëndia premtoi se do ta mbante larg izraelitëve edhe për një vit tjetër gjykimin e Tij.**
9. A i shlyente gjaku i kafshëve mëkatet e tyre? **Jo, gjaku i kafshëve nuk mund të paguante përgjithmonë për mëkatin; ai ishte vetëm një mbulesë e përkohshme; nuk e hiqte borxhin e mëkatit.**
10. Cila është pagesa e vetme për mëkatin? **Mëkatarët duhet të vdesin dhe kjo përfshin ndarjen e përjetshme të mëkatarit nga Perëndia. Mëkati duhet të shlyhet i gjithi.**
11. Pse i zgjodhi Perëndia priftërinjtë për të qenë ndërmjetësit midis kombit të Izraelit dhe një Perëndie të shenjtë? **Kjo gjë ishte për t'u kujtuar izraelitëve që një ndërmjetës ishte i domosdoshëm, në mënyrë që ata t'i afroreshin Perëndisë.**

**Toka e premtuar:** Ky është vendi që Perëndia u premtoi Abrahamit dhe pasardhësve të tij. Pasi Perëndia çliroi izraelitët nga skllavëria në Egjipt, Ai i drejtoi te kjo tokë e premtuar.

1. Perëndia dërgoi 12 zbulues izraelitë për të kontrolluar Kanaanin, tokën e premtuar. Çfarë raporti dhanë dhjetë prej tyre për tokën? **Ata nuk mendonin se do të ishin**

**në gjendje të futeshin në tokë, sepse njerëzit ishin të mëdhenj dhe të fortë. Ata nuk besuan se Perëndia do t'ua jepte atyre tokën.**

2. Çfarë raporti dhanë dy zbuluesit e tjerë: Jozueu dhe Kalebi? **Ata besuan se Perëndia do ta mbante premtimin e Tij dhe do t'ua jepte tokën.**
3. Kë besuan izraelitët? **Ata besuan dhjetë zbuluesit.**
4. Cili ishte ndëshkimi i Perëndisë ndaj izraelitëve që nuk besuan në premtimin e Tij për t'u dhënë tokën? **Perëndia tha se tërë ata që nuk besuan tek Ai, do të vdisnin në shkretëtirë. Ata nuk mund të futeshin në Kanaan.**
5. Për kë tha Perëndia se do të futej në tokën e premtuar? **Kalebi dhe Jozeu, sepse ata i besuan Perëndisë dhe bijtë e izraelitëve të rritur.**
6. A ua dha Perëndia pasardhësve të Abrahamit tokën, të cilën ua kishte premtuar? **Po, Perëndia e mbajti premtimin e Tij dhe ua dha tokën.**
7. Pasi Moisiu vdiq, Jozueu mori vendin e tij të drejtimit. Çfarë bënë izraelitët pasi vdiq Jozueu? **Ata harruan Perëndinë, adhuruan perënditë e remë dhe imituan rrugët e këqija të kombeve rreth tyre.**
8. Kush i mashtron njerëzit që ata të adhurojnë idhujt? **Satani.**
9. Nga ndryshonte Davidi nga shumë mbretër që sundonin Izraelin? **Mbreti David besoi dhe donte t'i bindej Perëndisë.**
10. Çfarë premtimi të rëndësishëm i bëri Perëndia Davidit? **Perëndia premtoi se Çlirimtari do të rridhte nga familja e tij.**
11. Si i ndëshkoi Perëndia izraelitët për adhurimin e idhujve? **Perëndia lejoi që të mundeshin nga armiqtë e tyre.**
12. Çfarë i thanë profetët e Perëndisë Izraelit? **Ata u thanë të pendoheshin, të shkatërronin idhujt e tyre dhe të besonin vetëm te Zoti.**
13. Çfarë emri të ri morën izraelitët? **Judenj.**
14. Cili ishte populli i fundit që i pushtoi judenjtë? **Romakët.**
15. Cilin tha Perëndia se do të dërgonte për t'i shpëtuar njerëzit nga Satani, mëkati dhe Vdekja? **Çlirimtarin.**
16. Cila do të ishte puna e Gjonit? **Ai do të ishte profeti që do të përgatiste popullin për Çlirimtarin që do të vinte.**
17. Kush është Çlirimtari i premtuar? **Jezusi.**
18. Çfarë do të thotë emri Jezus? **Jezus do të thotë Shpëtimtar apo Çlirimtar.**

## Plotësoje këtë aktivitet dhe tregoja mësuesit.

Përko referencat me vargun e saktë.

1. Isaia 45:22    2. Jakobi 2:10    3. Romakëve 3:20    4. Luka 1:37  
5. Isaia 41:10    6. Hebrenjve 9:22b    7. Hebrenjve 11:6    8. 2 Pjetrit 3:9

- \_\_\_ *Sepse asnjë mish nuk do të shfajësohet para tij për veprat e ligjit; me anë të ligjit në fakt arrihet njohja e mëkatit.*
- \_\_\_ *Zoti nuk vonon plotësimin e premtimit të tij, siç disa besojnë që ai bën; por është i durueshëm ndaj nesh, sepse nuk do që ndokush të humbasë, por që të gjithë të vijnë në pendim.*
- \_\_\_ *Mos ki frikë, sepse unë jam me ty, mos e humb, sepse unë jam Perëndia yt. Unë të forcoj dhe njëkohësisht të ndihmoj dhe të mbaj me dorën e djathtë të drejtësisë sime.*
- \_\_\_ *Edhe pa besim është e pamundur t'i pëlqesh Atij, sepse ai që i afrohet Perëndisë duhet të besojë se Perëndia është, dhe se është shpërblenjës i atyre që e kërkojnë atë.*
- \_\_\_ *Kthehuni nga unë dhe do të shpëtoni, ju mbarë skaje të tokës. Sepse unë jam Perëndia dhe nuk ka asnjë tjetër.*
- \_\_\_ *Dhe fryma im ngazëllon në Perëndinë, Shpëtimtarin tim.*
- \_\_\_ *Dhe sipas ligjit, gati të gjitha gjërat pastrohen me anë të gjakut; dhe pa derdhur gjak nuk ka ndjesë.*
- \_\_\_ *Sepse kushdo që e zbaton gjithë ligjin, por e shkel në një pikë, është fajtor në të gjitha pikat.*

### Karta Awana 42 e përfunduar

Firma e mësuesit \_\_\_\_\_

Data \_\_\_\_\_

# Planet e Perëndisë për Gjonin dhe Jezusin



## Koha e historisë

Pas shkolle Xhoni dhe Karola u ndalën në shtëpinë e xhaxhi Piterit për t'i bërë një pyetje. "Xhaxhi Piter, kam një pyetje" - tha Xhoni. "Sot një burrë erdhi në orën e historisë dhe foli për fetë e botës. Ai na tha të njëjtën gjë që kemi dëgjuar nga ti: që jo të gjithë besojnë te i njëjti Perëndi".

"Por ai tha se kjo nuk përbënte një problem" - tha Karola. "Ai tha se Perëndia pranon këdo, tërë njerëzit rreth botës, njësoj, në çfarëdo lloj mënyre që të vendosin t'i afrohen".

"Ai tha që të gjithë jemi bijtë e Perëndisë" - shtoi Xhoni. "A është e vërtetë kjo?".

"Bukur fare, apo jo?" - pyeti xhaxhi Piteri.

"Po, pikërisht" - u përgjigj Xhoni. "Disa prej atyre feve dukeshin interesante".

"Por Bibla nuk thotë ashtu, apo jo, xhaxhi Piter?" - pyeti Karola.

"Jo, Karola" - u përgjigj xhaxhi Piteri - "Bibla nuk thotë fare ashtu; thotë të kundërtën. Thotë se të gjithë kanë mëkatuar. Mëkati na ndan nga Perëndia. Ne nuk jemi 'të gjithë' bij të Perëndisë".

"Dhe ka vetëm një rrugë për të shkuar te Perëndia," - ndërpreu Xhoni, - "dhe kjo është rruga e Perëndisë dhe jo e jona".

"Ke të drejtë, Xhon" - tha xhaxhi Piteri i gëzuar.

"Nuk e di pse," - tha Karola, - "por nga mënyra se si e tha, gati i besova. Do t'i kisha besuar po të mos kishim studiuar Biblën!".

"Edhe unë" - tha Xhoni.

"Mendoj se ky njeri ishte i sinqertë për atë që tha," - tha xhaxhi Piteri, - "por e kishte gabim. Mbase pa e kuptuar ai po thoshte një prej gënjeshtreve të Satanit".

"Prandaj dukej aq e mirë?" - pyeti Karola.

"Më vjen keq t'ua them këtë, por kjo është e vërtetë" - u përgjigj xhaxhi Piteri. "Kujtoni që Satani shfaqet si një engjëll drite ndonjëherë".

"M'u ngatërruan mendimet vetëm duke e dëgjuar atë" - pranoi Xhoni. "Prandaj është kaq e rëndësishme të dish saktësisht se çfarë thotë Bibla" - tha xhaxhi Piteri. "Perëndia na thotë në Fjalën e Tij se askush nuk mund t'i afrohet Perëndisë nëse Perëndia nuk hap rrugën që ai t'i afrohet Atij. Vetëm Perëndia mund ta çlirojë njeriun nga Satani, mëkati dhe vdekja".

"Po tërë ata njerëz në vendet e tjera që kanë fe të tjera?" - pyeti Karola.

"Kujto, Karola," - u përgjigj xhaxhi Piteri, - "Perëndia i krijoi tërë njerëzit. Tërë njerëzit në botë janë pasardhës të një njeriu, Adamit".

"Atëherë Perëndia i njeh të gjithë" - tha Xhoni. "Ai nuk ka siguruar rrugë të ndryshme për njerëz të ndryshëm".

"Ke të drejtë, Xhon" - tha xhaxhi Piteri. "Ai premtoi të dërgonte një Çlirimtar për tërë botën. Nuk ka rrugë tjetër se si dikush mund të shpëtohet".



“Po pse ka shumë fe?” - pyeti Karola.

“E kujton, pasi mëkatuan njerëzit e parë, mëkati filloi të shtohet në tokë” - u përgjigj xhaxhi Piteri. “Pastaj në kullën e Babelit, Perëndia u dha njerëzve gjuhë të ndryshme, për shkak të ideve të tyre rebele. Satani i mashtroi, në mënyrë që të adhuronin gjërat që krijoi Perëndia, në vend që të adhuronin Perëndinë, Krijuesin”.

“Xhaxhi Piteri!” - bërtiti Xhoni. “Sapo m’u kujtua një varg që flet për Abrahamin! Perëndia tha se tërë kombet do të bekohen përmes tij dhe Çlirimtari do të ishte pasardhës i tij”.

“Sërisht ke të drejtë, Xhon” - tha xhaxhi Piteri. “Një Shpëtimtar për tërë botën. Perëndia nuk ka harruar askënd. Ai ka misionarë në çdo vend të botës, edhe tani, për t’u treguar popujve për mënyrën e Tij të shpëtimit të njerëzve nga mëkatet e tyre! Ejani, le të marrim Biblat dhe të shohim se çfarë mund të mësojmë ende rreth planit të Perëndisë për Shpëtimtarin”.

## *Le të shohim në Bibël*

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Isaia 9:6 – “Sepse na ka lindur një fëmijë, një djalë na është dhënë. Mbi supet e tij do të mbështetet perandoria dhe do të quhet Këshilltar i admirueshëm, Perëndi i fuqishëm, Atë i përjetshëm, Princ i paqes”.***

## *Le të mendojmë*

**Përgjigju këtyre pyetjeve dhe tregoja mësuesit.**

1. Sa Perëndi ka?  
a. Shumë; b. Katër; c. Një.
2. Kush i mashtroi njerëzit që të mendojnë se ka perëndi të tjerë?  
a. Çlirimtari; b. Satani; c. Abrahami.
3. Kush i krijoi tërë njerëzit?  
a. Satani; b. Askush; c. Perëndia.
4. Sa rrugë ka për të shkuar te Perëndia?  
a. Shumë; b. Katër; c. Një.
5. Kë do të shpëtojë Perëndia nga mëkati, Satani dhe vdekja?  
a. Këdo që beson te Perëndia; b. Këdo që dëshiron të çlirohet;  
c. Këdo që është mjaft i mirë.

# Mësime nga Fjala e Perëndisë



Mateu 1:1-2; Luka 1:57-80

Kur Perëndia bën një premtim, Ai do ta përmbushë; pavarësisht se sa e vështirë apo se sa e pamundur duket. Edhe nëse do të duhen mijëra vjet për ta realizuar, Perëndia do të përmbushë çdo premtim që bën sa herë që dëshiron. Dhe ashtu siç kishte profetizuar Malakia katërqind vjet më parë, Gjoni, profeti që do të përgatiste njerëzit për të pranuar Çlirimtarin e ardhshëm, erdhi në botë.

Zakaria, babai i tij, besoi atë që Perëndia Frymë e Shenjtë kishte profetizuar rreth birit të tij dhe Çlirimtarit të ardhshëm. Ai e dinte se shumë shpejt Shpëtimtari i premtuar i Perëndisë do të vinte për të çliruar njerëzimin nga Satani, mëkati dhe vdekja. Ai e dinte që biri i tij, Gjoni, do të ishte profeti i fundit që do t'i shpallte Izraelit që Shpëtimtari do të vinte së shpejti tek ata. Çlirimtari, Shpëtimtari, për të cilin Gjoni do të përgatiste rrugën, ishte vetë Zoti Perëndi. Perëndia Frymë e Shenjtë i tha Zakarisë që kur të vinte Shpëtimtari, Ai do t'i tregonte popullit të Tij se si mund të faleshin mëkatet e tyre, sepse Perëndia nuk do të falë mëkatet nëse nuk paguhet çmimi i plotë për mëkatin.

Zakarisë iu tha se Çlirimtari do të vinte si dielli që agon në mëngjes. Si do të ndiheshë nëse do të dilje xhiro në pyll dhe të humbisje rrugën? Kur të perëndonte dielli, jo vetëm që nuk do të gjeje rrugën, por as nuk do të shikoje se ku ishte. Mezi do të prisje diellin të agonte në mëngjes në mënyrë që të gjeje rrugën e kthimit. Në mënyrë të ngjashme mëkati i Adamit dhe Evës na futi të gjithëve në errësirë. Ata ishin shumë të sigurt në kopshtin e Edenit, sepse vareshin nga Perëndia dhe Ai u dha atyre gjithçka që kishin nevojë. Por kur mëkatuan, mëkati i tyre i ndau nga Perëndia. Ata u dëbuan nga kopshti. Ne mund të themi që ishin në errësirë: në rrezik të vazhdueshëm të sulmit të Satanit. Tërë fëmijët dhe pasardhësit e tyre, përfshi ty dhe mua, kemi lindur në errësirën e mëkatit. Por Perëndia po siguronte një rrugë për të dalë nga ajo errësirë! Zakaria tha se Çlirimtari do të vinte në botë për të qenë drita e tërë njerëzve. Ai do të na tregonte rrugën për të dalë nga errësira.

Perëndia nuk premtoi të dërgonte Çlirimtarë të ndryshëm, një për ne dhe një tjetër për popujt në vende të ndryshme të botës. Perëndia premtoi të dërgonte një Çlirimtar, Birin e Tij, Jezu Krishtin.

"Krisht" do të thotë "I Vajosur": i veçuar nga Perëndia për detyra të veçanta. Jezusi u veçua për tre detyra të veçanta apo shërbime të larta. Ai duhet të ishte **Profeti** i Perëndisë, **Prift** dhe **Mbret**. Më parë njerëzit zgjidheshin nga Perëndia për të bërë punë të veçanta: të ishin **profetët** e Tij për t'u treguar njerëzve Fjalët e Tij, për të qenë priftërinjtë e Tij për të bërë veprën e Tij të veçantë dhe për të qenë **mbret** mbi njerëzit e Tij. Tani, po vinte vetë Perëndia. Jezu Krishti do të ishte më i madhi nga të gjithë: **profeti më i madh** për t'u folur njerëzve për rrugën e Perëndisë se si t'i afroreshin Atij, **Kryeprihti i madh** dhe **Mbreti më i madh**, pasardhës i mbretit David!

Vetëm Jezusi u premtua nga Perëndia për të qenë Krishti, i Vajosuri. Askush tjetër nuk mund të pretendonte me të vërtetë këtë pozicion.



Plotësoje këtë aktivitet dhe tregoja mësuesit.

IRFTP \_ \_ \_ \_ \_

Vendosi shkronjat në rendin e duhur për të formuar fjalën që përshkruan personin.

Ai bën një punë të veçantë.

RTEBM \_ \_ \_ \_ \_

Dikush që sundon mbi popullin e tij.

FORTEP \_ \_ \_ \_ \_

Ai u flet njerëzve fjalët e Perëndisë.

### Karta Awana 43 e përfunduar

Firma e mësuesit \_\_\_\_\_

Data \_\_\_\_\_

# Perëndia dërgon Çlirimtarin



## Koha e mësimit

Xhoni dhe Karola ishin ulur në tavolinë me xhaxhi Piterin. Karola mbaroi së ngrëni zemër dhe pastaj i bëri një pyetje xhaxhit të saj.

“Xhaxhi Piter, një prej katër shoqeve tona në shkollë na pyeti se nga e dimë që ka vetëm një Perëndi të vërtetë. I thashë asaj që Bibla e thotë shumë qartë, por më bëri të pyes veten se si e dinin njerëzit se kush ishte Çlirimtari i premtuar”.

“Edhe unë kam pyetur veten për këtë, xhaxhi Piter” - tha Xhoni. “Si e njohën?”.

“Këto janë pyetje me vend” - tha xhaxhi Piteri. “Perëndia donte që të gjithë të dinin se kush ishte Çlirimtari, ndaj Ai u tha profetëve të Tij të shkruanin saktësisht se si do të vinte Çlirimtari. Perëndia ua dha njerëzve këto profeci rreth Shpëtimtarit që do të vinte, qindra e ndonjëherë mijëra vjet para se të ndodhnin”.

“Mijëra vjet! - tha Karola e çuditur. “Kjo është e mahnitshme!”.

“Dhe ajo që është më e mahnitshme,” - tha xhaxhi Piteri, - “është se secila prej këtyre profecive ose është përmbushur ose do të përmbushet. Dhe gjithçka do të përmbushet ashtu siç ka thënë Perëndia”.

“Këtë e kam të vështirë që ta kuptoj” - tha Xhoni. “Çfarë gjërash shkruan ata për Çlirimtarin?”.

“Bibla i ka regjistruar këto profeci” - tha xhaxhi Piteri. “Disa profeci flasin për vendin se ku do të lindte, disa japin fakte për prindërit dhe paraardhësit e Tij, disa flasin për vendin se ku do të shpërnguleshin prindërit e Tij dhe për vendin se ku do të ktheheshin për të jetuar kur Jezusi të ishte duke u rritur”.

“Nga e dinin profetët se çfarë të shkruanin” - pyeti Karola.

“Kjo gjë e bën profecinë kaq të veçantë” - u përgjigj xhaxhi Piteri. “Ato janë fjalët e Perëndisë, të komunikuar në mendjen e profetit, i cili shkroi më pas mesazhet e sakta të Perëndisë”.

“Atëherë profetët po shkruanin saktësisht atë që u tha Perëndia të shkruanin,” - tha Xhoni, - “dhe prandaj u realizuan profecitë”.

“E drejtë, Xhon” - tha xhaxhi Piteri. “Perëndia u tha profetëve të shkruanin qindra profeci rreth Çlirimtarit që do të vinte”.

“Ua!” - tha Karola. “Këto janë shumë profeci, në mënyrë që të ishte e sigurt që judenjtë ta njihnin Çlirimtarin. Perëndia paska treguar kujdes të veçantë për ta!”.

“Po, ashtu është” - tha xhaxhi Piteri. “Por këto fjalë janë edhe për ne sot, që edhe ne të mund të dimë që Jezusi është Çlirimtari i premtuar”.

“A e kuptuan njerëzit se kush ishte Jezusi kur ai erdhi?” - pyeti Xhoni.

“Vetëm disa njerëz” - tha xhaxhi Piteri.

“A e kuptuan prindërit e tij se kush ishte ai?” - pyeti Karola.

“Perëndia ua tha përmes engjëllit të Tij,” - u përgjigj xhaxhi Piteri, - “por do të ketë qenë e vështirë edhe për ata për të kuptuar se kjo foshnjë ishte me të vërtetë Perëndi!”.

“Oh, xhaxhi Piter, kjo është e mahnitshme!” - tha Xhoni. “Nuk mund ta imagjinoj që

Perëndia të vijë në tokë si foshnjë. Mendohej se si duhet të ketë qenë”.  
“Shiko, Xhon” - tha xhaxhi Piteri. “Ka edhe më shumë gjëra të mahnitshme për të mësuar  
rreth Çlirimtarit, ndaj le të hapim Biblat dhe të shikojmë se çfarë thotë për Të”.

## **Le të shohim në Bibël**

Mësoje përmendsh këtë varg dhe thuaja mësuesit. Mund të përdorësh  
vetëm dy ndihma.

***Mateu 1:23 – “Ja, virgjëresha do të mbetet shtatzënë dhe do  
të lindë një djalë, të cilit do t’i vënë emrin Emanuel, që do të  
thotë: ‘Zoti me ne’”.***

## **Le të mendojmë**

**Përgjigju këtyre pyetjeve dhe tregoja mësuesit.**

1. Kush shkroi saktësisht se si do të vinte Çlirimtari?  
a. Profetët; b. Perëndia; c. Jezusi.
2. Kush u tha profetëve saktësisht se çfarë të shkruanin?  
a. Adami; b. Abrahami; c. Perëndia.
3. Kush ishte Çlirimtari?  
a. Gjoni; b. Perëndia; c. Moisiu.
4. Cili ishte emri i Çlirimtarit?  
a. Gjoni; b. Zakaria; c. Jezusi.
5. Sa prej profecive të Perëndisë rreth Çlirimtarit ishin përmbushur apo do të  
përmbusheshin?  
a. Shumica; b. Të gjitha; c. Disa.

# Mësime nga Fjala e Perëndisë



Mateu 1:18-2:23; Luka 2:40, 52

Më parë mësuam atë që thotë Bibla rreth vizitave të engjëllit ndaj Zakarisë dhe Marisë për t'u thënë për lindjet e bijve të tyre. Tani një engjell i Zotit erdhi për të vizituar Jozefin, të fejuarin e Marisë. Engjëlli i Perëndisë i shpjegoi Jozefit arsyen që Maria ishte shtatzënë. Jozefi e dinte që foshnja nuk ishte i tij. Engjëlli i tha Jozefit që Maria nuk kishte shkuar me ndokënd. Foshnja i saj, emri i të cilit do të ishte Jezus, i ishte dhënë nga Perëndia Frymë e Shenjtë. Foshnja ishte Biri i Perëndisë që kishte zbritur nga qielli për t'u bërë qenie njerëzore në mënyrë që të ishte Çlirimtari i mëkatarëve. Kohë më parë profetët kishin thënë se Shpëtimtari i premtuar do të lindte nga një virgjëreshë. Jozefi ishte një person që besonte te Perëndia, kështu e mori Marinë në shtëpi si gruan e tij dhe ishte gati të bëhej babai tokësor i foshnjës së saj, Jezusit.

Jezusi lindi në Betlehem, ashtu siç kishin thënë profetët e Perëndisë shumë vjet më parë. Jezusi ishte Perëndi, po ashtu edhe njeri; Ai ishte Perëndia Bir, një prej tre personave të përjetshëm të Trinitës, së bashku me Perëndinë Atë dhe Perëndinë Frymë e Shenjtë. Perëndia i përjetshëm kishte ardhur në trup njerëzor për të jetuar me njerëzimin. Megjithatë jo të gjithë ishin të lumtur që Çlirimtari do të vinte në tokë. Pasi Jezusi lindi, tre dijetarë, duke ndjekur




një yll, erdhën në Jerusalem për të kërkuar atë që kishte lindur "Mbreti i judenjve". Ata i njihnin profecitë rreth Tij dhe donin ta adhuronin, gjë të cilën e bënë. Kur mbreti Herod dëgjoi për lindjen e "mbretit të judenjve", ai kishte frikë se do të humbiste pozitën si mbret kur të rritej kjo foshnjë. Ai dërgoi njerëzit e tij për të gjetur këtë fëmijë dhe për ta varurë. Megjithatë Perëndia dërgoi një engjell për të paralajmëruar Jozefin për planin e Herodit. Ai i tha Jozefit të merrte gruan e tij, Marinë, dhe fëmijën e saj të vogël, Jezusin, për të shkuar në Egjipt. Largimi i tyre në Egjipt ishte profetizuar gjithashtu nga një profet kohë më parë. As Herodi, as Satani, as ndonjë pushtet tjetër në qiell apo tokë nuk mund të ndalonte Perëndinë për realizimin e planit të Tij për të shpëtuar njerëzit nga mëkatet e tyre. Më vonë Jozefi mori familjen e tij në Nazaret për të jetuar, gjë e cila ishte profetizuar kohë më parë.

Jezusi u rrit duke u bërë një djalë i fortë dhe i bindur. Ati i Tij, Perëndia, e mbrojti dhe e drejtoi në gjithçka që mendonte, thoshte dhe bënte. Ai nuk lindi mëkatar dhe nuk mëkatoi kurrë. Jezusi u bë një njeri i zgjuar. Ai e mbante gjithmonë fjalën e Tij. Njohuria e Tij ishte e përsosur. Ai ishte i dashur dhe i mirë. Perëndia ishte i kënaqur me Të dhe njerëzit e pëlqenin. Ai ishte Çlirimtari i premtuar!



**Plotësoje këtë aktivitet dhe tregoja mësuesit.**

Ndihmoje Jozefin të arratiset nga Betlehemi për në Egjipt me Marinë dhe Jezusin dhe pastaj të jetojë në Nazaret.



### **Karta Awana 44 e përfunduar**

Firma e mësuesit \_\_\_\_\_

Data \_\_\_\_\_

# Pagëzimi i Jezusit



## Koha e historisë

Xhoni dhe Karola po prisnin xhaxhi Piterin në sallonin e tij, kur e panë që po vinte rrugës.

Xhoni thirri:

“Xhaxhi Piter, ku ke qenë? Nuk menduam se kishe punë të shtunën”.

“Përshëndetje, Xhon e Karola” - tha xhaxhi Piter. “Keni të drejtë, nuk kisha punë të shtunën. Po punoja te kisha. Është pothuajse gati për të filluar takimet”.

“Ua, xhaxhi Piter!” - tha Karola. “Perëndia duhet të jetë vërtetë i kënaqur me ty! Ti kalon shumë kohë në kishë. Tani nuk duhet të merakosesh për Satanin, mëkatin dhe vdekjen. Ti tashmë po i pëlqen Perëndisë”.

“Po, Karola, jam i sigurt se Perëndia është i kënaqur me punën që po bëj në kishë,” - tha xhaxhi Piteri, - “por çfarë të shtyn të mendosh se nuk duhet të merakosem për Satanin, mëkatin dhe vdekjen si gjithë të tjerët?”.

“Shiko,” - tha Karola - “shoqja ime më tha se e ëma e saj e ka thënë këtë gjë duke qenë se ato shkojnë në kishë çdo javë, Perëndia është i kënaqur me to dhe i ka pranuar”.

“Kjo nuk është e vërtetë, apo jo, xhaxhi Piter?” - pyeti Xhoni. “Sepse miku im më tha se ai nuk ka pse të shkojë në kishë tërë kohën, sepse prindërit e tij shkojnë në kishë dhe besojnë në Perëndinë e vërtetë. Ai tha se meqë ata besojnë, Perëndia do ta pranojë edhe atë”.

“Xhon dhe Karola,” - tha xhaxhi Piteri i trishtuar, - “dua që të mendoni për tërë ato gjëra që kemi mësuar nga Bibla. Çfarë mësuam për gjendjen e tërë njerëzimit?”.

“Të gjithë janë mëkatarë,” - u përgjigj Karola, - “duke përfshirë këtu edhe veten tonë”.

“Dhe paga për ato mëkate është vdekja” - shtoi Xhoni. “Dhe nuk ka asnjë mënyrë që ne të mund të pranojemi nga Perëndia me anë të diçkaje që mund të bëjmë vetë”.

“Si të shkuarit në kishë!” - e ndërpreu Karola.

“Hëm! E kisha harruar këtë” - tha Xhoni. “Atëherë, mendoj se edhe ne nuk mund të pranojemi ngaqë prindërit tanë besojnë te Perëndia”.

“Ke të drejtë” - tha xhaxhi Piteri. “Fillova të mendoj se ju kishit harruar disa gjëra të rëndësishme për të cilat kemi folur. Fatkeqësisht, ka njerëz sot që mendojnë si njerëzit në kohën kur lindi Jezusi. Kujtoni se si folëm për Gjonin, i cili i përgatiti njerëzit për ardhjen e Çlirimtarit? Shiko, ai pati një punë të vështirë me disa njerëz. Gjoni u tha atyre se edhe ata duhet të pendoheshin, ashtu siç ishte penduar ai. Por ata nuk mendonin se duhet të pendoheshin”.

“Harrova se çfarë do të thotë pendim” - tha Karola.

“Do të thotë të ndryshosh mënyrën e të menduarit rreth Perëndisë, vetes dhe mëkatis” - tha xhaxhi Piteri. “Drejtesit fetarë judenj gjatë asaj kohe ishin shumë krenarë për veten e tyre. Ata mendonin se ishin aq të mirë sa t'i pëlqenin Perëndisë, sepse e njihnin shumë Fjalën e Perëndisë dhe kryenin shumë detyra fetare. Megjithatë, ata, si shumë njerëz sot, nuk besonin gjithçka që thoshte Perëndia në Fjalën e Tij: disa prej



tyre madje kishin shtuar ligjet e tyre”.

“Perëndia nuk mund të kishte qenë i kënaqur për këtë!” - tha Karola.

“Jo, Karola, nuk ishte” - tha xhaxhi Piteri. “Do të mësojmë se çfarë mendon Perëndia për këta njerëz, ndërsa do të studiojmë pjesën e Dhiatës së Re në Biblat tona. Sot do të shohim atë që po mësonte Gjoni dhe se si e takoi Çlirimtarin për herë të parë!”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 1:29 – “Të nesërmen, Gjoni e pa Jezusin që po vinte drejt tij dhe tha: ‘Ja, Qengji i Perëndisë, që heq mëkatën e botës!’”.***

## Le të mendojmë

**Përgjigju këtyre pyetjeve dhe tregoja mësuesit.**

1. Kush ka mëkatuar?  
a. Të gjithë;   b. Disa njerëz;   c. Asnjë.
2. Si mund të pranohemi nga Perëndia?  
a. Duke shkuar në kishë;   b. Duke pasur prindër që besojnë te Perëndia;  
c. Duke besuar te Perëndia.
3. Çfarë do të thotë të ndryshojmë mënyrën se si mendojmë rreth Perëndisë, vetes dhe mëkatit?  
a. Të pendohemi;   b. Të na vijë keq;   c. Të jemi krenarë.
4. Kush u tha njerëzve se duhet të pendoheshin?  
a. Çlirimtari;   b. Drejtuesit fetarë;   c. Gjoni.
5. Kush nuk duhet të pendohet, sepse është mjaft i mirë për t’i pëlqyer Perëndisë?  
a. Drejtuesit fetarë;   b. Askush nuk është mjaft i mirë;   c. Gjoni.

# Mësime nga Fjala e Perëndisë



**Mateu 3:1-9, 13-17; Gjoni 1:29**

Gjoni, profeti, po jetonte në shkretëtirë duke pritur që Perëndia t'i thoshte se kur do të fillonte të përgatiste njerëzit për Çlirimtarin që do të vinte. Kur Gjoni dhe Jezusi u bënë burra rreth 30 vjeç, Perëndia i tha Gjoni të fillonte të mësonte njerëzit. Gjoni mësoi njerëzit që ata duhet të pendoheshin. Pendim do të thotë të ndryshosh mendim rreth Perëndisë, rreth vetes dhe rreth mëkatit. Është e njëjta gjë edhe për ne sot. Edhe ne duhet të pajtohemi me Perëndinë se Ai është i vetmi Perëndi i vërtetë, Krijuesi i gjithçkaje. Ne duhet të pranojmë që kemi lindur me mëkat, vazhdojmë të mëkatojmë kundër Perëndisë duke mos iu bindur ligjeve të Tij dhe duke mos qenë në gjendje të bëhemi të pranueshëm para Tij. Ne duhet të besojmë se mëkati është kundër Perëndisë dhe Perëndia e urren mëkatin dhe do ta ndëshkojë gjithmonë duke ndarë mëkatarin nga vetja në zjarrin e përjetshëm.

Shumë njerëz besonin te Fjala e Perëndisë që Gjoni u tha atyre dhe shkonin tek ai për t'u pagëzuar. Pagëzimi nuk do t'i bënte të pranueshëm para Perëndisë: paga e mëkatit është vdekja. Megjithatë, kur një person pagëzohej, u tregonte të gjithëve që personi pranonte para Perëndisë se meritonte vdekjen për mëkatet e tyre, por ai besonte se Perëndia do të dërgonte Çlirimtarin për ta shpëtuar.

Megjithatë shumica e drejtuesve fetarë të tempullit ishin krenarë. Skribët, farisenjtë dhe saducenjtë refuzonin të pranonin se ishin mëkatarë: ata nuk pendoheshin dhe nuk pajtoheshin me Perëndinë. Shumë mendonin se Perëndia do t'i pranonte sepse ishin pasardhës të Abrahamit. Gjoni përdori shumë fjalë të forta ndaj drejtuesve fetarë, duke u thënë atyre që Perëndia gjykon njerëzit që janë krenarë dhe që nuk do të pajtohen me Të. Gjoni u tha gjithashtu drejtuesve të mos ishin krenarë, as të besonin në faktin se ata ishin bij të Abrahamit. Askush nuk pranohet nga Perëndia për shkak të besimit të prindërve apo se këta prindër shkojnë në kishë. Çdo person duhet të vendosë besimin e tij në Perëndinë.

Jezusi erdhi atje ku Gjoni po pagëzonte njerëzit dhe donte që Gjoni ta pagëzonte edhe Atë, për të treguar se Ai besonte se mesazhi i Gjoni ishte i vërtetë. Kur Jezusi doli nga uji, Perëndia Atë tha: "Ky është Biri im i dashur në të cilin jam kënaqur". Jezusi ishte njeri, por ishte edhe Perëndia Bir që kishte zbritur nga qielli. Perëndia ishte plotësisht i kënaqur me Jezusin; Ai ishte plotësisht i shenjtë dhe i drejtë, i përsosur në sytë e Perëndisë.

Gjoni, kur pa Jezusin të vinte, tha se Ai ishte Qengji që ishte dhënë dhe dërguar nga Perëndia. Tani Gjoni e dinte me siguri që Jezusi ishte Biri i Perëndisë, Shpëtimtari i botës.





**Plotësoje këtë aktivitet dhe tregoja mësuesit.**

Fjalët më poshtë përshkruajnë Çlirimtarin. Gjej dhe rretho këto fjalë në kutinë e shkronjave më poshtë.

**Jezusi  
Njeriu**

**Perëndia Bir  
Shpëtimtari**

**Perëndia  
Gënjë i Perëndisë**

J	X	C	P	E	R	Ë	N	D	I	A	Y	O	Y	O
E	C	U	C	X	U	Z	C	U	X	Z	C	N	C	N
Z	Y	SH	Y	NJ	E	R	I	U	I	Z	X	R	X	R
U	Z	Q	X	Y	C	Y	X	Z	Z	B	X	A	X	A
S	H	SH	P	Ë	T	I	M	T	A	R	I	V	Z	V
I	U	H	L	J	K	S	F	N	B	O	X	L	X	L
Q	E	N	GJ	I	I	P	E	R	Ë	N	D	I	S	Ë
T	O	V	O	N	Ë	Y	C	Ë	Y	M	C	T	C	T
P	E	R	Ë	N	D	I	A	B	I	R	X	K	X	K
A	V	L	K	U	O	I	C	D	O	T	C	T	C	T

### Karta Awana 45 e përfunduar

Firma e mësuesit \_\_\_\_\_

Data \_\_\_\_\_

# Jezusi qortoi Satanin

## Koha e historisë



Xhoni dhe Karola po diskutonin, kur xhaxhi Piteri eci drejt tyre.

“Oh, xhaxhi Piter,” - tha Karola e gëzuar, - “mbase mund të na ndihmosh të zgjidhim këtë argument. Xhoni dëgjoi disa nga miqtë e tij që po tregonin një histori ku forcat e këqija po luftonin kundër forcave të mira. Ai mendon se këto histori mund të jenë të vërteta; por unë mendoj se nuk ka forca të tilla! Xhaxhi Piter, çfarë mendon?”

“Karola ka të drejtë, Xhon” - tha xhaxhi Piteri. “Këto histori janë gënjeshtër. Por ka një armik të vërtetë dhe ne duhet të dimë të vërtetën rreth tij”.

“Mos do të thuash Satani, apo jo, xhaxhi Piter?” - pyeti Xhoni. “Por këto histori nuk janë për Satanin; ata thjesht janë të interesuar për histori rreth forcave të mira dhe të këqija”.

“Po, unë po flas për Satanin” - u përgjigj xhaxhi Piteri. “Satani dëshiron që të mendojmë se e keqja mund të fitojë ndaj të mirës. Ai dëshiron të mendojmë se është qejf t’i dëgjojmë dhe të veprojmë sipas asaj që thuhet në këto lloj historish”.

“Kujtoj kur studiuam më parë për Satanin” - tha Karola. “Ai ishte një prej engjëjve të krijuar nga Perëndia, por u rebelua kundër Perëndisë”.

“Dhe humbi vendin e tij të shërbimit në qiell” - shtoi Xhoni. “Dhe një ditë Perëndia do të hedhë atë dhe ndjekësit e tij në liqenin e zjarrit”.

“Ju të dy mbani mend shumë gjëra” - tha xhaxhi Piteri. “Është e rëndësishme të dimë rreth këtij armiku të tmerrshëm të Perëndisë dhe njeriut, dhe Bibla është libri që na jep të vërtetën, jo këto histori të sajura”.

“Çfarë bëri Satani kur erdhi Jezusi në tokë” - pyeti Karola.

“Satani u përpoq të bënte të njëjtën gjë që bëri me Adamin dhe Evën në kopsht,” - u përgjigj xhaxhi Piteri; Ai u përpoq të shtynte Jezusin të mëkatonte”.

“A iu afrua Jezusit si gjarpër?” - pyeti Xhoni.

“Jo,” - u përgjigj xhaxhi Piteri, - “nuk kishte se si të fshihej Satani para Jezusit. Jezusi di gjithçka!”.

“Atëherë çfarë ndodhi?” - pyeti Xhoni. “Bibla na thotë që Perëndia Frymë e Shenjtë e çoi Jezusin në shkretëtirë për t’u tunduar nga Satani,” - u përgjigj xhaxhi Piteri, - “dhe kur ishte atje Jezusi kaloi dyzet ditë pa ngrënë”.

“Dyzet ditë! Kjo është një kohë e gjatë pa ushqim!” - thirri Karola.

“Po, është” - tha xhaxhi Piteri. “Por duke iu bindur Atit të Tij, Jezusi u tundua në të njëjtën mënyrë se si tundohen njerëzit e zakonshëm. Pas dyzet ditëve pa ushqim, Jezusi ishte i uritur dhe i lodhur. Duke u bërë njeri, Jezusi i la privilegjet që kishte në qiell dhe përjetoi dobësinë dhe nevojën, ashtu si ne”.

“Nuk më ka shkuar kurrë mendja për këtë!” - tha Karola. “Pse e bëri këtë?”.

“Shiko, duke qenë se Ai kaloi përmes gjithë vështirësive që kalojmë edhe ne, ne e dimë që Ai na kupton” - tha xhaxhi Piteri. “Dhe Ai hoqi gjithçka që heqim edhe ne, por duke

iu bindur tërësisht Perëndisë. Satani madje u përpoq ta shtynte Jezusin të bënte mrekulli dhe t'i kthente në bukë gurët në shkretëtirë”.

“Jezusi mund ta kishte bërë këtë po të donte!” - tha Karola. “Ai është Perëndi!”.

“Ke të drejtë, Karola!” - tha xhaxhi Piteri. “Por refuzoi, sepse Perëndia nuk i tha kurrë që ta bënte. Jezusi bëri vetëm atë që i pëlqente Perëndisë. Jezusi bëri diçka që asnjë njeri tjetër nuk ka qenë në gjendje ta bëjë. Ai i bëri ballë tërësisht Satanit dhe iu bind plotësisht Perëndisë. Jezusi është më i madh se Satani në çdo mënyrë. Edhe si njeri shumë i uritur dhe i lodhur, Jezusi e mundi Satanin. Dhe kur shikojmë në Biblat tona, do të vërejmë që Ai e bëri duke përdorur Fjalën e Perëndisë për ta mposhtur atë”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Mateu 4:4 - «Por ai, duke iu përgjigjur, tha: “Është shkruar: ‘Njeriu nuk rron vetëm me bukë, por me çdo fjalë që del nga goja e Perëndisë’”».***

## Le të mendojmë

**Përgjigju këtyre pyetjeve dhe tregoja mësuesit.**

1. Cili engjëll u rebelua kundër Perëndisë?  
a. Jezusi; b. Satani; c. Adami.
2. Kush i ysht dhe mashtron njerëzit?  
a. Perëndia; b. Jezusi; c. Satani.
3. Kush dëshiron t'i pëlqejë vetëm Perëndisë?  
a. Satani; b. Jezusi; c. Eva.
4. Kush nuk ka mëkatuar asnjëherë?  
a. Jezusi; b. Adami; c. Satani.
5. Si e mundi Jezusi Satanin kur ky e tundoi?  
a. U ndesh me të; b. E hodhi në liqenin e zjarrit;  
c. Përdori Fjalën e Perëndisë kundër tij.

# Mësime nga Fjala e Perëndisë



**Mateu 4:1-11; Gjoni 8:29**

Më herët mësuam se si Perëndia krijoi engjëllin e përsosur, Luciferin, të njohur tani si Satan apo Djall. Satani bëri një zgjedhje për t'u rebeluar kundër Perëndisë; ai donte të zinte vendin e Perëndisë në qiell. Perëndia e dëboi nga qielli. Që prej asaj kohe ai kishte genë vazhdimisht i keq.

Satani tundoi Adamin, njeriun e parë që krijoi Perëndia, për t'u rebeluar kundër Perëndisë. Tani do të shohim se si Satani u përpoq të tundonte Jezusin për t'u rebeluar edhe Ai kundër Perëndisë. Nëse Satani do të vinte Jezusin nën kontrollin e tij, Ai nuk do të ishte në gjendje të ishte Çlirimtari ynë.

Jezusi kaloi 40 ditë në shkretëtirë pa ushqim kur Satani erdhi tek Ai. Edhe pse Jezusi është Perëndi, tani Ai ishte edhe njeri i vërtetë. Atë e mori uria ashtu si ne. Satani e dinte që Atë do ta merrte uria kështu që u përpoq që Jezusi të vërtetonte se Ai ishte me të vërtetë Perëndia. Ai i kërkoi Jezusit të kthente disa gurë në bukë. Edhe pse ishte në gjendje, Perëndia nuk i kishte kërkuar të bënte diçka të tillë. Jezusi zbriti nga qielli në tokë për të bërë vetëm atë që Ati i Tij donte që ta bënte. Jezusi nuk do t'i bindej Satanit. Përgjigjja e Jezusit ndaj Satanit ishte citimi i Fjalës së Perëndisë, Biblës. Ai i tha Satanit se ushqimi nuk është gjëja e vetme e rëndësishme në jetë; edhe ne duhet të dëgjojmë dhe t'i besojmë Fjalës së Perëndisë në mënyrë që të mund të jetojmë përgjithmonë me Të. Ç'dobi ka nëse kemi trupa të shëndetshëm tani, por të vdesim pa Perëndinë dhe të vuajmë ndëshkimin e përjetshëm në liqenin e zjarrit?

Satani e dinte që kjo ishte e vërtetë, por u përpoq ta tundonte përsëri Jezusin. Këtë herë Ai vendosi të përdorte Fjalën e Perëndisë për ta tunduar. Megjithatë Satani nuk po e citonte Shkrimin (Fjalën e Perëndisë) në mënyrë të saktë. Satani është gënjeshtar dhe mashtrues. Ai mendoi se mund të mashtronte Jezusin ashtu siç bëri me njerëzit e tjerë, si Evën në kopshtin e Edenit. Përsëri Jezusi iu përgjigj tundimit të Satanit duke cituar Shkrimin në mënyrë të saktë. Jezusi i tha Satanit se ai nuk duhet të tundonte Perëndinë. Përsëri Satani dështoi të mundte Jezusin.

Satani u përpoq për herë të tretë të tundonte Jezusin. Satani u përpoq të shtynte Jezusin që ta adhuronte! Përsëri, duke përdorur Shkrimin për të mundur Satanin, Jezusi e kujtoi se vetëm Perëndia duhet të adhurohet. Jezusi nuk iu bind Satanit siç bëri Adami dhe Eva.

Satani e dinte që ishte i mundur kështu që u largua nga Jezusi për pak kohë. Jezusi vuajti në trupin e Tij fizik, ashtu si ne, por Ai nuk mëkatoi kurrë. Satani nuk mund ta bënte Jezusin të mëkatonte. Satani është i fortë, por ai nuk mund të fitojë kurrë ndaj Perëndisë Shumë të Lartë. Jezusi do ta hedhë Satanin në liqenin e zjarrit, të cilin Perëndia e përgatiti për të dhe tërë ndjekësit e tij.

Jezusi është i vetmi që iu bind plotësisht Perëndisë dhe i bëri ballë Djallit. Ai është i vetmi që mund të na çlirojë nga mëkati, Satani dhe vdekja.



**Plotësoje këtë aktivitet dhe tregoja mësuesit.**

Përdor kodin më poshtë për të gjetur shkronjat që mungojnë, pastaj plotëso vendet bosh.

**1 = Ë    2 = U    3 = A    4 = E    5 = I    6 = O**

“\_SHT\_ SHKR\_\_R: NJ\_R\_\_ N\_K RR\_N  
1 1 2 3 4 5 2 2 6

V\_T\_M M\_ B\_K\_, P\_R M\_ ÇD\_ FJ\_L\_  
5 1 4 2 1 6 4 6 3 1

Q\_ D\_L NG\_ G\_J\_ \_ P\_R\_ND\_S\_  
1 4 3 6 3 4 4 1 5 1

(M\_T\_ 4:4).  
3 4 2

### **Karta Awana 46 e përfunduar**

Firma e mësuesit \_\_\_\_\_

Data \_\_\_\_\_

# Jezusi fillon punën e Tij



## Koha e historisë

Xhoni dhe Karola po shikonin figurat në Biblën e xhaxhi Piterit.

“Xhaxhi Piter,” - tha Xhoni – “e kam të vështirë ta kuptoj se si Jezusi mund të jetë Perëndi dhe njeri i vërtetë. Jezusi duket shumë i fuqishëm për të qenë njeri, por Bibla thotë se Ai u lodh dhe kishte uri njësoj si njerëzit”.

“Por kështu ka qenë: Perëndi i vërtetë dhe njeri i vërtetë” - tha xhaxhi Piteri.

“Sigurisht që do të doja të mund të kisha qenë atje e ta shikoja vetë Atë!” - tha Karola.

“Edhe unë, Karola” - tha xhaxhi Piteri. “Shumë njerëz erdhën nga çdo vend për ta dëgjuar tek jepte mësim. Ai i çuditi, sepse mësoi qartë dhe me autoritet Fjalën e Perëndisë. Fatkeqësisht, mësuesit fetarë të judenjëve nuk po mësonin në mënyrë të qartë Fjalën e Perëndisë, ndaj mesazhet e Jezusit ishin gjë e re për njerëzit”.

“Mendoj se të gjithë e pëlqenin” - tha Xhoni.

“Po” - tha xhaxhi Piteri. “Jezusi ishte shumë popullor me njerëzit. Dhe Ai i çuditi, sepse kishte fuqinë të dëbonte demonët. Lajmi përhapej shpejt dhe njerëzit flisnin për Jezusin”.

“Çfarë janë demonët, xhaxhi Piter?” - pyeti Karola.

“Demonët janë frymëra që u rebeluan bashkë me Satanin kundër Perëndisë” - u përgjigj xhaxhi Piteri. “Demonët ndjekin Satanin. Ata e urrejnë Perëndinë dhe u pëlqen të jetojnë tek ata që nuk besojnë te Perëndia, dhe t'i kontrollojnë”.

“Si i dëboi?” - pyeti Xhoni.

“Ai thjesht foli,” - u përgjigj xhaxhi Piteri, - “dhe ata u larguan nga personi që torturonin. Jezusi është më i fortë sesa Satani dhe të gjithë demonët e tij. Demonët duhej t'i besonin Jezusit”.

“Jezusi është me të vërtetë i fuqishëm!” - tha Karola. “Nuk ka asnjë si Jezusi!”.

“Ke të drejtë, Karola” - tha xhaxhi Piteri. “Shumë njerëz menduan njësoj, kështu që e ndoqën. Jezusi po predikonte lajmin e mirë kudo ku shkonte”.

“Çfarë lajmi të mirë?” - pyeti Xhoni.

“Lajmin e mirë që mbretëria e Perëndisë ishte afër” - tha xhaxhi Piteri. “Jezusi ishte vetë Perëndia. Ai kishte ardhur t'i çliroste njerëzit nga Satani, mëkati dhe vdekja”.

“Mund të imagjinoj që njerëzit ishin të gëzuar për këtë!” - tha Karola.

“Ata nuk e kuptuan plotësisht se kush ishte,” - tha xhaxhi Piteri, - “por panë mrekullitë që bëri”.

“Ç’lloj mrekullish bëri Jezusi?” - pyeti Xhoni.

“Ai shëroi shumë njerëz” - u përgjigj xhaxhi Piteri. “Ai madje shëroi një njeri që ishte i sëmurë nga lebra”.

“Çfarë është lebra?” - pyeti Karola.

“Lebra është një sëmundje që vret nervat dhe mund të shkaktojë që një person të humbasë dorën, këmbën apo madje hundën” - tha xhaxhi Piteri. Askush nuk donte të



prekte apo t'i afrohej një lebrozi”.

“Kjo duket e tmerrshme!” - tha Xhoni. “Si e shëroi Jezusi?”.

“Është në Bibël,” - tha xhaxhi Piteri, - “kështu le të shohim se çfarë është shkruar rreth këtyre mrekullive që kreu Jezusi”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 1:17 – “Sepse Ligji u dha nëpërmjet Moisiut, por hiri dhe e vërteta erdhën nëpërmjet Jezu Krishtit”.***

## Le të mendojmë

**Përgjigju këtyre pyetjeve dhe tregoja mësuesit.**

1. Kush ishte me të vërtetë Perëndi dhe njeri?  
a. Jezusi; b. Satani; c. Demonët.
2. Cilat janë frymërat që u rebeluan bashkë me Satanin kundër Perëndisë?  
a. Perëndia; b. Jezusi; c. Demonët.
3. Brenda kujt duan të jetojnë dhe të kontrollojnë demonët?  
a. Jezusit; b. Njerëzve që besojnë te Perëndia;  
c. Njerëzve që nuk besojnë te Perëndia.
4. Kujt duhet t'i binden demonët, edhe pse nuk duan?  
a. Njerëzve; b. Jezusit; c. Satanit.
5. Kush mund të kryejë mrekulli që nuk mund t'i bëjë askush?  
a. Demonët; b. Satani; c. Jezusi.

# Mësime nga Fjala e Perëndisë



## Marku 1:14-42

Ndërsa Jezusi ishte në shkretëtirë, Gjon Pagëzori vazhdoi të mësonte mesazhin e Perëndisë për t'i përgatitur njerëzit që të besonin te Jezusi, Çlirimtari. Disa njerëz ndryshuan mënyrën e të menduarit rreth vetes dhe mëkatit. Të tjerët, si farisenjtë, besonin tek vetja dhe mendonin se ata ishin të mirë para Perëndisë. Mbreti Herod, i cili po bënte një jetë shumë mëkatore, nuk i pëlqente disa nga gjërat që thoshte Gjoni, ndaj e futi Gjonin në burg dhe më vonë e vrau. Para se të vritej, Gjoni e kishte mbaruar punën e tij për të përgatitur rrugën për Zotin Jezus.

Ndërsa Gjoni ishte në burg, Jezusi po i mësonte njerëzit për veten. Edhe Ai i urdhëroi ata të ndryshonin mendjen. **Ai i urdhëroi gjithashtu të praninin para Perëndisë se ishin mëkatarë dhe të besonin ungjillin (lajmin e mirë) që Ai kishte ardhur t'u thoshte.**


Mbretërimi i Perëndisë mbi tokë po vinte. Satani ishte bërë sundimtari i kësaj bote kur Adami nuk iu bind Perëndisë dhe ndoqi Satanin. Ne, kur lindim në këtë botë, lindim nën kontrollin e Satanit (mbretërinë e Satanit). Meqë Perëndia është i dashur, i mëshirshëm dhe plot hir ndaj mëkatarëve, Ai dërgoi Jezusin, Shpëtimtarin, në botë për të mposhtur Satanin. **Lajmi i mirë i Perëndisë** ndaj secilit prej nesh është: **duke besuar te Perëndia dhe duke besuar te Shpëtimtari, ne mund t'i shpëtojmë kontrollit të Satanit dhe të miqësohemi me Perëndinë.**

Jezusi filloi t'u kërkonte njerëzve që ta ndihmonin në punën e Tij. Ai do t'i mësonte dhe do t'i dërgonte për t'u thënë të tjerëve këtë mesazh të Lajmit të Mirë të Perëndisë.

Judenjtë takoheshin nëpër shtëpi që quheshin singoga kur Shkrimet e Moisiut dhe profetëve lexoheshin dhe u mësoheshin njerëzve. Njerëzit që dëgjonin Jezusin të fliste habiteshin me autoritetin që tregonte duke shpjeguar domethënien e Fjalës së Perëndisë. Jezusi mësonte shumë ndryshe nga mënyra se si mësonin skribët; ata mendonin se dinin më tepër rreth Fjalës së Perëndisë se sa të tjerët. Jezusi është Perëndi; Ai e njihte Atin e Tij dhe kuptonte në mënyrë të qartë Fjalën e Perëndisë.

Jezusi kreu gjithashtu shumë mrekulli. Ai dëboi demonët nga trupat e njerëzve. Ai shëroi një lebroz dhe shumë të sëmurë të tjerë. Jezusi ndjeu dashuri dhe dhembshuri për këta të sëmurë dhe njerëz të idemonizuar. Jezusi e dinte se tërë këto gjëra janë në botë për shkak të mëkatit të njeriut dhe sundimit të Satanit.

Perëndia njeh gjithçka rreth nesh dhe dëshiron akoma të jetë Shpëtimtari ynë. Ai jo vetëm që kujdeset dhe është gati të na ndihmojë, por vetëm Ai ka pushtetin për të na shpëtuar.





**Plotësoje këtë aktivitet dhe tregoja mësuesit.**

Përko këta njerëz me përshkrimin e tyre më poshtë:

**1. Jezusi;            2. Gjon Pagëzori;            3. Satani.**

  1   Ai shëroi të sëmurët.

       Ai mësoi Fjalën e Perëndisë në mënyrë të qartë.

       Ai i përgatiti njerëzit për të besuar te Çlirimtari që do të vinte.

       U dërgua për të mposhtur Satanin.

       Tërë njerëzimi ka lindur në mbretërinë e tij.

       Shpëtimtari.

       Ai dëboi demonët.

       Atë e futën në burg dhe u vra për shkak të asaj që mësoi.

### **Karta Awana 47 e përfunduar**

Firma e mësuesit \_\_\_\_\_

Data \_\_\_\_\_

# Duhet të lindësh sërish



## Koha e historisë

“Më pëlqen ky keku!” - tha Xhoni, ndërsa po mbaronte së ngrëni kafshatën e fundit.

“Ty gjithmonë të pëlqejnë kekët, Xhon!” - tha Karola.

“Ishte një datëlindje e këndshme, Xhon” - tha xhaxhi Piteri.

“Ashtu mendoj edhe unë” - tha Xhoni. “Xhaxhi Piter, kur e ke datëlindjen?”.

“Cilën datëlindje?” - pyeti xhaxhi Piteri.

“Çfarë do të thuash me: ‘cilën datëlindje?’” - pyeti Xhoni.

“Shiko, Xhon,” - tha xhaxhi Piteri, - “unë kam dy datëlindje. E para është kur kam lindur si foshnjë. Të gjithë e kanë atë datëlindje”.

“Por çfarë është datëlindja e dytë?” - e ndërpreu Karola.

“Karola, a e kujton se si Adami dhe Eva mëkatuan në kopshtin e Edenit?” - pyeti xhaxhi Piteri. “Dhe që nga ajo kohë çdo njeri, çdo pasardhës i Adamit, ka lindur mëkatar!”.

“Por ne nuk mund të bëjmë gjë për mënyrën se si lindim!” - tha Karola e trishtuar.

“Ke të drejtë,” - tha xhaxhi Piteri, - “nuk mund të bëjmë, por Perëndia ka gjetur një mënyrë që ne të lindim për herë të dytë; jo në lidhje me Adamin, por në lidhje me Perëndinë”.

“Vërtetë?” - tha Xhoni.

“Po” - u përgjigj xhaxhi Piteri. “Perëndia e di që ne nuk mund të bëjmë diçka për të ndryshuar gjendjen në të cilën jemi. Ne kemi trashëguar natyrën mëkatore të Adamit, ndaj, pavarësisht se sa shumë të përpiqemi, ne nuk jemi në gjendje ta ndryshojmë veten që t’i bindemi Perëndisë dhe t’i pëlqejmë Atij”.

“Po ata predikues që vijnë në qytet për të predikuar rreth Perëndisë?” - pyeti Karola. “A nuk mund t’i binden dhe t’i pëlqejnë Perëndisë?”.

“Jo nëse varen nga mënyrat e tyre dhe nuk kanë lindur sërish” - u përgjigj xhaxhi Piteri.

“Askush nuk mund të jetojë dhe t’i pëlqejë Perëndisë nëse nuk ka lindur sërish, duke besuar te Jezu Krishti si Shpëtimtari i tij”.

“Të ketë lindur sërish?!” - tha Xhoni i çuditur. “Mendova se mund të lindësh vetëm një herë!”.

“Xhon, sipas Biblës ishte vetë Jezusi që foli për lindjen sërish” - tha xhaxhi Piteri. “Ai po i fliste Nikodemit, njërit prej drejtuesve fetarë”.

“Por kjo duket e çuditshme” - tha Karola. “Si mund të lindë sërish një person?”.

“Në të njëjtën mënyrë që linda unë: besova te Jezu Krishti si Shpëtimtari im” - tha xhaxhi Piteri. “Kur besova, linda në familjen e Perëndisë”.

“Çfarë do të thuash me: ‘në familjen e Perëndisë?’” - pyeti Xhoni.

“Adami dhe Eva u ndanë nga Perëndia,” - kujtoi xhaxhi Piteri, - “dhe mosbindja e tyre i nxori ata dhe pasardhësit e tyre jashtë familjes së Perëndisë dhe i vendosi nën sundimin e Satanit. Një person mund të lindë në familjen e Perëndisë duke besuar te Jezu Krishti. Kjo është mënyra e vetme për t’u lindur për herë të dytë”.

“Ua!” - tha Karola, - “kush mund të lindë sërish?”.

“Njerëzit e vetëm që mund të lindin sërish janë mëkatarët!” - tha xhaxhi Piteri. “Çdokush është mëkatar nga lindja. Ajo që kërkon Perëndia është që një person të pranojë që është mëkatar, i pashpresë dhe që nuk mund të shpëtojë veten. Në çastin që ai person i beson Jezu Krishtit si Shpëtimtari i tij, ai lind sërish”.

“Xhaxhi Piter, kështu linde sërish edhe ti?” - pyeti Xhoni.

“Po” - tha xhaxhi Piteri. “Thjesht pranova para Perëndisë se isha mëkatar dhe se nuk mund të bëja asgjë për mëkatet e mia. Besova se Jezusi ishte Shpëtimtari i vetëm, i vetmi që mund të më çlironte nga mëkati, Satani dhe vdekja”.

“Atëherë ke dy datëlindje!” - tha Karola.

“Po, Karola, i kam,” - tha xhaxhi Piteri, - “dhe e dyta është më e mira. Bibla thotë se kushdo që beson te Jezu Krishti do të ketë jetë të përhershme! E shikoni se çfarë dhurate për datëlindje?”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 3:16 – “Sepse Perëndia e deshi aq botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetë të përhershme”.***

## Le të mendojmë

**Përgjigju këtyre pyetjeve dhe tregoja mësuesit.**

1. Cilët kanë lindur mëkatarë?  
a. Njerëzit e këqinj;   b. Të gjithë;   c. Demonët.
2. Çfarë ndodh kur një person beson te Jezu Krishti si te Shpëtimtari i tij?  
a. Ai është nën sundimin e Satanit;   b. Ka datëlindjen e parë;   c. Lind sërish.
3. Cilët njerëz mund të lindin sërish?  
a. Mëkatarët që besojnë te Jezu Krishti;   b. Engjëjt;   c. Demonët.
4. Cili është i vetmi që mund t'i çlirojë njerëzit nga mëkati dhe vdekja?  
a. Abrahami;   b. Jezusi;   c. Satani.
5. Çfarë u premtonte Perëndia atyre që besojnë te Biri i Tij, Jezusi?  
a. Para;   b. Festë;   c. Jetë të përhershme.

# Mësime nga Fjala e Perëndisë



## Gjoni 3:1-20

A kujtoni se si judenjtë, dhe sidomos farisenjtë, ishin shumë krenarë që ishin pasardhës të Abrahamit? A e mbani mend se si pretendonin që ishin pjesë e familjes së Perëndisë për shkak se ishin bijtë e Abrahamit? Farisenjtë nuk e kuptonin që çdo person i lindur në këtë botë ka lindur nën sundimin e Satanit (në mbretërinë e Satanit).

Një farise, Nikodemi, e dinte që mrekullitë e mëdha, të cilat Jezusi kishte bërë mund të bëheshin vetëm me anë të fuqisë së Perëndisë. Ai besonte se Jezusi ishte dërguar nga Perëndia. Një natë Nikodemi erdhi për të folur me Jezusin. Mënyra e vetme që një person t'i shpëtojë pushtetit dhe sundimit të Satanit është të bëjë atë që thotë Jezusi. Jezusi i tha këtij drejtuesi fetar se për të njohur, dashur dhe bindur Perëndisë duhet të **lindte sërish**. Nikodemi u çudit nga fjalët e Jezusit, sepse ai mendonte se Jezusi nënkuptonte që trupat e njerëzve duhet të lindnin përsëri si foshnjë.

Jezusi i tha Nikodemit që ka vetëm **dy lloj njerëzish në botë: ata që kanë lindur vetëm një herë dhe janë nën sundimin e Satanit (mbretërinë e Satanit) dhe ata që kanë lindur sërish dhe janë nën autoritetin e Perëndisë (mbretërinë e Perëndisë)**. Nikodemi nuk mund të kuptonte se si mund të lindte në familjen e Perëndisë, kështu që Jezusi shpjegoi duke i kujtuar atij se çfarë u ndodhi paraardhësve të tij judenj në shkretëtirë. Izraelitët kishin mëkatuar kundër Perëndisë, kështu Perëndia dërgoi gjarpërinj helmues për t'i kafshuar dhe njerëzit filluan të vdisnin. Kur u penduan, pra, ndryshuan mendjen dhe pranuan mëkatin e tyre, Perëndia i tha Moisiut të bënte një gjarpër prej bronzi dhe ta vinte në një shtizë. Perëndia premtoi se kushdo që ishte kafshuar dhe shikonte gjarpërin prej bronzi do të shërohej; ata besuan te Perëndia dhe panë, kështu që Ai mbajti premtimin.

Nikodemi ishte përpjekur t'u bindej ligjeve të Perëndisë. Ai nuk e dinte që nuk do të pranohej nga Perëndia me gjërat që bënte. Ai duhet të bënte atë që kishin bërë izraelitët dhe thjesht të vinte besimin te Zoti. Jezusi tha që Ai duhet të ngrihet lart, ashtu si gjarpri prej bronzi në shkretëtirë, kështu që kushdo që beson në Të do të marrë jetën e përjetshme nga Perëndia. Kur të vdisnin, ata do të ishin përgjithmonë me Perëndinë.



Perëndia, meqë nuk do që dikush të shkojë me Satanin në ndëshkim të përjetshëm, dërgon Birin e Tij të vetëm, Jezusin, Shpëtimtarin, në botë. Kur një burrë, grua apo fëmijë beson në fjalët e Perëndisë dhe beson në Jezusin si Shpëtimtari i tij nga mëkati, Satani, dhe ndarja e përjetshme nga Perëndia, merr nga Ai jetë të re. Askush nuk ka pse të presë deri pas vdekjes për të mësuar nëse do të pranohet apo refuzohet nga Perëndia. Ata që refuzojnë të besojnë te Perëndia janë të dënuar dhe të refuzuar tashmë nga Ai.

Ne duhet të mendojnë se çfarë lloj personash jemi. Bibla na thotë se Perëndia dëshiron që çdo person të jetë pjesë e familjes (mbretërisë) së Tij, prandaj dërgoi Birin e Tij, Jezu Krishtin.



**Plotësoje këtë aktivitet dhe tregoja mësuesit.**

Vendos këto përshkrime nën titujt e saktë më poshtë:

- 1. Mbretëria e Perëndisë; 2. Mbretëria e Satanit;  
3. Lindur një herë; 4. Lindur sërish.**

1. Ata që kanë lindur vetëm një herë dhe janë nën sundimin e Satanit:

---

---

2. Ata që kanë lindur për herë të dytë dhe janë nën autoritetin e Perëndisë:

---

---

### **Karta Awana 48 e përfunduar**

Firma e mësuesit \_\_\_\_\_

Data \_\_\_\_\_

# Drejtuesit fetarë refuzojnë Jezusin



## Koha e historisë

“Përshëndetje, Xhon e Karola” - tha xhaxhi Piteri. “Si jeni sot?”.

“Mirë!” - tha Karola. “A e di që Tomi do të vijë në shtëpinë tonë dhe do të studiojmë Biblën së bashku?”.

“Oh, do të ishte fantastike!” - tha xhaxhi Piteri. “Kur do të vijë?”.

“Shiko, nuk e dimë nëse mund të vijë” - tha Xhoni i trishtuar. “Babi i tij nuk ishte shumë dakord për këtë”.

“Pse jo?” - pyeti xhaxhi Piteri.

“Ai tha se njerëzit fetarë janë hipo... diçka e tillë” - tha Karola.

“Mos tha gjë ‘hipokritë’?” - pyeti xhaxhi Piteri.

“Po!” - tha Xhoni. “Xhaxhi Piter, çfarë do të thotë kjo?”.

“Hipokrit është një person që nga ana e jashtme shtret sikur është shumë fetar,” - tha xhaxhi Piteri, - “por nga brenda nuk beson me të vërtetë te Perëndia. Ai nuk e konsideron veten mëkatar, ashtu siç e shikon Perëndia”.

“Të gjithë kanë mëkatuar” - tha Karola.

“Ke të drejtë, Karola” - tha xhaxhi Piteri. “Babai i Tomit mbase do të jetë zhgënjyer nga mënyra se si silllet dikush. Ai mund të ketë parë dikë që ka qenë shumë ‘fetar’ në sytë e tij; ai ka menduar që ai njeri nuk do të mëkatonte kurrë. Pastaj kur personi ka mëkatuar, babai i Tomit mund të jetë zemëruar kundër Perëndisë për shkak të asaj që ka bërë apo ka thënë ai njeri”.

“Nuk mendoj se babait të Tomit duhet t’i interesojë se si veprojnë njerëzit e tjerë” - tha Xhoni. “Ai bën shumë gjëra të këqija! Ta kishe parë duke...”.

“Xhon, Jezusi erdhi për të shpëtuar mëkatarët!” - e ndërpreu xhaxhi Piteri. Ne të gjithë jemi mëkatarë. Mëkat nuk janë vetëm gjërat e jashtme. Janë gjërat brenda nesh (ndjenjat dhe mendimet tona), si zemërimi, krenaria dhe xhelozia. Babai i Tomit duhet të dijë se Perëndia nuk është si ata njerëz që e quajnë veten fetarë. Prandaj disa nga mëkatarët që Jezusi takonte e donin shumë”.

“Mendoj se të gjithë do ta donin Jezusin” - tha Karola. “Ai bëri shumë gjëra të mrekullueshme”.

“Po,” - tha Xhoni, - “mendoj se babai i Tomit do ta pëlqente Jezusin nëse do ta takonte”.

“Shpresoj se do ta pëlqente” - tha xhaxhi Piteri. “Në kohën kur Jezusi ishte këtu në tokë, shumë njerëz si babai i Tomit i besuan Jezusit, por njerëz të tjerë e refuzuan”.

“E refuzuan?!” - tha Karola. “Pse e bënë këtë?”.

“Për të njëjtën arsye që po flisnim” - tha xhaxhi Piteri. “Disa njerëz ishin hipokritë, pra, ata nuk donin t’ia dinin aq shumë për Perëndinë, sa për veten e tyre dhe që të linin përshtypje të mira te njerëzit e tjerë. Farisenjtë ishin të tillë”.

“Ua,” - tha Xhoni, - “duket sikur njerëzit, kur Jezusi ishte në tokë janë të ngjashëm me



njerëzit që mërzitën babanë e Tomit”.

“Mendoj se ke të drejtë, Xhon” - pranoi xhaxhi Piteri. “Jezusi foli ashpër kundër farisenjve. Perëndia shikon brenda njeriut dhe nuk mashtrohet nga ajo që thonë apo bëjnë njerëzit. Ai e njeh secilin prej nesh, ashtu siç jemi. Do të flas me babin e Tomit dhe do të shoh nëse do ta lejojë Tomin të vijë të studiojë Biblën me ne”.

## Le të shikojmë në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

**Gjoni 20:31 – “Por këto gjëra janë shkruar që ju të besoni se Jezusi është Krishti, Biri i Perëndisë dhe që, duke besuar, ta keni jetën në emër të tij”.**

## Le të mendojmë

**Përgjigju këtyre pyetjeve dhe tregoja mësuesit.**

1. Kush është një hipokrit?  
a. Dikush që beson te Perëndia;   b. Tërë drejtuesit fetarë;  
c. Dikush që shtiret sikur është fetar.
2. Çfarë mendojnë hipokritët për Perëndinë apo mëkatën?  
a. Ata nuk i besojnë Perëndisë;   b. Ata besojnë se Jezusi është Perëndi;  
c. Ata besojnë se janë mëkatarë.
3. Kë erdhi të shpëtonte Jezusi?  
a. Njerëzit që ishin të mirë;   b. Mëkatarët;   c. Njerëzit fetarë.
4. Çfarë shikon Perëndia kur shikon njerëzit?  
a. Se si veprojnë njerëzit;   b. Sa fetarë janë;  
c. Gjërat e brendshme dhe të jashtme të njerëzve.
5. Kush mund t’ia hedhë Perëndisë?  
a. Askush;   b. Satani;   c. Drejtuesit fetarë.

# Mësimet nga Fjala e Perëndisë



## Mark 2:1-17; 3:1-2

Shumica e drejtuesve fetarë të kohës së Jezusit nuk donin t'ia dinin për Perëndinë; ata e përdornin Fjalën e Perëndisë dhe emrin e Tij vetëm si mënyrë për të siguruar ndjekës. Edhe pse vepronin në mënyrë fetare, në “zemrat” e tyre ata nuk i bindeshin Perëndisë, as nuk i besonin Atij. Ata refuzonin Atë që mund t'i shpëtonte nga mëkatet e tyre.

Megjithatë shumë njerëz donin të dëgjonin se çfarë po mësonte Jezusi. Disa erdhën për të takuar Jezusin sepse ishin të interesuar për atë që po bënte, apo ngaqë mendonin se Ai do të ishte mbreti që do t'i çlironte nga sundimi romak. Të tjerë donin ta dëgjonin sepse Ai foli Fjalën e Perëndisë me pushtet. Disa donin të shëroheshin.

Miq të një njeriu të paralizuar e çuan atë atje ku Jezusi po u fliste shumë njerëzve brenda shtëpisë. Njeriu i paralizuar besoi se Jezusi mund ta shëronte. Shtëpia ishte e mbushur me shumë njerëz kështu që ata e ngjitën në taracën e saj, hapën një vrimë dhe e zbritën në rrogzin e tij përballë Jezusit! Jezusi, ngaqë kuptoi që ai njeri besoi me të vërtetë tek Ai, tregoi fuqinë e Tij si Perëndia dhe jo vetëm e shëroi, por fali mëkatet e tij. Jezusi është Perëndia; Ai kishte pushtetin të falte mëkatet e njerëzve.

Drejtuesit fetarë nuk ishin të lumtur që Jezusi po falte mëkatet; ata e dinin se vetëm Perëndia kishte autoritetin për të falur mëkatet. Skribët dhe farisenjtë e urrenin Jezusin sepse tha që ishte Perëndia Bir, Çlirimtari i premtuar. Ata nuk e besuan. Ata mendonin se Ai ishte thjesht një njeri i zakonshëm. Skribët dhe farisenjtë e urrenin Jezusin sepse Ai u tha atyre që ishin mëkatarë. Ata besonin se ishin më të mirë se kushdo tjetër dhe nuk kishin mëkat. Jezusi u tha atyre se Ai nuk erdhi të shpëtojë ata që mendonin se ishin pa mëkat, por për të shpëtuar ata që pranonin se ishin mëkatarë.

Meqë shumë njerëz ndiqnin Jezusin, drejtuesit fetarë ishin xhelozë për Të. Ata po e vëzhgonin vazhdimisht, duke shpresuar se Ai do të bënte diçka kundër rregullave të tyre në mënyrë që ta arrestonin dhe ta dënonin me vdekje. Jezusi iu bind tërë ligjeve të Perëndisë, por Ai refuzoi të ndiqte rregullat që këta drejtues fetarë kishin sajuar dhe shtuar Fjalës së Perëndisë.

Edhe sot kemi njerëz të tillë: njerëz që kanë nga pas shumë persona që i ndjekin, por që kanë refuzuar Perëndinë. Edhe pse mesazhi i tyre mund të ngjajë shumë fetar dhe interesant, nuk është e vërteta; është gënjeshtër. Disa, ashtu si farisenjtë, u thonë njerëzve se ata do të shkojnë në qiell nëse bëjnë gjërat drejt. Të tjerë u thonë njerëzve se të gjithë do të shkojnë në qiell, ose ata thonë se Perëndia është dashuri dhe ne thjesht duhet t'i duam të gjithë për të shkuar në qiell. Edhe këta janë gënjeshtarë! Fjala e Perëndisë thotë në mënyrë të qartë se vetëm Jezusi mund të shpëtojë njerëzimin; njerëzit nuk mund të bëjnë asgjë për të shpëtuar veten.



Plotësoje këtë aktivitet dhe tregoja mësuesit.

Ngjyros shkronjat që përmbajnë një yll për të zbuluar mesazhin e fshehtë.

AJIEZOUSXIEGRD  
FHIPËNRTGËSHL  
PËTPUTARMAËK  
XATAERËT

Mesazhi: \_\_\_\_\_

\_\_\_\_\_

### Karta Awana 49 e përfunduar

Firma e mësuesit \_\_\_\_\_

Data \_\_\_\_\_

# Jezusi zgjodhi dymbëdhjetë dishepuj

## Koha e historisë

“Xhaxhi Piter, nuk e kuptoj se pse duhet ta urrejë dikush Jezusin” - tha Karola. “Ai po ndihmonte shumë njerëz. Gjithçka që kam dëgjuar për Të ka qenë e mirë”.

“Po” - tha xhaxhi Piteri. “Është e vështirë të kuptosh se përse duhet ta urrejë dikush Jezusin. Ai ishte gjithmonë i perëndishëm. Ai nuk mbante fshehur ndonjë mëkat brenda Tij. Ai ishte tërësisht i mirë: Ai nuk mëkatoi kurrë!”.

“Do të thuash që njerëzit nuk e panë të bëjë diçka të keqe?” - pyeti Xhoni.

“Ke të drejtë, Xhon” - u përgjigj xhaxhi Piteri. “Jezusi bëri vetëm ato gjëra që i pëlqenin Perëndisë. Atij nuk iu desh kurrë të shqetësohej se mos ishte hipokrit. Ai ishte nga jashtë krejtësisht siç ishte brenda vetes”.

“Mendoj se duhet të jetë e vështirë që kjo gjë të bëhet gjatë gjithë kohës!” - tha Karola.

“Jezusi është Perëndi” - tha xhaxhi Piteri. “Kur njerëzit shkonin tek Ai, Ai gjithmonë bënte dhe thoshte gjërat që i kishte thënë Perëndia”.

“Po sikur Jezusi ta dinte se drejtuesit fetarë po planifikonin ta vrisnin” - pyeti Xhoni. “A do të kishte mëkatuar atëherë?”.

“Kjo është pyetje me vend, Xhon” - u përgjigj xhaxhi Piteri. “Ngaqë Jezusi është edhe njeri, Ai mund të kishte vepruar ashtu siç mund të kishim vepruar ne nëse do ta dinim që dikush do të na bënte keq”.

“E di se çfarë do të kisha bërë” - e ndërpreu Xhoni. “Do të isha shumë i zemëruar, sa që do të doja t'i vrisja unë i pari”.

“Kështu mendon shumica e njerëzve, Xhon,” - tha xhaxhi Piteri, - “por ne duhet të kujtojmë se Jezusi është edhe Perëndi. Dhe ngaqë Ai është Perëndia, Ai e dinte saktësisht se çfarë po planifikonin drejtuesit fetarë, megjithatë...”.

“Atëherë pse nuk përdori fuqinë e Tij për t'i ndalur?” - e ndërpreu Karola. “Nëse nuk donte t'i vriste, mund t'i kishte frikësuar aq shumë, sa që të largoheshin prej tij”.

“Po, Karola, Jezusi mund ta kishte bërë këtë” - u përgjigj xhaxhi Piteri. “Por Perëndia kishte plane të tjera. Dhe kujtoni atë që thashë për Jezusin; Ai bën vetëm gjërat që i pëlqejnë Perëndisë. Perëndia ka një qëllim për çdo gjë që bën. Ne jo gjithmonë e kuptojmë se përse Ai i bën gjërat sipas mënyrës së vet, por ne mund të besojmë që Ai do të bëjë gjënë më të mirë. Jezusi është shembulli ynë se si t'i besojmë Perëndisë”.

“Ka diçka tjetër që nuk e kuptoj” - tha Xhoni. “Kur drejtuesit fetarë panë tërë mrekullitë që bëri Jezusi, pse nuk besuan në ato që tha Ai?”.

“Po” - e ndërpreu Karola. “Edhe unë po bëja të njëjtën pyetje, sepse mbaj mend që na the se edhe Satani dhe demonët e tij besojnë te Perëndia dhe e dinë që Jezusi është Perëndi. Demoni tha që Jezusi ishte Perëndi përpara njerëzve”.

“Ke të drejtë, Karola” - tha xhaxhi Piteri. “Por Satani nuk do që njerëzit të besojnë te

Perëndia, kështu që ai përpiqet që ata t'i besojnë gënjeshtres së tij rreth Jezusit. Ai nuk do që ata të besojnë se Jezusi është Shpëtimtari i premtuar. Ai dëshiron që ata të vazhdojnë të kërkojnë Çlirimtarin që ka premtuar Perëndia. Edhe pse kemi Biblën për të lexuar tërë këto histori të vërteta, kemi akoma njerëz që nuk u besojnë gjërave që janë shkruar këtu. Për shkak të mëkatit të njeriut dhe sundimit të Satanit në tokë, do të ketë gjithmonë njerëz që nuk i besojnë Fjalës së Perëndisë.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

**1 Gjonit 1:8 – “Po të themi se jemi pa mëkat, gënjejmë vetveten dhe e vërteta nuk është në ne”.**

**Gënjejmë** - mashtrojmë, ngatërrojmë rrugën

## Le të mendojmë

**Përgjigju këtyre pyetjeve dhe tregoja mësuesit.**

1. Kush nuk ka mëkatuar kurrë?  
a. Njerëzit; b. Drejtuesit fetarë; c. Jezusi.
2. Kush i thoshte Jezusit se duhet çfarë të bënte?  
a. Satani; b. Perëndia; c. Drejtuesit fetarë.
3. Kush nuk beson se Jezusi është Perëndi?  
a. Disa drejtues fetarë; b. Satani; c. Demonët.
4. Kush nuk do që njerëzit të besojnë te Jezusi si Shpëtimtari i tyre?  
a. Abrahami; b. Satani; c. Gjon Pagëzori.
5. Kur njerëzit thonë se nuk kanë mëkat, çfarë po bëjnë?  
a. Gënjejnë veten; b. Thonë të vërtetën; c. Tregojnë që nuk e kuptojnë se çfarë është mëkati.

# Mësime nga Fjala e Perëndisë

Marku 3:1-19; 4:35-41



Jezusi ishte i zemëruar me drejtuesit fetarë, sepse e kishin ndarë mendjen që të mos i besonin gjërave që Perëndia po përpqej t'u mësonte. Kështu bëri edhe faraoni i Egjiptit kur Perëndia dërgoi Moisiun për t'i thënë që t'i linte izraelitët të largoheshin nga Egjipti. Faraoni e kishte ndarë mendjen kundër Perëndisë dhe ishte i vendosur në atë që donte të bënte. Perëndia e shkatërroi atë njeri të lig dhe shkatërroi vendin e tij. Është shumë e rrezikshme kur njerëzit e ndajnë mendjen që të mos i besojnë Perëndisë dhe mesazhit të Tij. Një ditë Perëndia do të shkatërrojë të gjithë ata që refuzojnë t'i binden Atij. Askush nuk mund të ndeshet kundër Perëndisë dhe të fitojë.

Turma të mëdha njerëzish nga zonat përreth erdhën për të dëgjuar mësimet e Jezusit dhe të shëroheshin nga sëmundjet e tyre. Farisenjtë ishin xhelozë, kështu që ata u takuan me ndjekësit e mbretit Herod për të planifikuar vrasjen e Jezusit. Ky Herod ishte biri i të njëjtit mbret Herod që u përpoq të vriste Jezusin kur ishte foshnjë. Ndjekësit e mbretit, të quajtur herodianë, nuk besonin se Jezusi ishte Perëndi, por kishin frikë se Ai mund të zinte vendin e mbretit kështu që edhe ata donin ta vrisnin. Frymërat e ndyra e dinin se Jezusi ishte Biri i Perëndisë. Ata e kishin njohur dhe i kishin shërbyer në qiell para se të ndiqnin Satanin. Por edhe kur frymërat e këqija panë Jezusin dhe thirrën: "Ti je Biri i Perëndisë", farisenjtë akoma nuk besonin.



Një ditë Jezusi mori ndjekësit e Tij në mal për t'u larguar nga turmat. Nga shumë ndjekës Ai zgjodhi dymbëdhjetë burra për t'u bërë dishepujt e Tij të veçantë për ta ndihmuar në punën e Tij të mësimt, shërimit dhe dëbimit të demonëve. Shumica e dymbëdhjetë njerëzve të cilët zgjodhi Jezusi nuk ishin shumë të shkolluar apo të pasur. Disa prej tyre ishin peshkatarë para se të fillonin të ndiqnin Jezusin. Tërë ata besonin te Jezusi, përveç njërit:

Juda Iskariotit. Ai ishte hipokrit; ai nuk besonte me të vërtetë te Jezusi si Çlirimtari i tij nga kontrolli i Satanit, mëkatit dhe vdekjes. Njëmbëdhjetë dishepujt e tjerë nuk e dinin që Juda nuk ishte një besimtar i vërtetë. Megjithatë, ngaqë Jezusi njehe gjithçka, Ai e dinte se çfarë mendonte Juda. Jezusi e dinte që Juda do ta tradhtonte një ditë tek armiqët e Tij.

Jezusi u kishte thënë dishepujve të Tij të bënin varkën gati në mënyrë që ata të kishin mundësi të largoheshin kur turmat të fillonin të shtyheshin. Një ditë Jezusi dhe dishepujt e Tij hipën në varkë për të kaluar në anën tjetër të liqenit të quajtur Deti i Galilesë. Ndodhi një stuhri e keqe ndërkohë që Jezusi po flinte. Dishepujt kishin frikë se mos vdisnin. Ata nuk mund të kuptonin se si Jezusi mund të vazhdonte të flinte kur ata ishin në rrezik të madh. Ata e zgjuan Jezusin dhe Ai urdhëroi stuhinë të ndalte. Jezusi, duke qenë Perëndia, krijoi detin dhe erën; ajo i bindej Atij. Dishepujt po mësonin se Perëndia kishte kontrollin mbi gjithçka dhe ata mund t'i besonin Atij.





**Plotësoje këtë aktivitet dhe tregoja mësuesit.**

Përko këta njerëz me përshkrimet e tyre më poshtë:

- |                       |                       |                           |
|-----------------------|-----------------------|---------------------------|
| <b>1. Herodianët;</b> | <b>2. Jezusi;</b>     | <b>3. Juda Iskarioti;</b> |
| <b>4. Dishepujt;</b>  | <b>5. Farisenjtë;</b> | <b>6. Demonët.</b>        |

\_\_\_ Kush ishin ndjekësit e veçantë të Jezusit?

\_\_\_ Kush i shërbente Jezusit në qiell?

\_\_\_ Kush ishin ndjekësit e mbretit Herod që donin të vrisnin Jezusin?

\_\_\_ Kush e tradhtoi Jezusin tek armiqtë e tij?

\_\_\_ Kush mund të qetësojë erërat dhe detet?

\_\_\_ Kush ishin xhelozë për Jezusin?

### **Karta Awana 50 e përfunduar**

Firma e mësuesit \_\_\_\_\_

Data \_\_\_\_\_

# Jezusi shëron një njeri të pushfuar nga demonët



## Koha e historisë

“Xhaxhi Piter, a e mban mend atë shokun që kisha, të cilin e kapën duke vjedhur?” - pyeti Xhoni.

“Po, e mbaj mend, Xhon” - tha xhaxhi Piteri. “E ke takuar prapë?”.

“Shiko, e pashë dje në qytet” - tha Xhoni. “Ai dëshiron të më takojë ndonjë ditë. Ai thotë që po i shkojnë mirë gjërat tani”.

“Dëgjova që po përdorte dhe shiste drogë” - tha Karola.

“Po,” - tha Xhoni, - “edhe unë e dëgjova. Ai nuk dukej mirë”.

“Ke ndërmend ta takosh prapë, Xhon?” - e pyeti xhaxhi Piteri.

“Jo,” - u përgjigj Xhoni, - “nuk jam i interesuar të shoqërohem më me atë lloj tipi. Kam frikë se mos futem në telashe”.

“Do të doja që dikush ta ndihmonte me problemin e tij” - tha Karola. “Ai ka qenë një mik i mirë”.

“Oh, njerëzit janë përpjekur ta ndihmojnë” - tha Xhoni. “Por ai vazhdon të refuzojë ndihmën e tyre. Fqinjët e tij mendojnë se nuk ka shpresë për të. Ata thonë që është bërë i papërmbajtshëm”.

“E di se çfarë duan të thonë,” - tha xhaxhi Piteri, - “dhe kanë të drejtë nëse po flasin rreth një personi apo programi për ta ndihmuar. Por ai mund të ndryshojë!”.

“Si?” - pyeti Karola.

“Në të njëjtën mënyrë që Perëndia e ka bërë të mundur për ty dhe mua, për të na falur dhe për të na pastruar nga mëkatet tona” - tha xhaxhi Piteri. “A e mbani mend se çfarë i tha Jezusi Nikodemit?”.

“Ai i tha atij se duhet të lindte sërish” - tha Xhoni.

“Por problemi i këtij miku të vjetër është pak më i madh se i Nikodemit” - tha Karola. “A nuk ka nevojë për diçka më tepër?”.

“Karola, mëkati është mëkat” - tha xhaxhi Piteri. “Meriton të njëjtin ndëshkim: vdekjen. Jezu Krishti është i vetmi që mund t’i ndihmojë mëkatarët. Nuk ka përgjigje tjetër për ju, mua apo ndonjë njeri tjetër në botë”.

“Por pyes nëse Jezusi ka qenë në gjendje të shërojë dikë në gjendje kaq të keqe” - tha Karola.

“Sigurisht!” - tha xhaxhi Piteri. “Jezusi është Perëndi. Nuk ka asgjë të vështirë për Të. Bibla paraqet disa histori të mrekullueshme e të vërteta të njerëzve me probleme tepër të vështira, që u ndryshuan tërësisht nga Jezusi”.

“Por kjo ndodhi kur Jezusi ishte në tokë si njeri” - tha Xhoni. “Po sot?”.

“Jezusi nuk ka ndryshuar” - tha xhaxhi Piteri. “Ai u jep akoma jetë të re njerëzve që i besojnë Atij. A e mbani mend atë predikuesin që takuam javën që shkoj? Një herë e



një kohë edhe ai merrte drogë”.

“Ua! E vështirë për ta besuar” - tha Xhoni. “Nuk ta jep përshtypjen fare. Edhe ai e njihë Biblën, apo jo, xhaxhi Piter?”.

“Po,” - tha xhaxhi Piteri, - “dhe ka shumë njerëz si ai: nën ndikimin e Satanit, por të çliruar nga Jezusi. Sot mund të shohim një histori në Bibël rreth një njeriu nga Gadara që ishte i pushtuar nga demonët. Edhe ky ishte një njeri për të cilin askush nuk mendonte se mund të ndryshonte. Por nuk ka asgjë të pamundur për Perëndinë. Merrni Biblën dhe ne mund ta lexojmë tani”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 8:36 – “Pra, nëse Biri do t’ju bëjë të lirë, do të jeni me të vërtetë të lirë”.***

## Le të mendojmë

**Përgjigju këtyre pyetjeve dhe tregoja mësuesit.**

1. Si mund të pastrohemi nga mëkatet?  
a. Të jemi të mirë; b. Të lindim sërish; c. Të pagëzohemi.
2. Sa lloj ndëshkimesh ka për mëkatet?  
a. Një; b. Dy; c. Katër.
3. Cili është ndëshkimi për tërë mëkatet?  
a. Pagesa e një gjobe; b. Bërja e shumë veprave të mira; c. Vdekja.
4. Kush mund ta ndryshojë një person që të mos jetojë një jetë mëkatore?  
a. Një predikues; b. Perëndia; c. Miqtë.
5. Kush nuk ndryshon kurrë?  
a. Jezusi; b. Satani; c. Predikuesit.


# Mësime nga Fjala e Perëndisë

Marku 5:1-20



Dishepujt sapo kishin kaluar një përvojë shumë të frikshme në detin e Galilese. Ata e kishin parë Jezusin të shëronte sëmundjet dhe të dëbonte demonët, por ata nuk e kishin parë kurrë të bënte diçka të tillë. Ai kishte urdhëruar stuhinë të ndalej dhe ajo u ndal! Ata nuk kuptonin se deti në të cilin po lundronin i përkiste Jezusit. Ai bëri çdo gjë në fillim. Jezusi krijoi detin, erën, vetëtimat dhe retë. Ai ka fuqi për të ndryshuar çdo gjë.

Kur dishepujt mbërritën në anën tjetër të liqenit, ata do të shikonin akoma nga fuqia e Jezusit. Në breg i priste një njeri që ishte i pushtuar nga shumë frymëra të ndyra. Ai nuk mund ta çlironte veten nga pushteti dhe kontrolli i këtyre frymërave. Ai burrë jetonte në shpella të cilat përdorshin si varre. Njerëzit ishin përpjekur ta mbanin që të mos dilte dhe të lëndonte të tjerët, por demonët tek ai ishin aq të fortë saqë këpuste edhe zinxhirët. Ai ishte pa shpresë; askush nuk mund ta ndihmonte. Nuk kishte shpresë për të. Satani dhe demonët e tij e kishin torturuar këtë njeri aq shumë saqë ai lëndonte vazhdimisht veten.



Kur demonët panë Jezusin, ata e dinin se Ai ishte Krijuesi i tyre, Biri i Perëndisë; ata nuk mund të luftonin kundër Tij dhe të fitonin. Demonët iu lutën Jezusit të mos i torturonte këtë herë. Megjithatë Perëndia ka vendosur tashmë një kohë të ardhshme kur Satani dhe tërë frymërat e tij të ndyrë do të ndëshkohen përgjithmonë në liqenin e zjarrit. Jezusi urdhëroi frymërat të dilnin nga njeriu. Jezusi u dha leje të hynin te derrat aty afër. Derrat u hodhën në liqen dhe u mbytën.

Ky njeri u çlirua nga kontrolli i Satanit dhe demonët e tij me anë të pushtetit të Zotit Jezus. Ky njeri nuk duhet të bënte më gjërat që i thoshin demonët të bënte. Ai ishte tani nën autoritetin e Perëndisë.

Njerëzit në qytetin dhe zonën afër nuk ishin të lumtur që Jezusi kishte vrarë derrat e tyre, të cilët ishin rreth 2000. Ata nuk donin të dëgjonin se çfarë kishte për të thënë Jezusi; ata donin që Ai të largohej. Jezusi i tha njeriut që kishte çliruar nga demonët të shkonte në shtëpi dhe t'u thoshte miqve të tij se si e kishte ndryshuar Jezusi. Çfarë ndryshimi do të shihnin! I njëjti person që ishte i pakontrollueshëm, i zhveshur dhe duke lënduar veten, ishte tani i veshur dhe me mendje në vend. Ai ishte në gjendje të shkonte në shtëpi dhe të ishte i dobishëm. Ai kishte një arsye për të jetuar!

Dishepujt mësuan përsëri që nuk ka asgjë të vështirë për Perëndinë!



**Plotësoje këtë aktivitet dhe tregoja mësuesit.**

Gjej fjalët e Gjonit 8:36 në shkronjat më poshtë. Kalo nga e majta në të djathtë dhe rretho çdo fjalë. Fjala e parë është bërë gati. Kur të mbarosh, vendos fjalën me rregull në hapësirat bosh sipas Gjonit 8:36.

**LIRËNËSETË LIRË, DOTË JENI ME BIR  
ITË VËRTETË TË PRA, DOT'JUBËJË.**

Gjoni 8:36: Pra, \_\_\_\_\_,  
\_\_\_\_\_.

### **Karta Awana 51 e përfunduar**

Firma e mësuesit \_\_\_\_\_

Data \_\_\_\_\_

# Jezusi ushqeu pesë mijë njerëz



## Koha e historisë

“Ua, ky ushqim është fantastik!” - tha Xhoni. “Mund të ha ushqim të tillë tërë ditën”.

“Është shumë i mirë” - tha Tomi. “Jam i gëzuar që më ftove të vij!”.

“Tom, jemi të gëzuar që je me ne” - tha xhaxhi Piteri.

“Po, jemi, Tom,” - tha Karola, – “por ti nuk po ha shumë; duhet të më ndihmosh ta mbaroj këtë ushqim përndryshe Xhoni duhet ta hajë vetë të gjithin!”.

“Kam ngrënë shumë” - tha Tomi. “Kam gjëra të tjera ndërmend tani”.

“A do të na flasësh për to?” - pyeti xhaxhi Piteri.

“Shiko,” - tha Tomi, - “po mendoja për babin tim dhe tim vëlla, Xhimin. Ata nuk e dinë se sa qejf është e tërë kjo”.

“Cila, Tom?” - pyeti Xhoni. “Do të thuash tërë ushqimi?”.

“Oh, jo ai” - u përgjigj Tomi. “Dua të them, ushqimi është fantastik dhe po kënaqem me ju të gjithë. Por po flisja për studimin tonë të Biblës”.

“Studimin e Biblës?” - e pyeti Xhoni. “Ti do të studioje më tepër Biblën, sesa të haje?!”.

“Po, Xhon” - u përgjigj Tomi. “Nuk kam ditur gjë më parë rreth Jezu Krishtit. Mendoj se edhe im atë dhe Xhimi do ta pëlqenin Jezusin nëse do të dëgjonin për Të”.

“Shiko, Tom, mund ta bëjnë këtë gjë një ditë” - tha xhaxhi Piteri. “Ata mund të shikojnë gëzimin tënd rreth asaj që po mëson dhe mund të të pyesin se për çfarë bëhet fjalë”.

“Tom, a do më ushqim?” - pyeti Karola. “Unë jam shumë e ngopur dhe nuk ha dot asnjë kafshatë tjetër. Mendoj se hëngra shumë!”.

“Jo, faleminderit, Karola” - tha Tomi. “Kur mund ta fillojmë studimin e Biblës? Dua të mësoj sa më tepër që të jetë e mundur sot!”.

“Në rregull,” - tha Karola, – “ju të dy më ndihmoni të pastroj tavolinën dhe mund të fillojmë”.

“A e dini,” - tha xhaxhi Piteri, - “ka diçka që mund ta hani vazhdimisht dhe ta shijoni gjithnjë e më tepër dhe asnjëherë të mos ngopeni! Problemi është se shumë njerëz nuk duket se mendojnë që kanë oreks për të”.

“Për çfarë po flet?” - e pyeti Xhoni.

“Po flas për Fjalën e Perëndisë” - tha xhaxhi Piteri. “Mendoj se Tomi është një prej atyre njerëzve që ka oreks për të. Shumica e njerëzve në kohën e Jezusit ishin si shumica e njerëzve sot. Do të preferonin më tepër ushqim për stomakun e tyre, sesa diçka për të kënaqur nevojat e tyre frymërore. Tom, sa mirë që ke etje dhe uri për të ditur më tepër rreth Perëndisë!”.

“Si mund të jetë dikush i uritur dhe i etur për Fjalën e Perëndisë?” - e pyeti Karola. “Nuk e kuptoj se si mund të na ndihmojë kjo të rritemi”.

“A e mban mend që, kur Adami dhe Eva mëkatuan, ata u ndanë menjëherë nga Perëndia?” - e pyeti xhaxhi Piteri. “Edhe pse ishin krijuar sipas shëmbëlltyrës së

Perëndisë, me aftësinë për të njohur, për të dashur dhe për t'iu bindur Atij, ata nuk ishin më në gjendje të komunikonin me Perëndinë si miq. Ata ishin mëkatarë nën sundimin e Satanit. Dhe, si pasardhës të Adamit, të gjithë ne kemi lindur mëkatarë, të ndarë nga Perëndia”.

“Ua, nuk i dija tërë këto!” - tha Tomi. “Dhe si mund të rrijë dikush pa i dëgjuar tërë këto?”.

“Shiko, Tom, të gjithë ne mendojmë për ushqimin e trupave tanë; ai na duhet për t'u rritur” - tha xhaxhi Piteri. “Një ushqim i mirë do të na kënaqë për pak orë, por pastaj do të na marrë përsëri uria. Megjithatë, vetëm Jezusi mund t'i plotësojë nevojat tona, të cilat janë shumë të rëndësishme. Ai mund të na kënaqë, sepse vetëm Ai mund të na ndihmojë të kemi përsëri një marrëdhënie me Perëndinë. Ai erdhi për të na dhënë jetë të re: jetë që është e përzetshme, jetë që na kënaq përgjithmonë, jo thjesht për disa orë. Le t'i marrim Biblat dhe do t'ju tregoj se ku thotë Jezusi se është Buka e Jetës.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 6:35 – “Dhe Jezusi u tha atyre: ‘Unë jam buka e jetës; kush vjen tek unë nuk do të ketë më kurrë uri dhe kush beson në mua, nuk do të ketë më kurrë etje’”.***

## Le të mendojmë

**Përgjigju këtyre pyetjeve dhe tregoj mësuesit.**

1. Për çfarë nevojë mendojnë tërë njerëzit sot?  
a. Ushqim dhe ujë; b. Gjëra frymërore; c. Edukim.
2. Çfarë nevojash të tjera të rëndësishme kanë njerëzit sot?  
a. Argëtim; b. Punë; c. Nevoja frymërore.
3. Pse kanë njerëzit nevoja frymërore?  
a. Ata nuk e lexojnë Biblën; b. Ata janë mëkatarë;  
c. Ata parapëlqejnë më shumë ushqimin.
4. Kush është i vetmi që mund të sigurojë për nevojat tona frymërore?  
a. Satani; b. Jezu Krishti; c. Prindërit.
5. Kur Jezusi plotëson nevojat tona frymërore, për sa kohë do të zgjasë?  
a. Derisa të vdesim; b. Një vit; c. Përgjithmonë.

# Mësime nga Fjala e Perëndisë



## Gjoni 6:1-35

Shumë njerëz vazhdonin të ndiqnin Jezusin. Arsyeja se pse Jezusi erdhi në tokë ishte për të shpëtuar njerëzit nga Satani, mëkati dhe vdekja e përjetshme të ndarë nga Perëndia. Jezusi u tregoi njerëzve që Ai kujdesej për nevojat e tyre fizike dhe frymërore. Fatkeqësisht shumica e njerëzve e ndiqnin Jezusin për shkak se kërkonin të merrnin diçka për nevojat e tyre fizike nga Ai. Ata nuk mendonin se ishin mëkatarë dhe nuk ishin të interesuar për gjërat frymërore.

Një ditë kur Jezusi dhe dishepujt e Tij ishin ulur së bashku në një anë të malit, pesë mijë burra, bashkë me gratë dhe fëmijët, erdhën të takonin Jezusin. Jezusi ishte i shqetësuar se ata ishin të uritur, kështu pyeti një prej dishepujve të Tij se çfarë mund të bënin për t'i ushqyer. Jezusi e dinte tashmë se çfarë do të bënte, por donte të dinte nëse dishepujt e Tij kishin mësuar ndonjë gjë rreth Tij gjatë kohës që kishin kaluar me Të. Ata e kishin parë Jezusin të kryente shumë mrekulli. A do t'i besonin se do të gjente ndonjë mënyrë për të ushqyer pesë mijë njerëz? Jo, ata nuk kishin asnjë ide se si do të ushqeheshin njerëzit!

Një djalë në turmë ofroi ushqimin e tij prej pesë bukësh dhe dy peshqish. Jezusi mori bukët dhe peshqit, falënderoi Perëndinë për të dhe pastaj vazhdoi t'i ndante derisa u ushqyen të gjithë: mbi 5000 vetë! Kur të gjithë u ngopën, dishepujt mblodhën atë që kishte mbetur. Ata mblodhën 12 kosha plot ushqim! Kjo ishte një mrekulli tjetër që njerëzit nuk e kishin parë kurrë. Ata mbetën të mahnitur! Njerëzit dukeshin se ishin gati të pranonin që Jezusi duhet të ishte Shpëtimtari të cilin Perëndia e kishte premtuar ta dërgonte në botë.

Megjithatë ata akoma nuk po kuptonin nevojën për Të si Shpëtimtari nga pushteti i Satanit, mëkatisht dhe vdekjes. Ata thjesht donin që Jezusi të ishte mbreti i tyre në mënyrë që të shëronte sëmundjet, t'u jepte ushqim dhe t'i çlironte nga kontrolli i romakëve. Jezusi njehe gjithçka; Ai njihte planet e tyre për ta bërë mbret, kështu që u largua prej andej. Kur njerëzit e gjetën, Jezusi e dinte se pse kishin ardhur. Ai u tha atyre që edhe pse ushqimi është i rëndësishëm për trupat e tyre, ata duhet të mendojnë gjithashtu për nevojat e tyre frymërore; si mund të jetojnë përgjithmonë me Perëndinë kur të largoheshin nga kjo botë. Meqë ne do të jetojmë përgjithmonë ose në parajsë ose në vendin e ndëshkimit të përjetshëm, të quajtur ferr, çfarë dobie do të ketë për ne një trup i shëndetshëm apo pasuritë, nëse, kur të vdesim, do të shkojmë në ferr?

Jezusi tha se Ai kishte përgjigjen për nevojat e tyre frymërore. Ai e quajti veten Buka e Jetës: jeta e përjetshme. Perëndia u dha izraelitëve **mana** nga qielli dhe **ujë** nga shkëmbi **për t'i shpëtuar nga vdekja fizike** në shkretëtirë. Por Perëndia dërgoi **Jezusin** nga qielli në botë **për të shpëtuar mëkatarët nga vdekja e përjetshme** larg Perëndisë. Ne duhet të vendosim se çfarë është e rëndësishme për ne!



**Plotësoje këtë aktivitet dhe tregoja mësuesit.**

Fjalët e mëposhtme përfshijnë gjëra frymërore dhe fizike. Gjej dhe rretho këto fjalë në kutinë me shkronja më poshtë.

**Buka e jetës**

**Shpëtimtar**

**Jezusi**

**Jeta e përjetshme**

**Parajsa**

**Udhqim**

**Ujë**

**Ferr**

**Vdekje**

J	X	C	P	E	U	R	SH	O	N	L	K	O	A
E	C	U	C	X	SH	U	P	A	R	A	J	S	A
Z	Y	V	Y	NJ	Q	E	Ë	I	U	I	Z	X	F
U	Z	D	X	Y	I	C	T	X	Z	Z	B	X	E
S	H	E	Y	F	M	U	I	I	X	U	J	Ë	RR
I	SH	K	Ë	T	O	I	M	T	A	R	I	X	L
Z	X	J	X	C	D	C	T	X	J	X	I	Y	I
E	N	E	F	G	P	N	A	C	Ë	Y	M	C	T
J	E	T	A	E	P	Ë	R	J	E	T	SH	M	E
B	U	K	A	E	J	E	T	Ë	S	S	T	C	T

### Karta Awana 52 e përfunduar

Firma e mësuesit \_\_\_\_\_

Data \_\_\_\_\_

# Pyetje, pyetje, pyetje!



**Gjon Pagëzori:** Zakaria, një prift i tempullit në Jerusalem dhe gruaja e tij, Elizabeta, i besuan Perëndisë dhe Fjalës së Tij. Perëndia u premtoi atyre që do të kishin një djalë; ata do ta quanin Gjon. Djali i Zakarisë do të ishte profeti që do të përgatiste popullin për të pranuar Çlirimtarin që do të vinte.

1. Çfarë u tha Gjoni njerëzve? **Ata duhej të pendoheshin dhe të pagëzoheshin.**
2. Çfarë do të thotë të pendohesh? **Pendimi është një ndryshim i mënyrës se si mendojmë rreth vetes, mëkatit tonë dhe Perëndisë. Do të thotë që biem dakord me Perëndinë që ne jemi mëkatarë, se nuk i jemi bindur ligjeve të Tij dhe se nuk jemi në gjendje të jemi të pranueshëm nga Perëndia.**
3. A duhet të pagëzohemi për t'u shpëtuar nga Satani, mëkati dhe vdekja? **Jo, pagëzimi nuk mund të bëjë gjë për të na çliruar nga kontrolli i mëkatit apo për të na bërë të pranueshëm para Perëndisë.**
4. Pse u tha Gjoni njerëzve që të pagëzoheshin? **Perëndia tha që me anë të pagëzimit njerëzit duhet të tregonin se binin me të vërtetë dakord me Të.**
5. Kë pagëzoi Gjoni një ditë, i Cili ishte më i madh se ai? **Jezusin.**
6. Si e quajti Gjoni Jezusin një ditë, kur e pa duke shkuar drejt tij? **Qengji i Perëndisë, i Cili heq mëkatin e botës.**

**Drejtuesit fetarë, judenjtë dhe frymërat e ndyra:** Skribët, farisenjtë dhe saducenjtë ishin drejtues fetarë judenj gjatë kohës të Gjon Pagëzorit dhe Jezu Krishtit. Edhe njerëzit, të cilët u mësuan nga Gjoni dhe Jezusi ishin judenj.

1. Pse priftërinjtë dhe drejtuesit fetarë nuk e pranuan mësimin e Gjonit?
  - a. **Ata mendonin se tashmë ishin të pranuar nga Perëndia për shkak të gjërave që bënë: veprat e tyre të mira.**
  - b. **Ata mendonin se Perëndia do t'i pranonte për shkak se ata ishin pasardhës të Abrahamit.**
2. Çfarë u tha Jezusi njerëzve se duhet të bënë? **Jezusi tha se ata duhej të ndryshonin mënyrën e tyre të të menduarit, të binin dakord me Perëndinë që ata ishin mëkatarë të pashpresë dhe të besonin “ungjillin” apo lajmin e mirë, të cilin Jezusi erdhi t'u shpallte.**
3. Cili ishte lajmi i mirë që Jezusi erdhi t'u shpallte? **Duke besuar te Perëndia dhe te Shpëtimtari, ne mund t'i shpëtojmë kontrollit të Satanit dhe të kemi miqësi me Perëndinë.**
4. Cili ishte ndryshimi midis mënyrës se si mësonin skribët dhe Jezusi? **Ngaqë Jezusi është Perëndi; Ai e njihnte Atin e Tij. Ai e kuptonte në mënyrë të**



**qartë Fjalën e Perëndisë. Skribët mësonin atë që mendonin se nënkuptonin Shkrimet; ata nuk e njihnin me të vërtetë.**

5. Kush ishin demonët në fillim? **Ata ishin engjëj të Perëndisë, derisa ndoqën Satanin në rebelim kundër Perëndisë.**
6. Pse kishin frikë demonët nga Jezusi? **Ata e dinin se Ai ishte Krijuesi i tyre dhe gjykatësi i tyre dhe se një ditë, Ai do t'i hidhte në zjarrin e përjetshëm për t'i ndëshkuar.**
7. Pse drejtuesit fetarë e shikonin nga afër Jezusin? **Sepse ata e urrenin Atë dhe donin të gjenin ndonjë arsye për të cilën të mund ta akuzonin dhe ta vrisnin.**
8. Pse drejtuesit fetarë e urrejnë Jezusin aq shumë?
  - a. **Sepse Jezusi tha se Ai ishte Biri i Perëndisë: Çlirimtari i premtuar.**
  - b. **Sepse Jezusi u tha atyre se sa të këqinj ishin; ata ishin mëkatarë.**
  - c. **Sepse ata ishin xhelozë që turmat ndiqnin Jezusin.**
9. Kush është drejtuesi i tërë demonëve që jetojnë këtu në tokë? **Satani.**
10. Pse donin herodianët ta vrisnin Jezusin? **Si ndjekës të mbretit Herod, ata ishin të shqetësuar që Jezusi do të zinte vendin e mbretit. Ata nuk donin një mbret tjetër.**
11. Kush dëshiron që t'i shkatërrojë njerëzit? **Satani dhe ndjekësit e tij, demonët.**
12. Kush mund ta çlirojë veten nga kontrolli i Satanit? **Askush.**
13. Kush mund t'i çlirojë njerëzit nga kontrolli i Satanit? **Jezusi, Perëndia.**
14. Kush është sovrani më i lartë mbi Satanin dhe demonët e tij? **Perëndia.**
15. Çfarë tha Jezusi se duhet të bëjë një mëkatar për t'u çliruar nga pushteti i Satanit? **Të besojë te Jezu Krishti.**

**Jezusi:** Jezu Krishti është Perëndi dhe Njeri. Ai është Biri i Perëndisë, Perëndia Bir.

1. Kush është Çlirimtari? **Jezusi.**
2. Çfarë do të thotë emri Jezus? Çlirimtar apo Shpëtimtar.
3. A ka shpëtimtarë të ndryshëm për njerëz në pjesë të ndryshme të botës? **Jo, ka vetëm një Shpëtimtar për tërë botën.**
4. Nga erdhi Jezusi, Shpëtimtari? **Jezusi është Biri i Perëndisë; Perëndia e dërgoi nga qielli.**
5. Cila ishte mamaja e Jezusit? **Maria.**
6. Jozefi dhe Maria janë pasardhës të Adamit. Çfarë trashëguan pasardhësit e Adamit prej tij? **Mëkatin, të gjithë kanë lindur në mëkat.**
7. A lindi Jezusi në mëkat? **Jo, sepse Perëndia ishte Ati i Tij. Perëndia është pa mëkat.**
8. Ku lindi Jezusi? **Në Bethlehem.**
9. Kush ishin tre burrat që ndoqën yllin për të gjetur Jezusin dhe për ta adhuruar? **Dijetarët.**
10. Kush u përpoq ta vriste Jezusin kur ishte foshnjë, sepse ishte xheloz për të? **Mbreti Herod.**

11. Në cilin qytet u rrit Jezusi? **Në Nazaret.**
12. Jezusi dukej si fëmijët e tjerë ndërsa rritej, por nga ndryshonte nga ata? **Jezusi ishte edhe Perëndi, edhe qenie njerëzore.**
13. A bëri Jezusi ndonjë gjë të gabuar? **Jo, Jezusi lindi pa mëkat dhe kurrë nuk mendoi, tha apo bëri diçka që nuk i pëlqeu Atit të Tij, Perëndisë.**
14. A ka pasur një person tjetër pa mëkat si Jezusi? **Jo, gjithë të tjerët trashëguan mëkatën e Adamit dhe nuk iu bindën ligjit të Perëndisë.**
15. Pse Jezusi u kërkoi njerëzve që ta ndihmonin? **Ai donte t'i mësonte ata, në mënyrë që t'i dërgonte për t'u shpallur të tjerëve lajmin e mirë.**
16. Jezusi kishte shumë ndjekës, por sa dishepuj të veçantë zgjodhi Ai për ta ndihmuar që të mësonte, shëronte dhe dëbonte demonët? **Dymbëdhjetë.**
17. Cili ishte dishepulli që Jezusi e dinte që do ta tradhtonte? **Judë Iskarioti.**
18. Pse e ndiqnin njerëzit Jezusin? **Për të marrë diçka prej Tij.**
19. Pse i dëboi demonët dhe i shëroi të sëmurët Jezusi? **Ai pati dhembshuri dhe i donte.**
20. Në cilën mbretëri ndodhen ata që kanë lindur vetëm një herë? **Në mbretërinë e Satanit.**
21. Në cilën mbretëri ndodhen ata që kanë lindur dy herë? **Në mbretërinë e Perëndisë.**
22. Pse e dërgoi Perëndia Birin e Tij, Jezusin, Shpëtimtarin në botë? **Sepse Ai nuk do që ndokush të shkojë me Satanin në shkatërrim të përgjeshëm.**
23. Çfarë lloj njerëzish do të shpëtojë Jezusi? **Ata që besojnë se janë mëkatarë dhe që kanë nevojë për një shpëtimtar.**
24. Kush mund t'i falë mëkatet? **Perëndia (apo Jezusi).**
25. Pse i fali Jezusi mëkatet e të sëmurit? **Sepse ai besoi te Jezusi.**
26. Çfarë marrin njerëzit që besojnë te Jezusi si Shpëtimtari i tyre? **Jetë të përgjeshme.**
27. Kush i tha Mateut se çfarë duhej të shkruante në librin e parë të Dhiatës së Re? **Fryma e Shenjtë.**
28. Për çfarë kanë nevojë njerëzit për trupat e tyre për jetën në tokë? **Për ushqim.**
29. Për çfarë kanë nevojë njerëzit për jetën e përgjeshme në qiell me Perëndinë? **Për Bukën e Jetës: Jezu Krishtin si Shpëtimtarin e tyre.**
30. Kush është i vetmi që mund të na bëjë të pranueshëm para Perëndisë dhe të na japë jetën e përgjeshme me Të? **Jezu Krishti.**

## Plotësoje këtë aktivitet dhe tregojë mësuesit.

Përko referencën me vargun e saktë.

- |                |                |                  |                 |
|----------------|----------------|------------------|-----------------|
| 1. Gjoni 8:36; | 2. Mateu 1:23; | 3. 1 Gjonit 1:8; | 4. Gjoni 1:17;  |
| 5. Gjoni 3:16; | 6. Gjoni 6:35; | 7. Isaia 9:6;    | 8. Gjoni 20:31; |
| 9. Gjoni 1:29; | 10. Mateu 4:4  |                  |                 |

- \_\_\_ Sepse na ka lindur një fëmijë, një djalë na është dhënë. Mbi supet e tij do të mbështetet perandoria dhe do të quhet Këshilltar i admirueshëm, Perëndi i fuqishëm, Atë i përjetshëm, Princ i paqes.
- \_\_\_ Ja, virgjëresha do të mbetet shtatzënë dhe do të lindë një djalë, të cilit do t'i vënë emrin Emanuel, që do të thotë: “Zoti me ne”.
- \_\_\_ Të nesërmen, Gjoni e pa Jezusin që po vinte drejt tij dhe tha: “Ja, Qengji i Perëndisë, që heq mëkatën e botës!”.
- \_\_\_ Por ai, duke iu përgjigjur, tha: “Është shkruar: ‘Njeriu nuk rron vetëm me bukë, por me çdo fjalë që del nga goja e Perëndisë’”.
- \_\_\_ Sepse Ligji u dha nëpërmjet Moisiut, por hiri dhe e vërteta erdhën nëpërmjet Jezu Krishtit.
- \_\_\_ Sepse Perëndia e deshi atë që botën, sa dha Birin e tij të vetëmlindurin, që, kushdo që beson në të, të mos humbasë, por të ketë jetë të përjetshme.
- \_\_\_ Por këto gjëra janë shkruar që ju të besoni se Jezusi është Krishti, Biri i Perëndisë dhe që, duke besuar, ta keni jetën në emër të tij.
- \_\_\_ Po të themi se jemi pa mëkat, gënjejmë vetveten dhe e vërteta nuk është në ne.
- \_\_\_ Pra, nëse Biri do t'ju bëjë të lirë, do të jeni me të vërtetë të lirë.
- \_\_\_ Dhe Jezusi u tha atyre: “Unë jam buka e jetës; kush vjen tek unë nuk do të ketë më kurrë uri dhe kush beson në mua, nuk do të ketë më kurrë etje”.

### Karta Awana 53 e përfunduar

Firma e mësuesit \_\_\_\_\_

Data \_\_\_\_\_

# Duhet të jetë sipas mënyrës së Perëndisë!



## Koha e historisë

“Xhon, a i dëgjove ata djemtë që po flisnin te rruga?” - e pyeti Karola.

“Po, i dëgjoval!” - u përgjigj Xhoni. “Ishte e tmerrshme!”.

“Prindërit tanë nuk do të na lejonin kurrë të flisnim ashtu” - tha Karola. “Jam e gëzuar që nuk flas si ata. A e dije që unë po mësoj vargje biblike?”.

“Po, mendoj se ma ke thënë të paktën disa herë” - u përgjigj Xhoni.

“Oh, ashtu?” - tha Karola. “Shiko, atëherë, nëse mund të mësoj edhe 10 vargje të tjera, do të kem mësuar gjithsej 50 vargje përmendsh!”.

“Edhe?” - e pyeti Xhoni.

“Edhe mendoj që kjo është gjë shumë e mirë” - tha Karola.

“Ashtu mendoj edhe unë” - tha Xhoni.

“Ashtu mendon?!” - thirri Karola.

“Shiko, duket sikur je shumë krenare për veten” - tha Xhoni.

“Duhet të jem krenare për veten” - thirri Karola. “M'u desh shumë kohë për t'i mësuar vargjet”.

“Një herë unë mësova emrat e tërë lojtarëve të skuadrës kombëtare së futbollit,” - tha Xhoni, - “por nuk i kujtoj tani”.

“Nuk është ndonjë krenari e madhe të mësosh emrat e lojtarëve të një skuadre futbollit,” - tha Karola, - “ndërsa mësimi i vargjeve, është diçka me të cilën Perëndia kënaqet shumë”.

“Përshëndetje Karola! Ç'kemi Xhon?” - tha xhaxhi Piteri, ndërsa u fut te dera.

“A nuk është ashtu, xhaxhi Piter?” - pyeti Karola. “Mësimi i vargjeve biblike i pëlqen Perëndisë më tepër sesa mësimi i emrave të lojtarëve të një skuadre futbollit!”.

“Duket një bisedë shumë interesante” - tha xhaxhi Piteri. “Mendoj që ti je ajo që po mëson vargjet, Karola. Çfarë vargjesh po mëson tani?”.

“Po mësoj 1 Samuelit 16:7: *...sepse Zoti nuk shikon si shikon njeriu, njeriu shikon pamjen, kurse Zoti shikon zemrën*” - tha Karola”.

“Shumë mirë!” - tha xhaxhi Piteri. “A e di se çfarë do të thotë ai varg?”.

“Jo, mendoj që jo” - u përgjigj Karola.

“Karola, a ke menduar ndonjëherë keq për dikë për diçka që ka thënë apo bërë?” - pyeti xhaxhi Piteri.

“Po!” - u përgjigj Karola. “Unë dhe Xhoni dëgjuam disa çuna që po flisnin te rruga. Ata ishin të tmerrshëm. Nuk do të flisja kurrë si ata”.

“A u ndale për të menduar se përse sillen ashtu njerëzit?” - pyeti xhaxhi Piteri.

“Si Karola” - tha Xhoni. “Ajo po mburret. Ajo mendon se është shumë e rëndësishme, sepse ka mësuar përmendsh disa vargje”.

“Xhon!” - thirri Karola - “Ti...”.

“Mirë, mirë!” - i ndërpreu xhaxhi Piteri. “Le të mendojmë për këtë. Të mësosh vargje përmendësh është shumë mirë. Perëndia dëshiron që ne ta njohim Fjalën e Tij. Por të

mburresh për veten nuk është gjë e mirë. Kujto, Fjala e Perëndisë na thotë se ne jemi mëkatarë, ashtu si ata djem. Ti i di mëkatet e tyre për shkak të asaj që kanë thënë; por a mendon se je më e mirë se ata? Edhe sikur një person të mësonte tërë Biblën, kjo gjë nuk do ta shpëtonte nga mëkatet e tij. Ashtu siç thotë vargu, Perëndia shikon anën e brendshme, shikon “zemrën”: mendimet, ndjenjat dhe besimet tona, jo thjesht ato gjëra që njerëzit na shikojnë duke i bërë. Karola, a e dije që krenaria është mëkat?”. “Xhaxhi Piter, ke të drejtë!” - tha Karola. “Kur Perëndia më shikon, Ai shikon një mëkatore, edhe nëse mësoj vargje përmendsh”.

“Shumë e vërtetë” - tha xhaxhi Piteri. “Jezusi foli shumë për këtë gjë: njerëzit në kohën e Dhiatës së Re kishin të njëjtin problem. Xhon, edhe ne të dy kemi nevojë për këtë. Le të marrim Biblat tona”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

**Efesianëve 2:8-9** - *“Ju në fakt, jeni të shpëtuar me anë të hirit, nëpërmjet besimit, dhe kjo nuk vjen nga ju, po është dhurata e Perëndisë, jo nga vepra, që të mos mburret askush”.*

**Hir:** Një dhuratë që nuk e meritoj nga Perëndia

**Shpëtuar:** Çliruar nga pushteti i Satanit dhe ndëshkimi i mëkatit

**Besim:** Besoj në atë që ka bërë Krishti për të më çliruar nga mëkati im.

**Vepra:** Gjëra të mira për të cilat mburrem

**Mburret:** Krenohet

## Le të mendojmë

Përgjigju këtyre pyetjeve dhe tregoja mësuesit.

1. Cili ishte problemi i vërtetë i Karolës?
  - a. Ajo nuk mësonte shpejt përmendsh;
  - b. Krenaria;
  - c. Ajo ishte më e mirë se Xhoni.
2. Çfarë mendon Perëndia për krenarinë?
  - a. Është mëkat;
  - b. Është një qëndrim i mirë;
  - c. Diçka që njerëzve të mirë u lejohet ta kenë.
3. A të bën të pranueshëm para Perëndisë mësimi i vargjeve përmendsh? Po/Jo.
4. A i intereson Perëndisë ajo që mendojmë apo besojmë? Po/Jo.
5. Kush janë mëkatarët në historinë e sotme?
  - a. Vetëm djemtë në rrugë;
  - b. Vetëm Karola;
  - c. Të gjithë.

# Mësime nga Fjala e Perëndisë



**Marku 7:1-23; Luka 18:9-14**

Një ditë farisenjtë shkuan te Jezusi për t'iu ankuar për dishepujt e Tij. Farisenjtë nuk ishin dakord me dishepujt e Jezusit, sepse ata nuk bënë gjërat që thonin farisenjtë se ishin të domosdoshme që një person të pranohej nga Perëndia. Farisenjtë u kishin shtuar shumë rregulla ligjeve origjinale që Perëndia i dha Moisiut. Farisenjtë prisnin që njerëzit të zbatonin ligjet, por ata vetë nuk u bindeshin atyre. Ata rrinin të pastër, luteshin dhe jepnin para për të varfërit, në publik, që t'i shihnin të gjithë, por ata nuk besonin në Perëndinë për t'i shpëtuar nga mëkatet e tyre. Ata mendonin se po të zbatonin ligjet, do të ishin aq të mirë sa t'i pëlqenin Perëndisë. Ata ishin krenarë që bënë aq shumë gjëra të mira dhe donin që njerëzit të shikonin se sa të mirë ishin.

Perëndia nuk pranonte adhurimin e judenjve që nuk ishin të singertë; Ai pa ligësinë brenda tyre. Ata thonin shumë gjëra të mira rreth Perëndisë me buzët e tyre, por në “zemrat” e tyre ata nuk e donin Perëndisë apo nuk besonin dhe nuk i bindeshin Fjalës së Tij (në Bibël “zemra” do të thotë mendimet tona më të thella, ndjenjat dhe besimet).

Ka akoma njerëz sot që mësojnë idetë e tyre në vend të Fjalës së Perëndisë. Shumë fe sot mësojnë rregulla që nuk gjenden në Bibël. Njerëzit mësohen që nëse zbatojnë këto rregulla dhe bëjnë gjërat që mësojnë këta fetarë, do të pranohen nga Perëndia. Perëndia thotë që një mësim i tillë është i kotë. Është shumë e gabuar (mëkat) t'i shtosh apo t'i heqësh Fjalës së Perëndisë. Skribët dhe farisenjtë i kushtonin gjithashtu shumë rëndësi mos ngrënies së disa ushqimeve. Ata mendonin se kjo, gjithashtu, do t'i ndihmonte të pranoheshin nga Perëndia. Jezusi e bëri të qartë se nuk janë gjërat që hamë ato që na bëjnë të papranueshëm para Perëndisë, por gjërat mëkatore që Perëndia shikon në “zemrat” tona.

Jezusi u tregoi njerëzve një histori rreth një fariseu dhe një tagrambledhësi që shkuan në tempull për t'u lutur. Fariseu ishte një njeri krenar. Ai falënderoi Perëndinë që nuk ishte si njerëzit e tjerë që mëkatonin, apo si tagrambledhësi atje që vidhte nga njerëzit. Ai i tha Perëndisë se sa i mirë ishte. Afër tij ishte tagrambledhësi që po i lutej Perëndisë t'i falte mëkatet e tij. Ky njeri nuk u përpoq të fshihej nga Perëndia. Ai i besoi Zotit, duke e ditur se kishte nevojë për një Shpëtimtar. Perëndia kishte mëshirë ndaj tij, duke e falur dhe duke e pranuar. Megjithatë fariseu nuk pranonte se ishte mëkatar që kishte nevojë për një Shpëtimtar (mëshirën e Perëndisë), kështu mëkatet e tij nuk u falën nga Perëndia.

Ne nuk mund të bëjmë gjë për të shpëtuar veten. Nuk ka rëndësi se sa të rëndësishëm apo të mirë mendojmë se jemi, Perëndia do të pranojë vetëm ata që kanë besim te Jezu Krishti si Shpëtimtari i tyre.



**Plotësoje këtë aktivitet dhe tregoja mësuesit.**

Hiq një vizë nga fjalët në të majtë të përkufizimet e tyre në të djathtë.

Hir	Besim në atë që ka bërë Krishti për të më shpëtuar nga mëkati im
Besim	Lëvdohem
Shpëtuar	Gjërat e mira që bëj
“Zemër”	Një dhuratë që nuk e meritoj nga Perëndia
Mburrje	Çliruar nga fuqia e Satanit dhe ndëshkimi i mëkatit
Vepra	Mendimet tona më të thella, ndjenjat dhe besimet

### **Karta Awana 54 e përfunduar**

Firma e mësuesit \_\_\_\_\_

Data \_\_\_\_\_

# Shpërftyryrimi i Jezusit



## Koha e historisë

“A e di çfarë, xhaxhi Piter?” - tha Karola. “Emi është kthyer nga qyteti!”.

“Fantastike!” - tha xhaxhi Piteri. “A po ia kalon mirë me motrën?”.

“Oh, po kënaqemi!” - tha Karola. “Ne...”.

“Po!” - e ndërpreu Xhoni. “Ato flasin vetëm për ‘muhabete vajzash’. Unë madje nuk kam mundësi t’i flas!”.

“Oh, Xhon, ne nuk flasim thjesht për ‘muhabete vajzash’” - tha Karola. “Pastaj ti nuk duhet t’i kishe dëgjuar bisedat tona!”.

“Atëherë, a ka ndryshuar Emi që kur është larguar nga shtëpia?” - pyeti xhaxhi Piteri.

“Po, disi” - u përgjigj Karola. “Jam pak e shqetësuar për të”.

“Çfarë do të thuash?” - pyeti xhaxhi Piteri.

“Nuk e di se si ta them: a e kujton se çfarë lexuam për fariseun?” - e pyeti Karola. “Shiko, nuk është njësoj, por Emi mendon se di gjithçka tani”.

“Ajo mbase di më shumë se ty Karola” - tha Xhoni. “Ajo po studion në universitet”.

“Po, por kjo është ndryshe” - tha Karola. “Ajo ka disa ide që mua nuk më duken të drejta”.

“Çfarë idesh?” - pyeti xhaxhi Piteri.

“Unë e di njërën” - i ndërpreu Xhoni. “E dëgjova që i thoshte mamasë se Jezusi ishte thjesht një mësues i mirë: Ai nuk ishte me të vërtetë Perëndi”.

“Po, Emi ma tha edhe mua këtë” - tha Karola. “Por ajo tha gjithashtu se nuk është e shqetësuar për kohën kur do të vdesë, sepse ajo ka zbuluar se mund të kthehet më pas si një person tjetër”.

“Ky është budallallëk!” - tha Xhoni i çuditur.

“Duket budallallëk, në rregull,” - tha xhaxhi Piteri, - “por Satani i ka mashtruar njerëzit që t’i besojnë gjëra si kjo si për të vërteta. Ata mendojnë se po të jenë aq të mirë sa duhet, ata do të jenë në gjendje të kthehen në tokë si një person me një jetë më të mirë”.

“Çfarë mendojnë ata se mendon Perëndia për këtë?” - pyeti Xhoni.

“Njerëzve që besojnë në fetë e rreme nuk u intereson se çfarë mendon Perëndia” - tha xhaxhi Piteri. “A e kujtoni se si farisenjtë ia shtonin ligjet e tyre Fjalës së Perëndisë? Atyre nuk u interesonte se çfarë mendonte Perëndia”.

“Xhaxhi Piter, mendoj se ke të drejtë,” - tha Karola, - “sepse Emi më tha se kishte zbuluar se Bibla ka disa të vërteta në të, por një pjesë e saj është vetëm histori. Ajo m’i ka turbulluar mendimet. Si mund ta dimë se kush ka të drejtë?”.

“Bibla është e vërtetë, e gjitha!” - tha xhaxhi Piteri. “E vërteta ka qëndruar për mijëra vjet, edhe pse shumë njerëz janë përpjekur ta quajnë të rreme. Bibla është Fjala e Perëndisë”.

“A mund ta dimë me siguri se Jezusi është Perëndi?” - pyeti Xhoni.

“Po, Xhon, mundemi” - u përgjigj xhaxhi Piteri. “Bibla na jep historinë e vërtetë të jetës



së Tij: mrekullitë që bëri, gjërat që tha, faktin që nuk mëkatoi kurrë. Ajo na tregon që Ai i përmbushi saktësisht fjalët e shkruara për Të qindra vjet më parë nga profetët e Perëndisë”.

“Nuk ka asnjë tjetër si Jezusi, apo jo?” - pyeti Karola.

“Jo, Karola, nuk ka!” - tha xhaxhi Piteri. “Dikush mund të thotë se ka, por askush tjetër nuk mund të jetë i përsosur si Ai. Ai është me të vërtetë Perëndi!”.

“Emi ka vetëm një pjesë të së vërtetës, apo jo?” - tha Karola. “Pyes veten nëse dishepujt u pësjtjelluan ndonjëherë nga mësimet e farisenjve?”.

“Një ditë Jezusi u tregoi ‘anën hyjnore’ të Tij disa prej dishepujve” - tha xhaxhi Piteri.

“Mendoj se duhet t’i tregojmë Emit atë që thotë me të vërtetë Fjala e Perëndisë. Le ta thërrasim dhe të shohim nëse do të na dëgjojë”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

**Marku 9:7 - “Pastaj erdhi një re dhe i mbuloi me hijen e vet; dhe nga reja doli një zë që tha: ‘Ky është Biri im i dashur; dëgjojeni!’”.**

## Le të mendojmë

**Përgjigju këtyre pyetjeve dhe tregoj mësuesit.**

1. A është Jezusi thjesht një mësues i mirë? Po/Jo.
2. Kush i mashtron njerëzit për të besuar se ata do të kthehen nga vdekja si një person tjetër?  
a. Jezusi; b. Dishepujt; c. Satani.
3. Ç’pjesë e Biblës është e vërtetë?  
a. Asnjë pjesë; b. E tëra; c. Një pjesë.
4. Kush tjetër është njësoj si Jezusi?  
a. Satani; b. Fariseu; c. Askush.
5. Ku mund ta gjejmë historinë e plotë dhe të vërtetë të jetës së Jezusit?  
a. Në Bibël; b. Në asnjë vend; c. Në librat shkollorë.

# Mësime nga Fjala e Perëndisë



**Marku 8:27-31; 9:2-8**

Jezusi e dinte që jo të gjithë besonin në atë që Ai u tha për veten. Disa njerëz mendonin se Ai ishte një prej profetëve, apo Gjon Pagëzori, i cili ishte vrarë nga mbreti Herod dhe ishte kthyer në jetë. Kështu Jezusi pyeti dishepujt e Tij se kush mendonin se ishte. Pjetri foli i pari dhe tha: “Ti je Krishti”. Pjetri e dinte dhe besonte se Jezusi ishte Çlirimtari i premtuar.

Jezusi donte që dishepujt e Tij të dinin se çfarë do të ndodhte së shpejti. Ai e dinte që Satani do të përdorte drejtuesit judenj për ta vrarë, sepse ata nuk besonin se Ai ishte Biri i Perëndisë, Çlirimtari. Jezusi e dinte që Ai do të vdiste dhe varrosej, por Ai e dinte gjithashtu se do të dilte nga varri pas tri ditësh dhe tri netësh. Ne nuk e njohim të ardhmen tonë, por Jezusi e njihte plotësisht të ardhmen e Tij. Qindra vjet më parë, profetët kishin shkruar shumë hollësi të asaj që do t'i ndodhte Jezusit. Ata thanë se Ai do të vuante shumë, do të refuzohej nga drejtuesit fetarë, do të vritej dhe do të ngjallej prej së vdekurish. Ai u tha këto gjëra dishepujve të Tij, por ata nuk e kuptuan se çfarë po thoshte.

Më vonë Jezusi mori tre nga dishepujt e Tij në majë të malit larg njerëzve të tjerë. Ndërsa ishin atje, të tre dishepujt u mahnitën kur panë “anën hyjnore” të Jezusit të shfaqur përmes trupit të Tij njerëzor. Rrobat e tij po shndrinin dhe fytyra e tij filloi të shndrisë si dielli. Pastaj u shfaq Elia, një profet që ishte marrë në qiell nga Perëndia rreth 850 vjet para se Jezusi të vinte në botë. Dhe me të ishte Moisiu, që kishte vdekur dhe ishte varrosur nga Perëndia rreth 1400 vjet para se të vinte Jezusi. Parajsa është një vend real, por jo në këtë botë. Ajo është shtëpia e Perëndisë. Të gjithë ata që besojnë te Jezusi, Shpëtimtari që dërgoi Perëndia, do të shkojnë të jetojnë me Perëndinë në qiell kur të vdesin. Perëndia lejoi tani Elinë dhe Moisiun të ktheheshin në tokë për të folur me Jezusin për vdekjen e Tij, e cila do të ndodhte në Jerusalem. Edhe pse këta njerëz u larguan nga bota shumë vjet më parë se Jezusi të vinte në tokë, ata e dinin se premtimet e Perëndisë rreth Çlirimtarit do të ndodhnin saktësisht sipas mënyrës që kishte premtuar Perëndia.

Ndërsa dy burrat u larguan, zëri i Perëndisë Atë foli nga reja dhe tha: “Ky është Biri im i dashur. Dëgjojeni!”. Perëndia donte që dishepujt të dinin, pa asnjë dyshim, që Jezusi ishte Perëndia Bir dhe ata duhet ta dëgjonin dhe t'i bindeshin. Perëndia nuk na flet me anë të një zëri nga qielli tani, sepse gjithçka që dëshiron të na thotë është shkruar në Bibël. Tërë fjalët e Jezusit që Perëndia dëshiron që t'i njohim dhe bindemi, janë shkruar gjithashtu në Bibël dhe Perëndia pret që ne t'i dëgjojmë dhe t'i besojmë.



**Plotësoje këtë aktivitet dhe tregoja mësuesit.**

Zharravit shkronjat **C, X** dhe **Y** për të gjetur mesazhin e fshehur.

N X C J E Y R Y Ë C Z Y I T X Q C Ë X B Y E C X S Y U A X C  
N X T C Y E J C E Y Z X U C S Y I C S H X P Ë C X T I Y Y M  
X T C A Y R X I C D O X T C Ë X J C Y E C T X O Y J X N Y Ë  
X N Y Ë X C C Q Y I E X L L X M X Y E P X E Y R Y Ë X N Y D  
I Y N X Ë C K U Y R X T C Ë Y V X D C E X C S Y I X C X N Y

Mesazhi: \_\_\_\_\_

\_\_\_\_\_  
\_\_\_\_\_

### **Karta Awana 55 e përfunduar**

Firma e mësuesit \_\_\_\_\_

Data \_\_\_\_\_

# Jezusi është dera për në jetën e përjetshme



## Koha e historisë

“Përshëndetje Xhon, Karola e Tom” - tha xhaxhi Piteri. “A keni dëgjuar për parkun e ri?

Dëgjova që z. Xhons ka punësuar dikë që të rregullojë një pjesë të tokës së tij për të ndërtuar disa rrugë natyrore, pajisje lojërash dhe një liqen të vogël për të peshkuar.

Është një vend i bukur. Kuptoj që ai po i jep mundësinë për të hyrë falas kujtdo që po ia kërkon”.

“Po, edhe ne dëgjuam për të!” - tha Xhoni. “Shkuam, por nuk mund të futeshim”.

“Çfarë do të thuash me ‘nuk mundëm të futeshim’?” - pyeti xhaxhi Piteri.

“Unë u futa!” - tha Tomi. “Falas! Është shumë bukur!”.

“Tom, mos u mburr për këtë” - tha Xhoni i zemëruar.

“Nuk po mburrem” - tha Tomi i qetë.

“Prit!” - tha xhaxhi Piteri. “Xhon, pse nuk u futët ti dhe Karola?”.

“Është pak e sikletshme” - tha Xhoni. “Nuk kishim pse të shkonim të takonim z. Xhons, ndaj vendosëm të gjenim një mënyrë tjetër. Disa nga miqtë e mi jetojnë pas tokës së z. Xhons dhe ata thanë se mund të kalonim poshtë gardhit. Na kapën! Ai personi na tha se kishin vendosur një gardh të fortë, në mënyrë që njerëzit të mos kalonin vjedhurazi. Z. Xhons donte që të ishte një vend i sigurt, që njerëzit ta shijonin”.

“Xhon, ti duhet ta kishe ditur që kjo nuk ishte e drejtë!” - tha xhaxhi Piteri.

“Këtë i thashë atij” - tha Karola. “Shkova me shoqen e klubit. Drejtuesi ynë tha që ai personi do të na linte të futeshim, sepse klubi ynë bën shumë gjëra të mira për njerëzit përreth”.

“Çfarë atëherë?!” - tha Xhoni. “As ju nuk u futët”.

“Duket sikur asnjë prej jush nuk i ka besuar udhëzimet që ju dhanë se si të futeshit në park” - tha xhaxhi Piteri.

“Ke të drejtë, xhaxhi Piter” - tha Karola. “Në të vërtetë mendova se ai personi te dera do ta linte klubin tonë që të futej. Drejtuesi ynë i tha atij për tërë gjërat e mira që bëjmë për të ndihmuar njerëzit”.

“Çfarë tha ai?” - pyeti xhaxhi Piteri.

“Ai tha që ishte shumë i lumtur që kemi bërë aq shumë gjëra të mira,” - tha Karola, - “por z. Xhons kishte lënë udhëzime që askush të mos futej pa biletat falas që shpërmdan ai. Nuk mendoj se kjo është e drejtë!”.

“Karola, kujt i përket parku?” - pyeti xhaxhi Piteri.

“I përket z. Xhons” - tha Karola.

“Atëherë z. Xhons ka të drejtën të thotë se kush mund të futet atje” - tha xhaxhi Piteri. “Ai është treguar shumë i mirë dhe bujar që e rregulloi parkun, në mënyrë që njerëzit ta shijojnë dhe që bëri të mundur që gjithkush të mund të hyjë falas”.

“Tom, si u fute ti?” - pyeti Karola.

“E kam njohur z. Xhons prej një kohe të gjatë” - tha Tomi. “Ai është një njeri i mirë dhe e mban fjalën. Kur dëgjova që do të hapej parku dhe që ai do të jepte bileta falas, shkova dhe i kërkoja dhe ai më dha një. Pastaj shkova atje dhe personi te dera e pa biletën time dhe më la të futem brenda”.

“Atëherë shpresoj që të keni nxjerrë mësim nga kjo” - tha xhaxhi Piteri. “Disa njerëzve nuk u pëlqen t’ua vënë veshin udhëzimeve. Ata mendojnë gjithmonë se mund të gjejnë një mënyrë më të mirë nga ajo që u thuhet për të marrë diçka. Duket sikur ne sot nuk jemi ndryshe nga njerëzit për të cilët kemi lexuar në kohën kur Jezusi ishte në tokë. Le të shohim se çfarë mund të mësojmë tjetër rreth këtyre njerëzve”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

**Gjoni 14:6 - “Jezusi i tha: ‘Unë jam udha, e vërteta dhe jeta; askush nuk vjen tek Ati përveçse nëpërmjet meje’”.**

**E vërteta:** Ajo që mëson Fjala e Perëndisë

## Le të mendojmë

**Përgjigju këtyre pyetjeve dhe tregoja mësuesit.**

1. Çfarë duhet të bënin njerëzit për t’u futur në parkun e z. Xhons?  
a. Të blinin një biletë; b. Të punonin për një biletë; c. Të kërkonin një biletë falas.
2. Çfarë bëri Xhoni për t’u futur në park?  
a. Bleu një biletë; b. U fut fshehurazi; c. Mori një biletë falas.
3. Me ç’mënyrë u përpoq Karola për t’u futur në park?  
a. Me anë të veprave të mira; b. Me anë të biletës falas; c. Bleu një biletë.
4. Si u fut Tomi në park?  
a. Me një biletë falas; b. Pagoi një biletë; c. Punoi për një biletë.
5. Në ç’mënyrë thotë vargu përmendsh se mund t’i afrohem Perëndisë Atë?  
a. Me një biletë falas; b. Me anë të veprave të mira; c. Përmes Jezusit.

# Mësime nga Fjala e Perëndisë




Gjoni 10:7-11

Nëse do të kishim jetuar në kohën kur Jezusi mësoi në Izrael, do të dinim shumë gjëra për delet. Të gjithë në Izrael kishin njohuri rreth deleve; delet përdoreshin për flijimet. Kështu që edhe njerëzit që jetonin në qytete kishin njohuri për delet dhe dinin të paktën diçka për barinjtë që kujdeseshin për to. Jezusi foli për delet dhe barinjtë, sepse njerëzit e kuptonin se për çfarë po fliste.

Shumica e tokës së Izraelit është e thatë dhe ndonjëherë barinjtë kishin vështirësi të gjenin bar për delet. Shpesh barinjtë largoheshin nga shtëpitë e tyre dhe i çonin delet larg për të kërkuar ushqim. Shumë herë barinjtë ishin aq larg shtëpive të tyre në mbrëmje, sa që ata flinin jashtë në fusha apo male me delet e tyre. Ishte e rrezikshme të flije jashtë në vend të hapur, sepse kishte hajdutë që përpiqeshin të vidhnin delet dhe kafshë të egra që do t'i hanin. Prandaj para se të binte nata, barinjtë gjenin një shpellë ku delet të mund të ishin të sigurta ose përgatitnin vende ku mund t'i fusnin delet e tyre gjatë natës.

Kjo është një figurë e stanit judaik, e quajtur vathë. Kur binte nata, barinjtë i fusnin delet e tyre në këtë zonë të mbrojtur. Ato ishin të sigurta, sepse bariu shtrihej te hyrja. Atyre që u duhej të futeshin në vathë duhej të kalonin bariun. Ai ishte si dera apo porta për në vathën e deleve. Kishte vetëm një derë për në vathë dhe atje shtrihej bariu.



Jezusi na thotë se Ai është si bariu i mirë që do të japë jetën e Tij për delet. Në vargun tonë të sotëm lexojmë që Jezusi thotë se Ai është e vetmja rruga (derë) për të shkuar te Perëndia Atë, ku do të jemi përjetësisht të sigurt në qiell. Jashtë, në këtë botë, ndodhen Satani, frymërat e tij të këqija, mëkati dhe vdekja. Në një farë mënyre ata janë si plaçkitës dhe kafshë të egra që vjedhin dhe hanë delet. Satani ka mashtruar dhe shkatërruar njerëzit për qindra vjet. Ai përdor shumë truke për të na shtyrë të mendojmë se rruga që ai mëson, ndonjëherë përmes mësuesve të rremë, është rruga e drejtë për t'u ndjekur. Rugët e tij mund të duken të mira, por në fund rruga e tij është vdekja: ndarja e përjetshme nga Perëndia.

Ashtu siç ka vetëm një derë apo portë për në vathë, vendin e sigurisë dhe jetës, po kështu dera e vetme për në jetën e përjetshme është pajtimi me Perëndinë, pranimi i Fjalës së Tij dhe vetëm besimi te Jezusi, i cili është Shpëtimtari. Secili prej nesh duhet të zgjedhë se kë do të ndjekim!



**Plotësoje këtë aktivitet dhe tregoja mësuesit.**

Përdor përgjigjet e pyetje më poshtë për të plotësuar fjalëkryqin. Përgjigjet janë renditur si më poshtë:

**Jezusi**


**Satani**

**Derë**

**Parajsë**

**Bariu**

**Vathë**



**Horizontalisht:**

1. Vatha e deleve ka vetëm një të tillë?
2. Kush është dera e vetme për në jetën e përjetshme me Perëndinë?
3. Si quhet vendi i sigurt për të ruajtur delet?

**Vertikalisht:**

4. Ku mund të jenë njerëzit të sigurt në përjetësi me Perëndinë?
5. Kush kujdeset për delet?
6. Kush i mashtron njerëzit për të besuar një rrugë të rreme për të Perëndia?

**Karta Awana 56 e përfunduar**

Firma e mësuesit \_\_\_\_\_

Data \_\_\_\_\_

# Jezusi ngjalli Llazarin prej së vdekurish



## Koha e historisë

“Karola!” - thirri Xhoni, ndërsa u fut me vrap në shtëpi. “Nuk ke për ta besuar se çfarë ka ndodhur. Ka vdekur znj. Xheksën!”.

“Oh, mos!” - tha Karola. “Mendova se ajo ishte vetëm me grip”.

“Kështu menduan në fillim,” - tha Xhoni, - “por doli që kishte diçka më serioze”.

“Është e vështirë ta besosh” - tha Karola. “Ajo ishte kaq e re”.

“Çfarë është e vështirë për ta besuar?” - tha xhaxhi Piteri, ndërsa hyri në shtëpinë e Xhonit dhe Karolës.

“Mësuesja që kisha vitin e kaluar ka vdekur sot” - u përgjigj Karola. “E pëlqeja shumë atë. Nuk kishte vdekur më parë një njeri aq i afërt për mua”.

“Oh, Karola, më vjen keq” - tha xhaxhi Piteri. “Nuk e kisha dëgjuar këtë që ka ndodhur”.

“E pashë në shkollë të premtën” - tha Karola. “Të hënën mësuam që ishte sëmure dhe sot... ajo ka vdekur!”.

“Pse vdesin njerëzit?” - tha Xhoni. “Pse nuk vazhdoi të jetonte? Ajo ishte një person i mirë”.

“Nuk është e drejtë!” - tha Karola. “Ajo nuk duhej të vdiste. Pse nuk vdiq më mirë një njeri i keq?”.

“Njerëzit nuk flasin gjëra të mira për vdekjen, apo jo?” - pyeti xhaxhi Piteri.

“Mendoj se jo” - tha Xhoni. “Ç’të mirë ka ajo për të folur!?”.

“Por në Bibël Perëndia flet shumë për vdekjen” - tha xhaxhi Piteri. “Kemi folur për këtë edhe më parë: të gjithë do të vdesin një ditë. Vdekja është rezultati i mëkatit; të gjithë njerëzit kanë lindur mëkatarë, sepse tërë njerëzit janë pasardhës të Adamit, që kanë mëkatuar kundër Perëndisë”.

“E kujtoj,” - tha Karola, - “por prapë nuk më duket e drejtë. Znj. Xheksën ishte shumë e veçantë. Tani ajo ka vdekur dhe nuk kam për ta parë më kurrë”.

“Prit pak, le të mendojmë për atë që na thotë Perëndia në Bibël” - tha xhaxhi Piteri. “Është e vërtetë që trupat tanë do të vdesin për shkak të mëkatit, por Bibla na thotë se një ditë Perëndia do t’u japë jetë tërë të vdekurve dhe çdo person do të gjykohet nga Perëndia. Ata që i kanë besuar Jezu Krishtit do të jetojnë përgjithmonë me Perëndinë, por ata që nuk kanë besuar do ta kalojnë përjetësinë të ndarë nga Perëndia”.

“Do të thuash se disa njerëz do të jetojnë përgjithmonë në qiell dhe të tjerë do të jetojnë përgjithmonë në ferr?” - pyeti Xhoni. “Pikërisht” - u përgjigj xhaxhi Piteri. “Unë e di që znj. Xheksën është me Jezusin tani. Ajo ishte mëkatare, ashtu si ne të gjithë, por ajo i besoi Jezu Krishtit kur ishte në moshën tënde. E di që do ta shoh atë përsëri: do ta shoh në qiell!”.

“Dëgjova një burrë që thoshte se mbase ajo do të kthehet këtu si zog apo flutur!” - tha Xhoni. “Dhe e kishte seriozisht! Doja t’i thosha se kjo ishte një gënjeshtër e Satanit,



por mendoj se do të do të zemërohej me mua”.

“Gëzohem që mendon se kjo është një gënjeshtër e Satanit, Xhon” - tha xhaxhi Piteri.

“Ai dëshiron t’i mashtrojë njerëzit që të mendojnë se nuk ka ndëshkim për mëkatin: nuk ka ferr, nuk ka gjykim, vetëm një jetë e ndonjë lloji tjetër pas kësaj. Kur njerëzit mendojnë kështu, ata nuk ndiejnë nevojën e tyre për një Shpëtimtar. Do të të pëlqejë studimi ynë sot; do të shohim se si Perëndia ka fuqi mbi jetën dhe po ashtu edhe mbi vdekjen”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 11:25 - “Jezusi i tha: ‘Unë jam ringjallja dhe jeta; ai që beson në mua, edhe sikur të duhej të vdesë do të jetojë’”.***

## Le të mendojmë

**Përgjigju këtyre pyetjeve dhe tregoja mësuesit.**

1. Pse vdesin trupat?  
a. Nuk kemi mjekësi aq të mirë;   b. Për shkak të mëkatit;  
c. Jezusi është i zemëruar me ne.
2. Kush do të gjykohej nga Perëndia një ditë?  
a. Vetëm jobesimtarët;   b. Të gjithë;   c. Vetëm Satani dhe demonët e tij.
3. Ku do të shkojnë njerëzit që besojnë te Perëndia kur të vdesin?  
a. Në ferr;   b. Do të kthehen në tokë si zogj;   c. Në qiell.
4. Ku do të shkojnë njerëzit që nuk besojnë te Perëndia kur të vdesin?  
a. Në ferr;   b. Do të kthehen në tokë si zogj;   c. Në qiell.
5. Kush ka fuqi mbi jetën dhe vdekjen?  
a. Satani;   b. Farisenjtë;   c. Perëndia.

# Mësime nga Fjala e Perëndisë



## Gjoni 11:1-48

Deri tani kemi parë se Perëndia kujdeset shumë për njerëzit që ka krijuar. Ne e dimë se njerëzit vdesin për shkak të mëkatit që kanë trashëguar nga Adami, por ne nuk kuptojmë gjithmonë se pse vdesin njerëzit; vetëm Perëndia e di, sepse Ai ka kontrollin e jetës dhe vdekjes. Megjithatë ne mund të kemi besim se Perëndia njeh se çfarë është më e mira për ne. Ai, si Krijuesi ynë, dëshiron që të gjithë të shpëtohen; kjo është arsyeja se pse dërgoi Birin e Tij, Jezu Krishtin, për të na shpëtuar nga Satani. Dhe meqë Satani nuk kujdeset me të vërtetë për ne, ai gënjen për mëkatin dhe vdekjen përmes mësuesve të tij të rremë.

Në Shkrimin e sotëm Perëndia po u tregon njerëzve fuqinë e Tij të madhe si Biri i Perëndisë. Jezusi, kur mori vesh që miku i Tij Llazari po vdiste, mund ta kishte shëruar pa shkuar madje atje ku ndodhej ai ose mund të shkonte menjëherë te Llazari për ta shëruar. Por Jezusi priti dy ditë para se të niste udhëtimin për në Betani ku ishte Llazari. Kur Jezusi mbërriti në Betani, Llazari kishte katër ditë që kishte vdekur. Jezusi është Perëndia; Ai e dinte që Llazari do të vdiste. Jezusi e donte Llazarin dhe dy motrat e tij, Martën dhe Marinë. Ai ishte i shqetësuar për to, por kishte arsye të fortë që lejoi Llazarin të vdiste. Jezusi do të tregonte fuqinë e Tij për t'u dhënë jetë atyre që besojnë.

Marta, kur pa Jezusin, i tha se e dinte që Ai mund ta kishte shëruar Llazarin po të kishte qenë atje. Jezusi i tha asaj se Llazari do të ngjallej. Marta i tha Atij se ajo e dinte që ai do të ngjallej përsëri në ditën e fundit ashtu siç kishin mësuar profetët. Por Jezusi i tha asaj: “Unë jam ringjallja dhe jeta; ai që beson në mua, edhe sikur të duhej të vdesë do të jetojë” (Gjoni 11:25). Jezusi donte që Marta të kuptonte se Llazari nuk kishte pse të qëndronte i vdekur deri në ditën e gjykimit të Perëndisë ndaj tërë njerëzve. Ai është dhuruesi i jetës dhe për këtë arsye ka pushtetin t'i japë jetë të vdekurve kur dëshiron. Jezusi është i vetmi që mund t'u japë jetë të vdekurve. Ai po shprehte gjithashtu se tërë njerëzit që besojnë në Të, kur të vdesin, nuk do të ndahen nga Perëndia dhe nuk do të ndëshkohen për mëkatet e tyre. Ata thjesht do të lënë trupat e tyre dhe këtë botë për të shkuar për të jetuar me Perëndinë në qiell.

Ringjallja e Llazarit prej së vdekurish tregonte fuqinë e Jezusit ndaj jetës dhe vdekjes. Duke parë këtë shumë judenj besonin në Të, por priftërinjtë dhe farisenjtë jo. Ata ishin thjesht të interesuar për pozitat e tyre të pushtetit dhe pasurisë. Ata kishin frikë se njerëzit do ta bënë Jezusin mbret, gjë e cila do t'i fuste në telashe me romakët. Kështu bënë plane për të vrarë Jezusin. Satani po i drejtonte këta njerëz. Ai nuk do që dikush të besojë te Jezusi dhe të shpëtohet nga pushteti i tij. Satani po vepron akoma te njerëzit sot. Ne duhet të refuzojmë gënjeshtret e Satanit dhe t'i besojmë Fjalës së Perëndisë!



**Plotësoje këtë aktivitet dhe tregoja mësuesit.**

Çdo numër përfaqëson një shkronjë të ndryshme në alfabet. Plotëso shkronjat që mungojnë.

1-A	9-G	17-M	25-S	33-XH
2-B	10-GJ	18-N	26-SH	34-Z
3-C	11-H	19-NJ	27-T	
4-D	12-I	20-O	28-TH	
5-DH	13-J	21-P	29-U	
6-E	14-K	22-Q	30-V	
7-Ë	15-L	23-R	31-Y	
8-F	16-LL	24-RR	32-X	

(13)ezus(12) i (28)a: "(29)në (13)am (23)ingjallja (5)e (13)eta;  
(1)i (22)ë (2)eson (18)ë (17)ua, (6)dhe (25)ikur (27)ë (4)uhej  
(27)ë (20)desë (4)o (27)ë (13)etojë".

Jezus\_ \_a: "\_në \_am \_ingjallja \_e \_eta; \_i \_ë \_eson  
\_ë \_ua, \_dhe \_ikur \_ë \_uhej \_ë \_desë \_o \_ë \_etojë".

### **Karta Awana 57 e përfunduar**

Firma e mësuesit \_\_\_\_\_

Data \_\_\_\_\_

# I riu pasanik



## Koha e historisë

“Faleminderit që po na çon në spital, xhaxhi Piter” – thanë Xhoni dhe Karola.

“S’ka përse!” - tha xhaxhi Piteri. “Si shkoj vizita e fëmijëve?” - pyeti xhaxhi Piteri.

“Më pëlqeu,” - tha Karola, - “por mendoj se ishte e trishtueshme në të njëjtën kohë”.

“Edhe për mua” - tha Xhoni. “U çudita që kishte shumë fëmijë atje. Disa prej tyre janë shumë sëmure!”.

“Mua më pëlqeu në mënyrë të veçantë ajo vajza e vogël që ishte e paralizuar” - tha Karola. “Ajo qeshte tërë kohën!”.

“Xhaxhi Piter, a e di se ishte edhe diçka tjetër që më çuditi?” - e pyeti Xhoni. “Ai burri që takuam atje: ai që fliste shumë për paratë e tij”.

“Pse të çuditi, Xhon?” - e pyeti xhaxhi Piteri.

“Shiko, ai dukej i shqetësuar për çdo gjë” - u përgjigj Xhoni. “Dhe fliste tërë kohën për gjërat që kishte bërë për fëmijët atje”.

“Ai ka bërë shumë gjëra për t’i ndihmuar ata fëmijë” - tha xhaxhi Piteri. “Ai është një person që ka qenë shumë bujar me paratë e tij, në shumë mënyra, por e njoh dhe e di që nuk i ka besuar Perëndisë. Paratë janë shumë të rëndësishme për të dhe, edhe pse dhuron shumë prej tyre, sërish mban shumë edhe për vete. Ai është gjithmonë i shqetësuar për atë që ndodh me paratë e tij. Mendoj se po përpiqet të blejë pranimin e Perëndisë me veprat e tij të mira”.

“Mbase të shkuarit në kishë do ta ndihmonte” - sugjeroi Karola.

“Po, nëse do të dëgjonte predikimin e Fjalës së Perëndisë” - tha xhaxhi Piteri. “Por ky njeri ka shkuar në kishë shumë herë dhe e konsideron vetëm si diçka që mund të bëjë për t’i pëlqyer Perëndisë. Ai duhet të kuptojë se është mëkatar dhe që nuk mund të bëjë asgjë për ta bërë veten të drejtë para Perëndisë. Tërë veprat e tij të mira dhe pjesëmarrja në takime fetare nuk do ta bëjnë kurrë të pranueshëm para Perëndisë”.

“Xhaxhi Piter, a ia ke thënë ndonjëherë atij atë që sapo na the ne?” - e pyeti Xhoni.

“Po, ia kam thënë” - iu përgjigj xhaxhi Piteri. “Ai nuk do të më dëgjojë mua apo t’i vërë veshin Biblës. Ai është njeri shumë krenar”.

“Nuk e kuptoj,” - tha Karola, - “por ajo vajza e vogël dukej më e lumtur sesa i pasuri”.

“Po, është, Karola,” - tha xhaxhi Piteri, - “por disa muaj më parë ajo ishte një person ndryshe. Ajo nuk qeshte kurrë dhe ishte e hidhëruar, sepse ishte e paralizuar”.

“E vështirë për t’u besuar!” - tha Karola. “Çfarë e ndryshoi atë?”.

“Është e vërtetë!” - tha xhaxhi Piteri. “Ajo ndryshoi pasi erdhën dy vajza për ta vizituar dhe i folën për Perëndinë. Me anë të Fjalës së Perëndisë ato i treguan se problemi i saj më i madh nuk ishte se nuk ecte, por mëkati i saj. Ndërsa vajzat po i lexonin Biblën dhe i treguan për Jezun Krishtin, vajza e vogël besoi! Ajo e di tani që ka jetë të përjetshme. Ajo më tha: ‘Jezusi ka bërë gjithçka për mua, edhe pse unë nuk mund të bëj asgjë për Të. Perëndia më ka pranuar për shkak të Jezusit!’”.

“E di çfarë, mua më ka ardhur keq për të,” - tha Karola, - “por tani ndihem edhe më e trishtuar për atë personin e pasur”.

“Është me të vërtetë e trishtueshme” - tha xhaxhi Piteri. “Ai është një njeri i mirë, por nuk është gati t’i besojë Fjalës së Perëndisë. Ai i do paratë e tij më tepër sesa Perëndinë, edhe pse bën gjithmonë vepra të mira. Ai më kujton një person në Bibël, për të cilin do t’ju flas më vonë në studimin tonë biblik. Shihemi pas një ore!”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 6:29 - “Jezusi u përgjigj dhe u tha atyre: ‘Kjo është vepra e Perëndisë: të besoni në atë që ai ka dërguar’”.***

## Le të mendojmë

**Përgjigju këtyre pyetjeve dhe tregoja mësuesit.**

1. A mund ta blejë dikush pranimin e Perëndisë? Po/Jo.
2. Çfarë na bën të pranueshëm para Perëndisë?  
a. Veprat e mira; b. Të shkuarit në kishë; c. Besimi te Jezui Krishti.
3. Çfarë duhet të dëgjojnë njerëzit kur shkojnë në kishë?  
a. Histori të bukura; b. Fjalën e Perëndisë; c. Si të jemi të mirë.
4. Cili ishte problemi më i madh i vajzës së vogël?  
a. Ajo ishte e paralizuar; b. Ajo ishte në spital; c. Mëkati i saj.
5. Pasi vajza e paralizuar besoi te Jezusi, çfarë mësoi se do të kishte?  
a. Jetë të përvetshme; b. Këmbë të reja; c. Pasuri.

# Mësime nga Fjala e Perëndisë



## Marku 10:13-24

Jezusi po mësonte turmat e njerëzve kur disa prej prindërve sollën fëmijët e tyre tek Ai. Dishepujt u thanë prindërve që t'i largonin fëmijët, por Jezusi nuk ishte i lumtur me këtë qëndrim. Ai u tha dishepujve që të lejonin fëmijët të shkonin tek Ai. Ai i do fëmijët! Ai dëshiron që ata t'i besojnë Fjalës së Tij dhe të besojnë tek Ai. Të gjithë ne kemi lindur mëkatarë nën pushtetin e Satanit dhe vdekjes. E vetmja mënyrë se si mund të shpëtohet secili, i ri apo i vjetër, është duke vendosur besimin e tij te Jezusi si Shpëtimtari i tyre.

Ndërsa Jezusi po largohej nga njerëzit, një i ri erdhi tek Ai me nxitim duke e pyetur se çfarë duhet të bënte për të marrë jetën e përjetshme. Ai ishte një njeri krenar që mendonte se mund t'i pëlqente Perëndisë dhe të fitonte hyrjen në mbretërinë e Perëndisë me anë të mirësisë dhe bindjes së tij ndaj ligjeve të Perëndisë. Jezusi i tha atij që nuk ka asnjë person në tokë që është i mirë dhe të bëjë atë që është e drejtë para Perëndisë. Ai nuk e dinte se vetëm Perëndia është i vetmi i mirë. Jezusi donte që i riu të kuptonte se asnjë njeri i zakonshëm nuk është i mirë. Megjithatë ky i ri nuk e dinte që kishte lindur mëkatar në një botë nën kontrollin e Satanit. Prandaj ai nuk mund t'i bindej në mënyrë të përsosur ligjeve të Perëndisë dhe kështu t'i pëlqente Atij.

Ky njeri mendoi se kishte zbatuar Dhjetë Urdhërimet në mënyrë të përsosur sepse u ishte bindur atyre nga ana e jashtme, ku mund të shikonin njerëzit. Megjithatë, edhe sikur t'u ishte bindur nga ana e jashtme, ai nuk u ishte bindur në "zemrën" e tij: mendimet e brendshme, ndjenjat dhe dëshirat e tij. Nëse një person planifikon të marrë diçka që i përket dikujt tjetër, Perëndia e konsideron tashmë të vjedhur. Nëse një person i bindet nga ana e jashtme autoritetit të dikujt, por është i zemëruar apo ankohet në zemrën e tij, ka mëkatuar kundër Perëndisë. Perëndia shikon anën e brendshme dhe të jashtme të njeriut. Perëndia nuk ia dha ligjet e Tij Izraelit sepse mendonte që ata mund t'i zbatonin. Perëndia i dha Dhjetë Urdhërimet për t'u treguar atyre, po ashtu edhe neve, se kemi mëkatuar dhe nuk mund të arrijmë standardet e mirësisë së Perëndisë.

Jezusi ndjeu dhembshuri për këtë të ri të pasur dhe donte që ai të kuptonte se nuk mund të pranohej nga Perëndia për shkak të gjërave që kishte bërë, sepse ai tashmë kishte shkelur ligjet e Perëndisë. Jezusi i tha atij të shiste gjithçka që kishte dhe t'ua jepte paratë të varfërve. Nuk është mëkat të jesh i pasur, por Jezusi donte që ky njeri të kuptonte se meqë donte aq shumë pasuritë e tij, ai kishte shkelur dy nga ligjet e Perëndisë: të duash të afërmin si vetveten dhe të duash Perëndinë me gjithë zemër, shpirt dhe mendje. I pasuri nuk do të hiqte dorë nga pasuritë e tij, të cilat mund t'i shijonte vetëm në këtë jetë. Ai bëri një zgjedhje; ai i ktheu kurrizin jetës së përjetshme me Perëndinë. Edhe ne duhet të bëjmë një zgjedhje; i kthejmë kurrizin jetës së përjetshme me Perëndinë apo vendosim besimin tonë në Jezu Krishtin për të na shpëtuar?



**Plotësoje këtë aktivitet dhe tregoja mësuesit.**

Përko fjalët duke përzier fjalët në kolonën e djathtë. Hiq një vizë nga fjala në të majtë me fjalën përkuese në të djathtë. Shkruaj mesazhin më poshtë.

<b>Që</b>	<b>ëta</b>
<b>Ai</b>	<b>oseb</b>
<b>Dërgoi</b>	<b>ën</b>
<b>Beso</b>	<b>iogrëd</b>
<b>Atë</b>	<b>iA</b>
<b>Në</b>	<b>ëq</b>

Mesazhi: \_\_\_\_\_

### **Karta Awana 58 e përfunduar**

Firma e mësuesit \_\_\_\_\_

Data \_\_\_\_\_

# Qielli apo ferri?



## Koha e historisë

“Xhon dhe Karola, do të gëzoheni kur të dëgjoni se kush erdhi në studimin e Biblës sonte!” - tha me gëzim, xhaxhi Piteri.

“Kush, xhaxhi Piter?” - pyeti Karola.

“Babai i Tomit, z. Bond!” - u përgjigj xhaxhi Piteri.

“Vërtetë!?” - tha Xhoni. “Fantastik!”.

“Shpresoj të mos jetë shumë vonë” - tha xhaxhi Piteri.

“Çfarë do të thuash?” – e pyeti Karola.

“Z. Bond sapo zbuloi se ka tumor” - tha xhaxhi Piteri. “Doktorët thonë se i kanë mbetur vetëm disa javë apo muaj”.

“Oh, jo!” - tha Xhoni. “Tomi duhet të jetë shumë i mërzitur”.

“Me siguri që po” - tha xhaxhi Piteri. “Meqë z. Bond nuk i ka mbetur shumë kohë për të jetuar, u thashë se jam gati t’u mësoj çdo javë, në javët e ardhshme. Ai po shikon se paratë e tij nuk mund t’i blejnë asnjë nga ato gjëra për të cilat ka nevojë”.

“Çfarë do t’i ndodhë Tomit kur të vdesë z. Bond, xhaxhi Piter?” - pyeti Karola.

“Nuk e di” - u përgjigj xhaxhi Piteri. “Nëna e tij ka qenë e sëmurë për një kohë të gjatë. Ajo po qëndron në një qytet tjetër me të motrën, derisa të shërohet. E di që kjo do të jetë shumë e vështirë për Tomin”.

“Xhaxhi Piter,” - tha Xhoni, – “a nuk të duket edhe ty që po ndodhin shumë gjëra të vështira?”.

“Po, ashtu është, Xhon” - u përgjigj xhaxhi Piteri. “Por Bibla na thotë se do të ishte kështu për shkak të mëkatit në botë”.

“Është e vështirë të mendosh për vuajtjet e z. Bond,” - tha Karola, - “por është edhe më e vështirë t’i shohësh të vegjlit të vuajnë: disa nga ata që pamë në spital”.

“E di çfarë do të thuash, Karola” - tha xhaxhi Piteri i trishtuar. “Vizitoja një djalë në spital që kishte dhimbje të vazhdueshme. Edhe ai kishte një buzëqeshje të ëmbël kur shkoja ta takoja. Ai e donte Jezusin dhe i kishte besuar Atij që ta shpëtonte nga mëkatet dhe t’i jepte jetën e përjetshme. Ai e dinte se do të vdiste, por kishte besim te Perëndia që Ai ta merrte me vete, për të qenë gjithmonë me Të”.

“A vazhdon të jetë i sëmurë?” - pyeti Xhoni.

“Jo, nuk është!” - u përgjigj xhaxhi Piteri. “Ai ka vdekur dhe është me Jezusin tani!”.

“Xhaxhi Piter, nuk më pëlqen që e përsëris këtë,” - tha Karola, – “por kjo nuk duket e drejtë. Ai ishte shumë i ri për të vdekur!”.

“E kuptoj se çfarë do të thuash, Karola,” - u përgjigj xhaxhi Piteri, – “por ai po vuante këtu dhe tani është në qiell me Perëndinë përgjithmonë. Është si ajo vajza e vogël në spital. Jeta është shumë e vështirë edhe për të, por kohët e vështira këtu në tokë janë shumë të shkurtra krahasuar me përjetësinë”.

“Ke të drejtë, xhaxhi Piter” - tha Karola. “Po z. Bond? Pyes nëse mendon se çfarë do t’i



ndodhë kur të vdesë?”

“Shpresoj të fillojë të mendojë për të” - tha xhaxhi Piteri. “Bibla na tregon për një të pasur që refuzoi të mendonte për atë që do t'i ndodhte kur të vdiste. Ai refuzoi t'i besonte Perëndisë. Dhe na tregon për një njeri, i cili, si djali i vogël, vuante shumë këtui, por i besoi Perëndisë. Z. Bond nuk ka shumë kohë për të vendosur se çfarë do të bëjë me të ardhmen e tij”.

“Nëse tërë gjërat në Bibël janë të vërteta, pse njerëzit nuk i besojnë Perëndisë?” - pyeti Xhoni.

“Kjo është pyetje me vend, Xhon” - u përgjigj xhaxhi Piteri. “Perëndia na e ka thënë në mënyrë të qartë në Bibël atë që duhet të dimë, por njerëzit refuzojnë të besojnë”.

### *Le të shohim në Bibël*

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Mateu 16:26 – “Ç’përfitim ka njeriu nëse fiton gjithë botën dhe pastaj e humb shpirtin e vet? Ose çfarë do të japë njeriu si shkëmbim të shpirtit të vet?”.***

### *Le të mendojmë*

#### **Përgjigju këtyre pyetjeve dhe tregoj mësuesit.**

1. Për çfarë ka nevojë z. Bond, gjë të cilën nuk mund ta blejë?  
a. Ilaçe; b. Ushqim; c. Jetë të përjetshme.
2. Pse në botë vazhdojnë të ndodhin “gjëra të vështira”?  
a. Për shkak të mëkatit; b. Askush nuk e di pse;  
c. Sepse Perëndia është i zemëruar.
3. Cila zgjat më shumë, një jetë e vështirë apo përjetësia?  
a. Një jetë e vështirë; b. Përjetësia; c. Ato zgjasin njësoj.
4. Ku e gjejmë rrugën e vërtetë për të pasur jetën e përjetshme?  
a. Në gazetë; b. Te një person që ka vdekur; c. Në Bibël.
5. Pse ai djaloshi do të ishte me Jezusin kur vdiq?  
a. Ai besoi te Jezusi; b. Sepse ishte i ri;  
c. Sepse kishte pasur një jetë të vështirë plot me vuajtje.

# Mësime nga Fjala e Perëndisë



## Luka 16:19-31

Jezusi i kishte mësuar judenjtë për rreth tre vjet deri në këtë pikë. Ai i njihte “zemrat” e njerëzve. Ata nuk donin të mendonin për atë që do t’u ndodhte pasi të vdisnin. Një ditë Jezusi u tha njerëzve një histori. Ishte një paralajmërim nga Perëndia për ndëshkimin e përjetshëm dhe të pafund ndaj tërë atyre që refuzojnë shpëtimin që ka siguruar Perëndia përmes Jezu Krishtit.

Historia flet për një të pasur dhe një lypsar. I pasuri kishte më tepër se ç’duhet ushqim për të ngrenë çdo ditë. Megjithatë Llazari, lypdari, ishte ulur afër portës së të pasurit, ku qentë i lëpinin plagët, duke dëshiruar thërrimet që binin nga tryeza e të pasurit. Një ditë lypdari vdiq dhe engjëjt e çuan atje ku ishte Abrahami. Abrahami ishte varrosur para se të vdiste ky njeri, por po jetonte akoma me Perëndinë. Vdiq gjithashtu i pasuri dhe e varrosën. Ne e dimë se ku shkoi lypdari kur vdiq, por çfarë ndodhi me të pasurin kur i doli shpirti nga trupi? Bibla thotë që njerëzit kur vdesin ose shkojnë me Perëndinë përgjithmonë në qiell ose shkojnë në vendin e ndëshkimit përgjithmonë.

Llazari shkoi në vendin e lumturisë dhe pranimit me Perëndinë. I pasuri shkoi në vendin e zjarrit dhe ndëshkimit të përjetshëm. Ka vuajtje të mëdha në ferr. Perëndia e urren mëkatin. Çdo mëkatet duhet të shlyhet plotësisht. Nëse një person vdes dhe shkon në ferr, nuk ka mundësi që ai të shpëtojë apo të çlirohet. Edhe pse i pasuri po kalonte vuajtje të tmerrshme, mendoj për vëllezërit e tij. Ai donte që Abrahami të dërgonte Llazarin për t’i paralajmëruar në mënyrë që ata të mos shkonin në të njëjtin vend të tmerrshëm të ndëshkimit ku ndodhej ai. Abrahami i tha të pasurit që vëllezërit e tij kanë shkrimet e Moisiut dhe profetëve për të mësuar prej tyre.


Megjithatë Satani, armiku ynë, mashtron njerëzit. Për shumicën e njerëzve paraja, gjërat dhe madje shëndeti duken më të rëndësishme se Perëndia. Rreth dy mijë vjet kishin kaluar që kur Jezusi tregoi historinë e të pasurit dhe Llazarit. Të dy këta njerëz janë në të njëjtat kushte që kur Jezusi tregoi historinë. Llazari i besoi Perëndisë, kështu që është në paqe me Perëndinë. I pasuri nuk i besoi Perëndisë ndërsa ishte në tokë, kështu që po vuan në ferr. Vendet nuk shkëmbehen; e ardhmja jonë vendoset ndërsa jetojmë akoma mbi tokë.

Zgjedhja për të besuar apo për të mos besuar në Fjalën e Perëndisë dhe për të besuar të vdekja e Jezusit për mëkatet e tua do të përcaktojë se ku do të kalosh tërë përjetësinë. Mos vono bërjen e kësaj zgjedhjeje! Askush nuk e di se sa jetë i ka mbetur mbi tokë.

# Përsëritje

Plotësoje këtë aktivitet dhe tregoja mësuesit.

Gjej rrugën për në parajsë.



## Karta Awana 59 e përfunduar

Firma e mësuesit \_\_\_\_\_

Data \_\_\_\_\_

# Jezusi tradhtohet



## Koha e historisë

“Përshëndetje, Tom” - tha Karola. “Çfarë po studioni tani me xhaxhi Piterin?”.

“Diçka që nuk më duket e drejtë” - u përgjigj Tomi. “Mendoj se ishte mizore kur izraelitët flijonin qengjat dhe kafshët e tjera”.

“Jam i kënaqur që na the, Tomi” - tha xhaxhi Piteri. “E kemi të vështirë ta kuptojmë, sidomos kur nuk flijojmë më kafshë. Ka disa gjëra që duhet të kujtojmë, në mënyrë që t'i kuptojmë”.

“Për shembull?” - pyeti Xhoni.

“Shiko,” - tha xhaxhi Piteri, – “së pari, vrasja e një qengji apo kafshe tjetër ishte një kujtesë se ndëshkimi për mëkatin është vdekja. Kjo ishte gjithashtu mënyra e Perëndisë se si izraelitët duhet t'i afroheshin Atij me anë të besimit”.

“Kujtoj që Abeli iu afrua Perëndisë sipas mënyrës së Tij” - tha Tomi.

“Po” - tha Xhoni. “Ai shkoi te Perëndia me një kafshë nga vatha e tij”.

“Dhe ai u pranua nga Perëndia” - tha xhaxhi Piteri. “Ai u afrua duke i besuar Perëndisë, duke rënë dakord me Perëndinë për mëkatin e tij. A e mbani mend Pashkën?”.

“Perëndia u tha izraelitëve që të vrisnin një qengj të përsosur për çdo familje” - tha Karola.

“Dhe kur Perëndia pa gjakun në shtalkat e dyerve, Ai kaloi tutje pa i vrarë ata”.

“Pikërisht” - tha xhaxhi Piteri. “Bibla thotë se pa derdhje të gjakut, mëkati nuk mund të shlyhet. Qengji na kujton gjithashtu ndarjen midis Perëndisë dhe njeriut. Në kohën e tabernakullit dhe tempullit, kryepriifti ishte i vetmi që mund të futej në Vendin Shumë të Shenjtë. Ai duhej të sillte gjakun e një qengji dhe ta spërkaste mbi pajtuesin”.

“Por kjo nuk i shlyente të gjitha mëkatet e tyre përgjithmonë, apo jo, xhaxhi Piter?” - pyeti Xhoni.

“Jo,” - u përgjigj xhaxhi Piteri, - “por Perëndia kishte planifikuar diçka më të mirë. Për mijëra vjet njerëzit kishin sjellë qengja apo kafshë te Perëndia. Të gjithë ata që u afruan me anë të besimit do të përfshiheshin në atë që kishte planifikuar të bënte Perëndia. Ai bëri një premtim shumë të qartë në kopsht”.

“E di!” - e ndërpreu Karola. “Ai premtoi të dërgonte Çlirimtarin”.

“Po!” - u përgjigj xhaxhi Piteri. “Siç e dini, Perëndia kërkonte nga izraelitët që të vrisnin një qengj për mëkatet e çdo personi. Pastaj, në Pashkën e parë, Perëndia kërkoi një qengj për çdo familje”.

“Dhe më vonë një kryepriift sillte një qengj për tërë kombin!” - kujtoi Xhoni.

“Por, a e mbani mend se si e quajti Gjon Pagëzori Jezusin?” - pyeti xhaxhi Piteri.

“Qengji i Perëndisë që heq mëkatin e botës” - tha Xhoni.

“Ke të drejtë, Xhon” - tha xhaxhi Piteri. “Tani do t'ju tregoj për festimin përfundimtar të Pashkës. Megjithatë, këtë herë qengji që do të ofrohej ishte vetë Jezusi!”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Gjoni 1:11-12 - “Ai erdhi në shtëpinë e vet dhe të vetët nuk e pranuan, por të gjithë atyre që e pranuan, ai u dha pushtetin të bëhen bij të Perëndisë, atyre që besojnë në emrin e tij”.***

## Le të mendojmë

**Përgjigju këtyre pyetjeve dhe tregoja mësuesit.**

1. Cili është dënimi për mëkatet?  
a. Pagesa e një gjobe;   b. Të bërët vepra të mira;   c. Vdekja.
2. Pse duhej të derdhej gjaku?  
a. Për të paguar për mëkatin;   b. Për të ngrënë kafshët;  
c. Kafsha ishte e keqe.
3. Kush do të hiqte mëkatën e botës sipas asaj që tha Gjon Pagëzori?  
a. Qengji i përsosur;   b. Jezusi;   c. Kryepriifti.
4. Kush është i vetmi që mund t'i bëjë njerëzit të pranueshëm para Perëndisë?  
a. Satani;   b. Jezusi;   c. Adami.
5. Cila është mënyra e Perëndisë që njerëzit t'i afrohen?  
a. Të pagëzohen;   b. Të bëjnë mjaft vepra të mira;  
c. Me anë të besimit: duke besuar te Perëndia.

# Mësime nga Fjala e Perëndisë




Marku 11:1-10; 14:1-2, 10-26

Një ditë Jezusi u fut në Jerusalem hipur mbi një gomar, ashtu siç kishte thënë Perëndia. Turmat, duke kënduar dhe thirrur, mirëpritën Jezusin si Çlirimtarin për të cilin profetët kishin premtuar se Perëndia do ta dërgonte për të qenë mbreti i tyre. Fatkeqësisht shumica e tyre nuk besonte te Jezusi për t'i shpëtuar nga mëkati, Satani dhe vdekja. Ata donin vetëm që Jezusi të ishte mbreti i tyre në mënyrë që t'i çlironte nga romakët që sundonin vendin e tyre.

Megjithatë farisenjtë, skribët dhe drejtuesit e tjerë fetarë, donin ta vrisnin Jezusin se ishin xhelozë për Të. Juda, një prej dishepujve të Jezusit, ishte gati të ndihmonte drejtuesit judenj për ta kapur. Për tridhjetë monedha argjendi, çmimi i një skllavi, ai ishte gati të shiste Jezusin tek armiqtë e Tij. Përsëri ajo që kishte thënë Perëndia në Fjalën e Tij u realizua. Perëndia tha që një mik i Jezusit do ta shiste në duart e armiqve të Tij. Satani po drejtonte Judën për të tradhtuar Jezusin. Satani mendoi se nëse do të shtynte drejtuesit fetarë për të vrarë Jezusin, ai do të shkatërronte planin e Perëndisë për të çliruar mëkatarët dhe përfundimisht për ta shkatërruar atë.

Jezusi dhe dishepujt e tij po kremtonin Festën e Pashkës në një dhomë të madhe të cilën Jezusi e kishte përgatitur kohë më parë. Jezusi e dinte, pa u dashur që t'ia thoshte dikush, që Juda do ta tradhtonte. Jezusi e dinte që do të vdiste, ashtu siç u kishte thënë Perëndia përmes profetëve në Dhiatën e Vjetër. Juda, tradhtari i tij, do të ndëshkohej përgjithmonë kryesisht se refuzoi Jezu Krishtin, por edhe për mëkatet e tij të egoizmit dhe rolit të tij në vrasjen e një njeriu të pafajshëm: Birit të Perëndisë.

Ndërsa po hanin Jezusi theu bukën dhe pastaj shpjegoi se, ashtu siç kishte thyer bukën, po kështu trupi i Tij do të thyhen nga njerëzit e këqinj. Pija që derdhi për ta ishte një figurë apo ilustrim i gjakut të Tij, i cili, kur të vdiste, do të derdhej nga trupi i Tij. Jezusi tha që kur të vdiste, do të jepte jetën e Tij në vend të jetëve të mëkatarëve. Është e



pamundur të mendosh se sa shumë na ka dashur Jezusi. Ai nuk kishte mëkatuar kurrë, megjithatë do të vdiste për gjithë ne mëkatarët. Secili prej nesh në botë, në të shkuarën, në të tashmen dhe në të ardhmen, kishte nevojë për atë që bëri Ai në vendin tonë!



Plotësoje këtë aktivitet dhe tregoja mësuesit.

Mbush shkronjat me yll për të gjetur mesazhin e fshehur.

A.Q.E.I.N.G.J.U.I.D.P.F.E.R.G  
Ë.N.L.D.I.S.N.Ë.Q.V.Ë.H  
X.E.K.Q.F.M.Ë.H.K.A.T.I.A  
N.E.Q.B.O.D.T.Ë.U.S.

Mesazhi: \_\_\_\_\_

**Karta Awana 60 e përfunduar**

Firma e mësuesit \_\_\_\_\_

Data \_\_\_\_\_

# Arrestimi i Jezusit



## Koha e mësimi

“Xhaxhi Piter,” - tha Tomi, - “nuk mund ta kuptoj se përse njerëzit nuk e pëlqenin Jezusin”.

“Karola bëri të njëjtën pyetje kur dëgjoi për herë të parë për planin e farisenjve për ta vrrarë Jezusin” - tha xhaxhi Piteri. “Është e vështirë për ta kuptuar. Megjithatë ata nuk e dinin, por ishin nën ndikimin e Satanit; ata ishin kundër Perëndisë. Farisenjtë dhe drejtuesit fetarë e urrenin Jezusin dhe ishin xhelozë për të”.

“Por Jezusi bëri shumë gjëra të mira!” - tha Tomi. “Ata duhet ta kishin dashur! Ai asnjëherë nuk bëri ndonjë gjë të keqe!”.

“Ke të drejtë, Tom!” - tha xhaxhi Piteri. “Por kjo i bëri xhelozë. Shumë njerëz e ndiqnin Jezusin. Ata madje donin ta bënin mbret. Ai ishte mbreti i tyre i vërtetë. Ai ishte pasardhës i mbretit David dhe froni i takonte Atij me të drejtë, si nga rrënja e Davidit dhe si Mbreti i mbretërve: vetë Perëndia!”.

“Farisenjtë i njihnin Shkrimet” - tha Karola. “A nuk e dinin këtë ata?”.

“Po. Shumë nga hollësitë u shkruan nga profetët e Perëndisë qindra vjet para se të ndodhnin” - u përgjigj xhaxhi Piteri. “Gjithashtu, ata panë mrekullitë e Tij dhe që Ai ishte shumë popullor me njerëzit. Megjithatë, ata ishin të shqetësuar se mos humbnin pozitën e tyre si drejtues. Gjithashtu, Jezusi tha të vërtetën për ta: që ishin mëkatarë. Ndaj ata ishin xhelozë për Të dhe e urrenin se tha të vërtetën”.

“Por meqë Jezusi ishte me të vërtetë Perëndi, a nuk mund t'i ndalonte Ai që të mos i bënin diçka të keqe?” - pyeti Tomi.

“Po, Tomi, mund t'i ndalonte” - tha xhaxhi Piteri. “Bibla na thotë që Jezusi mund të thërriste mijëra engjëj që ta ndihmonin”.

“E di se përse nuk e bëri” - tha Karola. “Kur pyeta xhaxhi Piterin për këtë, ai më tha që Perëndia kishte plane të tjera dhe Jezusi bëri ato gjëra që i pëlqenin Atit të Tij. Akoma po pres të dëgjoj se cilat ishin ato plane”.

“Mund t'ju tregoj” - tha xhaxhi Piteri. “Jezusi e dinte se Ai do të vdiste. Ky ishte plani i madh i Perëndisë për të çliruar popullin nga mëkatet, Satani dhe vdekja. Gjithashtu Ai e dinte saktësisht se çfarë do të hiqte”.

“Kështu Ai e dinte këtë, edhe para se të vinte në tokë si njeri?” – e pyeti Xhoni.

“Po, Xhon” - u përgjigj xhaxhi Piteri. “Ai e dinte dhe Ai donte ta bënte për ne”.

“A mund ta kishte bërë në mënyrë më të thjeshtë?” - pyeti Karola.

“Jo, vdekja e Tij ishte gjëja e vetme që do të paguante plotësisht për mëkatet tona” - tha xhaxhi Piteri. “Perëndia nuk do të pranonte asgjë tjetër. Jezusi vuajti me të vërtetë kur mendoi për gjërat që e dinte se do t'i ndodhnin. Jezusi do të merrte ndëshkimin e plotë për mëkatet e çdo personi që ka jetuar ndonjëherë. Kujtoni, mëkati na ndan nga Perëndia. Jezusi ishte gati të pranonte tërë këtë për ne”.

“Atëherë Jezusi kishte fuqinë ta ndalonte,” - tha Tomi, - “por pavarësisht nga kjo e mori ndëshkimin që na takonte neve? Nuk më duket e drejtë. Ai nuk e meritonte”.



“Ke të drejtë,” - tha xhaxhi Piteri, - “por ne e meritojmë dhe pavarësisht nga kjo Ai e bëri për ne”.

“A e dinte Jezusi se ne do të ishim gjallë tani?” - pyeti Karola.

“Po, e dinte” - tha xhaxhi Piteri. “Jezusi mori tërë ndëshkimin për secilin prej nesh dhe për tërë njerëzit në mbarë botën. Le të shohim në Bibël dhe të shohim se çfarë i ndodhi”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Isaia 53:7 - “I keqtrajtuar dhe i përulur, nuk e hapi gojën. Si një qengj që e çojnë në thertore, si një dele e heshtur përpara atyre që i qethin nuk e hapi gojën”.***

## Le të mendojmë

Përgjigju këtyre pyetjeve dhe tregoja mësuesit.

1. Pse e urrenin Jezusin udhëheqësit fetarë?
  - a. Ata ishin xhelozë për të;
  - b. Jezusi ishte zemërngushtë;
  - c. Jezusi nuk u bindej ligjeve të Perëndisë.
2. Çfarë tha Jezusi për judenjtë, gjë e cila i zemëroi?
  - a. Ata nuk i njihnin Shkrimet;
  - b. Ata ishin mëkatarë;
  - c. Ata nuk luteshin sa duhet.
3. Kush ka të drejtën të jetë mbreti i të gjithëve?
  - a. Satani;
  - b. Një farise;
  - c. Jezusi.
4. Cili ishte plani i madh i Perëndisë për të shpëtuar popullin nga mëkati i tyre?
  - a. Të vriste Satanin;
  - b. Jezusi do të vdiste për ne;
  - c. Do të na jepte rregulla më të lehta për t'u zbatuar.
5. Pse Jezusi nuk planifikoi t'i ndalonte judenjtë që të mos e vrisnin?
  - a. Ai nuk mund t'i ndalonte;
  - b. Ai donte të vdiste për ne;
  - c. Perëndia nuk do të linte Jezusin që t'i ndalonte.

# Mësime nga Fjala e Perëndisë



**Marku 14:32-65; 15:1-19**

Perëndia i kishte premtuar Adamit dhe Evës dhe tërë pasardhësve të tyre që një ditë Ai do të dërgonte Çlirimtarin për t'i shpëtuar nga Satani, mëkati dhe vdekja e përgjeshme larg Tij. Ne e dimë tani që Jezusi, Biri i Perëndisë, është Çlirimtari që dërgoi Perëndia. Por cili është vazhdimi i planit të Tij? Do ta zbulojmë së shpejti!

Pasi Jezusi dhe dishepujt e tij kishin ngrënë darkën e Pashkës, njëmbëdhjetë prej tyre shkuan në një vend që quhej Gjetseman. Jezusi u kishte kërkuar dishepujve të uleshin dhe të ruheshin nga armiqtë e tyre ndërkohë që Ai u largua pak për t'iu lutur Atit. Jezusi e dinte që për të qenë Çlirimtari duhet të hiqte vuajtje të tmerrshme. Megjithatë Ai donte të bënte vullnetin e Perëndisë, Atit të Tij.

Ndërkohë që ishin në Gjetseman erdhi Juda duke sjellë shumë ushtarë dhe rojtarë të dërguar nga drejtuesit fetarë. Juda tradhtoi Jezusin, ashtu siç ishte parashikuar nga Jezusi. Jezusi dinte gjithçka që do t'i ndodhte, megjithatë Ai nuk u ndesh me ushtarët; Ai shkoi qetësisht me ta.

Dishepujt kishin frikë se do të arrestoheshin edhe ata, kështu që u larguan. Ata besonin se Jezusi ishte Shpëtimtari i dërguar nga Perëndia, por nuk kuptonin se si mund të ishte Ai nëse do të vritej nga armiqtë e Tij. Ata nuk mund të kuptonin se si vdekja e Tij mund t'i çlironte.

Brenda disa orësh Jezusi kaloi gjashtë gjyqe: tre para drejtuesve fetarë dhe tre para zyrtarve romakë. Tërë gjyqet ishin të paligjshëm; disa kishin dëshmitarë të rremë. Jezusi nuk kishte bërë asgjë të keqe. Prandaj nuk mund të gjenin asgjë të ligjshme për ta dënuar. Jezusi rrinte i heshtur kur thoshin gënjeshtra për Të. Kur e pyetën nëse ishte me të vërtetë Krishti (Çlirimtari i premtuar) dhe Biri i Perëndisë, Jezusi u përgjigj shumë qartë se ishte Ai.

Drejtuesit fetarë bindën turmat që të kërkonin kryqëzimin e Jezusit: ndëshkimin e përdorur nga romakët për kriminelët e tyre më të këqinj. Drejtuesit romakë nuk mund të gjenin asnjë faj te Jezusi, megjithatë ata e rrahën, e pështynë dhe fshikulluan. Ushtarët përdornin kamzhikë me shumë fije lëkure të cilat kishin copa metalesh të mprehtë dhe kockash në to (goditjet e përsëritura me kamzhik jo vetëm e linin lëkurën e hapur, duke prerë mishin, muskujt dhe nervat, por shpesh bënë që personit t'i binte të fikët apo ndonjëherë të vdiste). Ata, pasi e fshikulluan Jezusin, e tallën. Ata e veshën me një rrobë të purpurt. Ata bënë një kurorë gjembash të mëdhenj e të mprehtë dhe ia vunë Jezusit në kokë, duke e tallur: "Përsëendetje, mbreti i judenjve!".

Jezusi nuk rezistoi e nuk u ankua gjatë tërë vuajtjeve të Tij. Ai e dinte se po bënte vullnetin e Atit të Tij. Ai kishte ardhur për të qenë Çlirimtari i mëkatarëve. Kjo do të thotë që vuajtje për ty dhe për mua!



**Plotësoje këtë aktivitet dhe tregoja mësuesit.**

Vendos këto pjesë të vargut përmendsh në rendin e duhur duke i vendosur numra.

**Isaia 53:7**

\_\_\_ *si një dele e heshtur përpara atyre që i qethin*

\_\_\_ *I keqtrajtuar*

\_\_\_ *Si një qengj që e çojnë në thertore,*

\_\_\_ *nuk e hapi gojën*

\_\_\_ *dhe i përulur,*

\_\_\_ *nuk e hapi gojën.*

### **Karta Awana 61 e përfunduar**

Firma e mësuesit \_\_\_\_\_

Data \_\_\_\_\_

# Kryqëzimi i Jezusit



## Koha e historisë

“Xhaxhi Piter, a mund të na tregosh më tepër se çfarë i ndodhi Jezusit?” - pyeti Tomi.

“Mendova se e kuptova, por më duket shumë më e tmerrshme tani që po e lexojmë nga Bibla. Ata u treguan të poshtër ndaj Tij!”.

“Ishte e tmerrshme, Tomi” - tha xhaxhi Piteri. “Jezusi po vuante ndëshkimin për tërë mëkatet e çdo personi që ka jetuar ndonjëherë”.

“Dhe Ai nuk bëri asgjë të gabuar!” - tha Karola.

“Jo, nuk bëri” - tha xhaxhi Piteri. “Dhe ishte plotësisht gati të vuante për këtë. Gjithçka në Bibël e tregonte këtë gjë: Jezusi do të vdiste për mëkatarët”.

“A e dinin njerëzit se çfarë po ndodhte?” - pyeti Xhoni.

“Në të vërtetë jo” - tha xhaxhi Piteri. “Edhe dishepujt e Jezusit ishin të pështjelluar. Ata mendonin se Jezusi do të bëhej Mbreti i tyre dhe do t'i çlironte nga sundimi romak. Por tani ata po e shikonin duke u kryqëzuar”.

“Çfarë do të thotë ‘kryqëzim’?” - pyeti Tomi.

“Do të thotë se ai u gozhduar në kryqin e drunjtë dhe u la atje derisa vdiq” - u përgjigj xhaxhi Piteri. “Vdekja në këtë formë ishte mbase mënyra më mizore. Një person mund të rrinte varur në kryq për ditë të tëra para se të vdiste. Ishte një vuajtje e tmerrshme”.

“Po mendoja që Ai mund të kishte shpëtuar paq nga tërë kjo!” - tha Xhoni. “Por nuk e bëri! Ai donte ta bënte këtë me të vërtetë, për ne”.

“Po, ashtu është” - tha xhaxhi Piteri. “Ai nuk e mbrojti kurrë veten; Ai i duroi me qetësi. Ai u var atje në kryq midis dy njerëzve që meritonin të vdisnin. Është e vështirë të imagjinohet se sa shumë po vuante”.

“Duket shumë e tmerrshme” - tha Karola. “Do të doja që Perëndia të kishte gjetur një rrugë tjetër”.

“Mëkati na ndan nga Perëndia” - tha xhaxhi Piteri. “Ndëshkimi për mëkatin është vdekja. Perëndia nuk mund t'i falte kurrë mëkatet tona nëse ndëshkimi për mëkatet tona nuk paguhej plotësisht. Jezusi pagoi atë çmim për ne duke vdekur në vendin tonë”.

“Por Ai nuk kishte mëkatuar kurrë!” - tha Tomi. “Jo, dhe kjo është arsyeja se përse Perëndia do të pranonte vdekjen e Tij për ne” - tha xhaxhi Piteri. “A i mbani mend kafshët që sillëshin për flijim? Ato duhet të ishin të përsosura. Asgjë tjetër veç flijimit të përsosur nuk do të ishte e pranueshme. Ne nuk do të mund ta paguanim kurrë çmimin për mëkatet tona”.

“A i mori Ai me të vërtetë mëkatet tona në kryq?” - pyeti Xhoni. “Edhe gjërat e tmerrshme që bëjnë njerëzit, si vrasja?”.

“Po” - u përgjigj xhaxhi Piteri. “Edhe gjërat e vogla që përpiqemi të harrojmë: ato gjëra që janë po ashtu mëkat dhe për të cilat duhet të paguhej plotësisht në kryq. Çdo gënjeshtër e vogël, çdo fjalë jo e këndshme, çdo akt mosbindjeje, çdo mendim i keq”.

“Oh, xhaxhi Piter,” - tha Karola, - “Jezusi e bëri këtë për mua! Ai e bëri këtë për mëkatet e mia!”.

“Po, Karola, për ty!” - tha xhaxhi Piteri. “Ai, për një farë kohe, u nda tërësisht nga Perëndia Atë. Kur Jezusi mori mëkatet tona mbi veten në kryq, Perëndia nuk mund të kishte përbashkësi me Të. Ashtu siç na ndalojnë mëkatet tona nga Perëndia, mëkatet tona e ndanë Jezusin nga Ati i Tij në atë çast të tmerrshëm”.

“Ua, Ai mori ndëshkimin tim!” - tha Karola. “Ai vdiq për mua! I jam shumë mirënjohëse!”.

“Jam shumë i lumtur që ti beson në atë që ka bërë Jezusi në kryq për ty, Karola!” - tha xhaxhi Piteri i gëzuar. “Do të doja që e tërë bota të besonte!”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***1 Timoteut 2:5 - “Në fakt një është Perëndia, dhe një i vetëm është ndërmjetësi midis Perëndisë dhe njerëzve: Krishti Jezus njeri”.***

## Le të mendojmë

Përgjigju këtyre pyetjeve dhe tregoja mësuesit.

1. Për kë vuajti Jezusi?  
a. Vetëm për dishepujt e Tij;   b. Vetëm për miqtë e Tij;   c. Për të gjithë.
2. Si vdiq Jezusi?  
a. E rrahën me kamxhik për vdekje;   b. U kryqëzua;   c. E rrahën për vdekje.
3. Çfarë na ndan nga Perëndia?  
a. Satani;   b. Drejtuesit fetarë;   c. Mëkati.
4. Cili është ndëshkimi për mëkatin?  
a. Vdekja;   b. Pagesa e një gjobe;   c. Një fshikullimë.
5. Kush pagoi çmimin për tërë mëkatet tona?  
a. Farisenjtë;   b. Jezusi;   c. Juda.

# Mësime nga Fjala e Perëndisë



Mark 15:20-46

Kemi mësuar nga Fjala e Perëndisë se të gjithë njerëzit janë mëkatarë. Paga e mëkatit është vdekja duke sjellë ndarjen e përfjetshme nga Perëndia, i cili është i shenjtë; prandaj Ai nuk mund të lejojë mëkatarët në praninë e Tij. Perëndia nuk mund të na falte për mëkatin tonë dhe të na pranonte nëse ndëshkimi për mëkatin nuk shlyhej plotësisht. Për qindra vjet Perëndia lejoi izraelitët të flijonin qengja apo kafshë të tjera për të zënë vendin e tyre. Megjithatë gjaku i këtyre kafshëve nuk mund të paguante për mëkatet e tyre. Sot do të shohim se si premtimi i Perëndisë për të gjetur një mënyrë për pagesën e mëkateve tona u përmbush përmes një zëvendësuesi përfundimtar, Jezus Krishtit! Rrugua e vetme se si Jezusi mund të na çlironte ishte të ndëshkohej për mëkatet tona, duke zënë vendin tonë para Perëndisë ashtu si qengjat.

Ushtarët, pasi e kishin tallur dhe fshikulluar Jezusin, e çuan për ta kryqëzuar. Ata ngulën gozhdët në duart dhe këmbët e Jezusit në drurin e kryqit. Kryqi pastaj u ngrit më këmbë. Njerëzit qeshnin me Të ndërsa po vuante në kryq. Çfarë vuajtje e tmerrshme ishte për dikë që nuk kishte bërë asgjë të keqe. Megjithatë Ai u tradhtua nga njëri prej dishepujve të Tij, u arrestua në mënyrë të rreme, u akuzua në mënyrë të rreme, u rrah, u gjykua pa drejtësi dhe u refuzua nga njerëzit që duhet ta kishin pranuar si Mbretin dhe Zotin e tyre.

Asnjë prej këtyre gjërave nuk mund ta shqetësonte më tepër Jezusin se sa kur Perëndia vuri tërë mëkatet e botës mbi Të dhe pastaj u largua nga Biri i Tij i dashur duke e lënë vetëm. Perëndia po ndëshkonte Jezusin për mëkatet e kujtdo dhe Perëndia nuk mund të jetojë në praninë e mëkatit. Gjatë kësaj kohe në kryq Jezusi ishte i ndarë nga Perëndia, Ati i Tij, si ndëshkim për mëkatet tona! Jezusi vuajti ndëshkimin e plotë për mëkatet tona në mënyrë që Perëndia mund të falte falas (pa kosto për ne) dhe të pranonte, si bijtë e Tij, tërë ata që pajtohen me Perëndinë dhe besojnë vetëm te Jezusi. Jezusi pagoi para Perëndisë atë që ishte e domosdoshme për mëkatet tona, përmes vdekjes së Tij.

Jezusi erdhi në botë për të çliruar mëkatarët nga Satani, mëkati dhe vdekja. Atë ditë Ai kreu veprën e Tij duke u ndarë nga Perëndia dhe **duke dhënë gjakun dhe jetën e Tij si pagesë e plotë për mëkatet tona**. Nuk mbetet asgjë tjetër për t'u bërë. Nuk ka më nevojë që dikush të jetë i ndarë nga Perëndia. Jezusi bëri për ne atë që nuk mund të bëjmë për veten tonë, pra, t'i afrohem Perëndisë. Vepra që Jezusi bëri për ne duke vdekur në kryq, është vepra e vetme që Perëndia do të pranojë si pagesë për mëkatet tona. Megjithatë, **ne duhet të vendosim besimin tonë në atë që bëri Jezusi për ne në kryq: vetëm atëherë bëjmë pajtimin me Perëndinë përmes Jezu Krishtit**. Jo vetëm kaq, por Perëndia na jep dhuratën e jetës së përfjetshme me Të!



**Plotësoje këtë aktivitet dhe tregoja mësuesit.**

Çdo numër përfaqëson një shkronjë të ndryshme në alfabet. Plotëso shkronjat që mungojnë.

1-A	9-G	17-M	25-S	33-XH
2-B	10-GJ	18-N	26-SH	34-Z
3-C	11-H	19-NJ	27-T	
4-D	12-I	20-O	28-TH	
5-DH	13-J	21-P	29-U	
6-E	14-K	22-Q	30-V	
7-Ë	15-L	23-R	31-Y	
8-F	16-LL	24-RR	32-X	

13 6 34 29 25 12   4 11 1   9 13 1 14 29 18   4 11 6

13 6   27 7 18   6   27 12 13   25 12   21 1 21 1 9 7   27 7

21 15 20 27 7   21 7 23   17 7 14 1 27 6 27   27 20 18 1

### **Karta Awana 62 e përfunduar**

Firma e mësuesit \_\_\_\_\_

Data \_\_\_\_\_

# Ringjallja dhe ngjitja e Jezusit në qiell



## Koha e historisë

“Xhon, ku është Tomi?” - pyeti Karola. “Mendova se do të vinte sonte”.

“Tomi me të atin do të shkojnë të takojnë të ëmën e Tomit” - tha Xhoni. “Ajo po rri me motrën e saj. Ka kaluar shumë kohë që nuk ka qenë në shtëpi”.

“Po, e vërtetë” - tha xhaxhi Piteri. “Për këtë arsye po kthehet në shtëpi. Ai dëshiron, gjithashtu, t’i thotë asaj se si e ka vendosur besimin e tij te Jezu Krishti si Shpëtimtari i tij”.

“A është i shpëtuar z. Bond?” - pyetën Xhoni dhe Karola njëzëri.

“Po!” - u përgjigj xhaxhi Piteri. “Do të doja që të ishte atje. Ai duket dhe flet si një njeri i ri. Tomi është shumë i lumtur për këtë gjë!”.

“A e kupton Tomi me të vërtetë se Jezusi vdiq për mëkatet e tij?” - pyeti Xhoni.

“Po” - u përgjigj xhaxhi Piteri. “Ai tha që i ka besuar Jezusit dy javë më parë”.

“Më vjen çudi!” - tha Karola. “Ai mësoi gjithçka shumë shpejt. Dukej se kuptoi dhe besoi menjëherë gjithçka që lexojmë në Bibël”.

“Tomi ka qenë shumë i trishtuar dhe i lënduar” - tha xhaxhi Piteri. “Ai ishte me të vërtetë i gëzuar që dëgjoi lajmin e mirë për Jezusin”.

“Po mamaja e Tomit?” - pyeti Xhoni.

“Çfarë do të mendojë ajo për tërë këto gjëra?”.

“Z. Bond po shpreson që kur ajo të shikojë ndryshimin në jetën e tij, edhe ajo do të do të dojë të mësojë për Perëndinë” - u përgjigj xhaxhi Piteri.

“Perëndia është i mrekullueshëm!” - tha Karola. “Nuk e di se përse nuk do të donte ta pranonte edhe ajo, kur të dëgjojë për Të. Dhe shiko të gjitha gjërat që po bën Perëndia në familjen e tyre! Jam shumë e gëzuar për z. Bond! Është e trishtueshme që ka tumor, por tani, edhe po të vdesë siç thonë doktorët, do ta shohim përsëri në qiell. Z. Bond është i falur, ashtu siç jemi dhe ne!”.

“Karola, kjo e bën Jezusin kaq të veçantë” - tha xhaxhi Piteri. “Shumë fe thonë se i ndihmojnë njerëzit, por vetëm Jezusi vdiq për mëkatet tona, u varros dhe u ringjall ditën e tretë! Nuk ka asnjë tjetër që ofron falje të plotë për mëkatet dhe jetë të përjetshme me Perëndinë e Gjallë”.

“Na trego përsëri, xhaxhi Piter, çfarë ndodhi pasi vdiq Jezusi?” - pyeti Xhoni.

“Kjo është një prej pjesëve më të bukura të historisë!” - tha xhaxhi Piteri. “Jezusi u varros në varr. Por pas tri ditësh Perëndia e ngjalli prej së vdekurish”.

“A e panë njerëzit Jezusin të gjallë?” - pyeti Xhoni. “Sepse mendoj që drejtuesit fetarë do të sajnin ndonjë histori duke thënë se dikush vodhi trupin e Tij”.

“Oh, po!” - u përgjigj xhaxhi Piteri. “Këtë bënë, por nuk ishin vetëm dishepujt e Tij që e panë, pasi edhe në një rast tjetër, Jezusin e panë më tepër se 500 vetë!”.

“Do të doja të isha atje ta shikoja!” - tha Xhoni.

“Edhe unë” - tha xhaxhi Piteri. “Megjithatë, do ta shohim një ditë, sepse Ai është akoma



i gjallë në qiell. Dhe Ai do të kthehet në tokë një ditë, por këtë herë jo për të sjellë shpëtim. Ai e ka kryer tashmë atë punë. Ai do të vijë përsëri për t'i gjykuar tërë ata që nuk i kanë besuar Atij”.

“Do të doja ta dija se kur do të vijë” - tha Karola – “por tani dua t’ju them të gjithëve që e njoh Jezusin!”.

“Shumë mirë, Karola!” - tha xhaxhi Piteri. “Bibla nuk e thotë se kur do të kthehet Jezusi, por na thotë që t’u tregojmë të gjithë njerëzve në botë rreth Tij”.

### *Le të shohim në Bibël*

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

**1 Korintasve 15:3-4 - “Sepse unë ju kam transmetuar para së gjithash ato që edhe unë vetë i kam marrë, se Krishti vdiq për mëkatet tona sipas Shkrimeve, se u varros dhe u ringjall të tretën ditë, sipas Shkrimeve”.**

### *Le të mendojmë!*

**Përgjigju këtyre pyetjeve dhe tregoja mësuesit.**

1. Nëse z. Bond vdes, ku do të shkojë?  
a. Në ferr; b. Në parajsë; c. Do të kthehet si një person tjetër.
2. Kush është i vetmi që mund të na i falë plotësisht mëkatet?  
a. Prifti; b. Askush; c. Jezusi.
3. Çfarë ndodhi tri ditë pasi Jezusi u varros?  
a. U ngjall përsëri; b. Asgjë; c. Dikush vodhi trupin e tij.
4. Ku është Jezusi tani?  
a. Në tokë; b. Në qiell; c. Në ferr.
5. Çfarë do të bëjë Jezusi kur të kthehet përsëri?  
a. Do të vdesë përsëri për mëkatet tona; b. Do të mësojë më tepër për Perëndinë; c. Do t'i gjykojë jobesimtarët.

## Luka 24:1-48; Veprat e Apostujve 1:9-11

Kur filluam të studiojmë Biblën, folëm për faktin që Bibla është një histori e vërtetë. Jezu Krishti është personi qëndror gjatë gjithë historisë. Historia e tij është e vërtetë. Ne nuk po studiojmë për një person fetar; ne po studiojmë historinë e vërtetë të Perëndisë Bir, Perëndisë Shumë të Lartë që erdhi në tokë për të qenë Shpëtimtari ynë.

Jezusi kishte tri ditë e tri netë që ishte varrosur. Pas kësaj kohe, mëngjesin e ditës së parë të javës, disa gra që kishin besuar te Jezusi, shkuan te varri i Tij. Megjithatë kur shkuan atje, guri ishte rrokullisur dhe varri ishte bosh! Pastaj, ndërsa po habiteshin se çfarë kishte ndodhur me trupin e Jezusit, panë dy engjëj që po qëndronin atje. Ato kishin frikë! Por engjëjt u folën duke thënë: “Ai nuk është këtu, por është ringjallur!”. Pastaj engjëlli i kujtoi që Jezusi u kishte thënë para se të vdiste që Ai do të kryqëzohej dhe pastaj ditën e tretë do të ngjallej. Ato, duke kujtuar ato që u kishte thënë Jezusi, shkuan menjëherë t’u tregonin njëmbëdhjetë dishepujve rreth varrit bosh. Tërë ndjekësit e Jezusit duhet ta prisnin Atë dhe të ngjallej prej së vdekurish. Ai u kishte thënë shumë herë para se të vdiste që do të ngjallej ditën e tretë. Megjithatë, edhe tani, ata nuk u besuan grave derisa panë vetë varrin. Ata akoma nuk besonin se çfarë ndodhi me trupin derisa iu shfaq Jezusi. Pastaj besuan!

Meqë Perëndia e ngjalli Jezusi prej së vdekurish, nuk duhet të ketë dyshim që Ai është Biri i Perëndisë dhe Çlirimtari i premtuar. Drejtuesit fetarë e kryqëzuan Jezusin sepse pohonte se ishte Biri i Perëndisë dhe Çlirimtari. Megjithatë Perëndia e ngjalli Jezusin prej së vdekurish në mënyrë që të gjithë të dinë që Jezusi ishte Ai që kishte pohuar deri tani. Perëndia nuk do ta kishte ngjallur Jezusin nëse nuk do të kishte **shlyer plotësisht pagesën që bëri** në kryq. Jezusi nuk kishte mëkatet të vetat, por pranoi përgjegjësinë për të paguar çmimin e plotë për mëkatet tona. Jezusi zuri vendin tonë para Perëndisë, gjykatësit, dhe Perëndia ndëshkoi Atë në vendin tonë. Perëndia na tregoi se **nuk mbetet gjë tjetër për të paguar** duke e ngjallur Jezusin prej së vdekurish. Kështu që tani që **borxhi ynë është paguar** dhe mëkatet janë falur, ne mund të çlirohemi nga Satani, mëkati dhe ndarja e përditshme nga Perëndia.

Sigurisht, **Perëndia dëshiron që ne të pranojmë faljen e Tij për mëkatet tona dhe jetën e përditshme!** Secili prej nesh duhet të vendosë nëse do të pranojë atë që ka bërë Jezusi për ne, duke dhënë gjakun e Tij si pagesë e plotë për mëkatet tona dhe duke e ngjallur prej së vdekurish për të na dhënë jetën e përditshme apo nëse do të **refuzojmë pagesën e Jezusit për ne dhe të vazhdojmë të ndjekim Satanin në zjarrin e përditshëm?**



**Plotësoje këtë aktivitet dhe tregoja mësuesit.**

Pohimet e mëposhtme tregojnë se si do Perëndia dhe se si do Satani që t'i përgjigjemi pagesës së Jezusit për mëkatet tona.

Ndaji fjalët në dy pohimet e mëposhtme dhe shkruaji te vijat.

dhe jetën e përjetshme, faljen e Tij, Perëndia dëshiron,  
për mëkatet tona, që të pranojmë.

pagesën e Jezusit për ne, Satani dëshiron, dhe të vazhdojmë  
të ndjekim atë, që të refuzojmë.

### **Karta Awana 63 e përfunduar**

Firma e mësuesit \_\_\_\_\_

Data \_\_\_\_\_

# **Domethënia e vdekjes së Krishtit - I**

## **Koha e historisë**



“Xhaxhi Piter, si mund të shpëtohet një person?” - pyeti Xhoni.

“Ka vetëm një rrugë, Xhon” - u përgjigj xhaxhi Piteri. “Kur një njeri bie dakord me Perëndinë se është mëkatar, i pazoti të shpëtojë vetveten, ai duhet të vendosë besimin e tij në atë që ka bërë Jezusi për të, kur vdiq në kryq”.

“Do të thuash se kaq mjafton?” - pyeti Xhoni.

“Kjo i kushtoi shumë Jezusit” - u përgjigj xhaxhi Piteri – “ndërsa ne duhet që thjesht të pranojmë atë që Ai bëri për ne, duke vdekur në vendin tonë”.

“Unë e kam pranuar këtë pagesë për vetel!” - tha Karola.

“Karola, jam mirënjohës që e ke bërë!” - tha xhaxhi Piteri. “Perëndia dëshiron që të gjithë të besojnë tek Ai!”.

“A i do me të vërtetë Perëndia të gjithë njerëzit?” - pyeti Xhoni. “Disa njerëz janë me të vërtetë të këqinj!”.

“Bibla thotë se Perëndia aq shumë e deshi të gjithë botën, sa dërgoi Jezu Krishtin për të vdekur për mëkatet e çdo personi” - tha xhaxhi Piteri. “Bibla thotë, gjithashtu, se Perëndia nuk dëshiron që dikush të humbasë; Ai dëshiron që të gjithë të shpëtohen”.

“Është e vështirë ta mendosh se Perëndia i do me të vërtetë të gjithë” - tha Xhoni.

“Kjo tregon se sa e madhe është dashuria e Tij!” - tha xhaxhi Piteri. “Kujtoni, ishte Perëndia Ai që i krijoi njerëzit. E kujtoni se si flet Bibla te Zanafilla për miqësinë që kishte Perëndia me Adamin dhe Evën në kopsht, para se ata të mëkatonin?”.

“Po” - tha Karola. “Perëndia ecte dhe fliste me ta”.

“Ke të drejtë” - tha xhaxhi Piteri. “Megjithatë, kur Adami dhe Eva mëkatuan, të gjithë njerëzit u ndanë nga Perëndia dhe nuk mund të bënin asgjë për të pasur një miqësi me Perëndinë. Në vend të jetës së përditshme me Perëndinë, njerëzit do të vdisnin dhe do të jetonin përgjithmonë në ferr”.

“A nuk e dinë njerëzit se do të shkojnë në ferr tani?” - pyeti Karola.

“Duhet ta dinë” - u përgjigj xhaxhi Piteri. “Perëndia e ka bërë shumë të qartë në Fjalën e Tij, por Ai e ka bërë, gjithashtu, shumë të qartë rrugën për tek Ai: Bibla tregon drejt Jezu Krishtit”.

“Do të thuash si një tabelë rrugore?” - pyeti Xhoni.

“Po, Xhon” - u përgjigj xhaxhi Piteri. “Përgjatë Dhiatës së Vjetër, Perëndia na dha udhëzime, përshkrime, ashtu si dhe shenja për të na treguar rrugën për tek Ai. Të gjitha këto e drejtonin vëmendjen drejt Çlirimtarit, Jezu Krishtit”.

“Si mund të mos e shikojnë këtë rrugë?” - pyeti Karola.

“Shumë njerëz nuk e kanë lexuar kurrë Biblën” - u përgjigj xhaxhi Piteri. “Disa njerëz duket se nuk duan t’ia dinë për Perëndinë apo Biblën. Ata nuk mendojnë se kanë nevojë për Perëndinë. Të tjerë mendojnë se Perëndia ekziston, por mendojnë se duhet të bëjnë diçka për t’u bërë të pranueshëm para Tij”.

“Nëse do të lexonin ‘tabelat rrugore’, ata nuk do të mendonin ashtu!” - tha Karola.

“Ke të drejtë!” - tha xhaxhi Piteri. “Perëndia e ka bërë Fjalën e Tij shumë të qartë. Jezu Krishti është rruga e vetme për te Perëndia. Perëndia do të pranojë vetëm ata që do të shkojnë tek Ai duke besuar te Jezusi, për shkak të asaj që ka bërë në kryq për të paguar për mëkatet”.

“A do të thuash se Perëndia dëshiron prej meje thjesht të besoj te Jezusi, i Cili vdiq për mëkatet e mia?” - pyeti Xhoni. “A më pranon me të vërtetë Perëndia nëse besoj në veprën e Birit të Tij në kryq? Nuk më duhet të bëj gjë tjetër?”.

“Xhon, xhaxhi Piteri na e ka thënë këtë prej shumë kohësh!” - tha Karola.

“E di, por tani e kuptoj se çfarë do të thotë” - tha Xhoni. “Është kaq e thjeshtë: Jezusi vdiq për mua! Perëndia më pranon për shkak të asaj që bëri Jezusi për mua në kryq!”.

“Mirë se erdhe në familjen e Perëndisë, Xhon!” - tha xhaxhi Piteri. “Tani ne jemi vëlla dhe motër në familjen e Perëndisë!” - tha Karola.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

***Romakëve 5:8- “Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne”.***

Tregon: Shfaq, vërteton

## Le të mendojmë

Përgjigju këtyre pyetjeve dhe tregoja mësuesit.

1. A mund të shpëtohet dikush që nuk beson se është mëkatar? Po/Jo.
2. Si mund të shpëtohen njerëzit e këqinj?
  - a. Ata nuk mund të shpëtohen;
  - b. Duke i besuar Jezu Krishtit;
  - c. Duke iu bindur të gjitha ligjeve të Perëndisë.
3. Pas vdekjes, ku do të jetojnë njerëzit që nuk besojnë te Jezu Krishti?
  - a. Në qiell;
  - b. Asgjëkund;
  - c. Në ferr.
4. Si mund ta zbulojnë njerëzit të vërtetën rreth rrugës së kthimit te Perëndia?
  - a. Përmes Biblës;
  - b. Përmes çdo predikuesi;
  - c. Përmes të gjithë librave fetarë.
5. Pse vdiq Jezusi në kryq?
  - a. Ai u kap fajtor për një krim;
  - b. Perëndia ishte i zemëruar me Të;
  - c. Për të paguar për mëkatet tona

# Mësimet nga Fjala e Perëndisë



Marku 8:27-31; 9:2-8

Në mësimin e sotëm do të përsërisim disa nga historitë e Dhiatës së Vjetër dhe do të shohim se si flasin për Zotin Jezus dhe vdekjen e Tij për ne në kryq.

A e kujtoni se çfarë bënë Adami dhe Eva kur mëkatuan dhe kuptuan që ishin të zhveshur? Ata bënë mbulesa prej gjethesh. Megjithatë Perëndia nuk pranoi mbulesat që bënë, por Ai vetë vrau kafshët dhe bëri rroba si mbulesa për ta. Ata nuk mund të bënin diçka për të qenë të pranueshëm para Tij. Ata, për shkak të mëkatit të tyre, ishin të papranueshëm para Perëndisë, kështu që Ai i dëboi nga kopshti i Edenit; miqësia e tyre me Perëndinë kishte marrë fund. Për shkak të mëkatit të tyre tërë njerëzimi lindi në mëkat dhe ishte i papranueshëm para Perëndisë. **Megjithatë Ai, për shkak se na deshi, dërgoi Birin e Tij, Zotin Jezus, që të vdiste për ne, për t'u bërë të pranueshëm para Tij.**

A kujtoni fëmijët e Adamit dhe Evës, Kainin dhe Abelin? Perëndia pranoi ofertën e Abelit, por refuzoi atë të Kainit. Perëndia refuzoi Kainin sepse ai iu afrua Perëndisë sipas mënyrës së vet, jo sipas asaj që kishte urdhëruar Perëndia. Edhe Abeli ishte mëkatar, por Perëndia pranoi flijimin e një qengji, duke derdhur gjak. Qengji që theri Abeli dhe që ia ofroi Perëndisë na kujton Zotin Jezus. **Jezusi ishte Qengji i Perëndisë, i flijuar për mëkatet e çdo njeriu në mbarë botën.** Perëndia pranon të gjithë ata që vendosin besimin e tyre në Zotin Jezus dhe gjakun që derdhi Ai për mëkatet e tyre.

A kujtoni se si jetonin njerëzit në kohën e Noeut, para përmbytjes? Meqë njerëzit refuzonin të dëgjonin paralajmërimin e Perëndisë dhënë përmes Noeut, Perëndia tha se do të shkatërronte botën me anë të përmbytjes. Perëndia nuk planifikoi të shkatërronte Noeun, i cili, ashtu si Abeli, e dinte se ishte mëkatar dhe besoi te premtimet e Perëndisë. Ai i tha Noeut të ndërtonte një arkë dhe të bënte vetëm një derë në një anë. Kishte vetëm një mënyrë se si Noeu dhe familja e tij mund të futeshin në arkë dhe të shpëtohej nga gjykimi i Perëndisë. Ata ishin të sigurt brenda arkës nga ndëshkimi i Perëndisë ndaj botës mëkatore. Të gjithë ata që ishin jashtë vdiqën në përmbytje, sepse refuzuan t'i besonin Perëndisë dhe të futeshin në arkë përmes derës së vetme. **Ajo derë na kujton Zotin Jezus që është rruga e vetme për jetën e përhershme.**

Kur dikush beson se Jezusi vdiq për mëkatet e tij dhe vendos besimin vetëm në Të, Perëndia fal mëkatet e tij dhe i jep jetën e përhershme. Mos ji si njerëzit në kohën e Noeut, të cilët refuzuan t'u besonin paralajmërimeve të Noeut dhe të futeshin në arkë për t'u shpëtuar.



**Plotësoje këtë aktivitet dhe tregoja mësuesit.**

Përdori këto fjalë për të plotësuar vendet bosh në fjalitë e mëposhtme:

1. Qengji;    2. e përjetshme;    3. deshi;    4. mëkatet;    5. e vetme;  
6. flijuar;    7. vdekur;    8. rruga;    9. jetën;    10. të pranueshëm.

Por ngaqë Ai na \_\_\_\_\_, dërgoi Birin e Tij, Zoti Jezus, për të \_\_\_\_\_  
për ne, në mënyrë që ne të bëheshim \_\_\_\_\_ para Tij.

Jezusi ishte \_\_\_\_\_ i Perëndisë, \_\_\_\_\_ për \_\_\_\_\_ e  
kujtdo në tërë botën.

Zoti Jezus është \_\_\_\_\_ për në \_\_\_\_\_  
\_\_\_\_\_.

### **Karta Awana 64 e përfunduar**

Firma e mësuesit \_\_\_\_\_

Data \_\_\_\_\_

# Domethënia e vdekjes së Krishtit - 2



## Koha e historisë

“Ja ku po kthehet Xhoni me babanë nga qyteti” - tha Karola. “Xhoni u ndje keq kur u larguan”.

“Pse” - pyeti xhaxhi Piteri. “Çfarë ndodhi?”.

“Xhoni kishte marrë hua një libër shumë të bukur të botanikës nga mësuesi i tij” - tha Karola. “Ishte shumë i shtrenjtë. E zuri shiu dhe libri u prish. Ai duhet të paguajë për librin, por nuk ka mjaft para. Ai nuk di çfarë të bëjë”.

“Ja ku erdhi,” - tha xhaxhi Piteri, - “por ai është duke buzëqeshur!”.

“Nuk e merr me mend se çfarë bëri babi!” - tha Xhoni.

“Më çoi te shtëpia e mësuesit dhe pagoi për librin në vendin tim: çmimin e plotë!”.

“Po ti, si do t’ia kthesh paratë?” - pyeti Karola.

“Kjo është ajo që është e mahnitshme!” - tha Xhoni. “Ai tha që unë nuk mund ta paguaja.

Ai donte që të paguante në vendin tim. Ai më përqafoi dhe më tha që më donte”.

“Xhon, babai yt ka bërë një gjë të mrekullueshme për ty” - tha xhaxhi Piteri.

“Por nuk mbaron me kaq!” - tha Xhoni i gëzuar. “Më çoi në librari dhe ma bleu edhe mua një kopje të atij libri! E kam këtu në çantë. Shikoje!”.

“Fantastike, Xhon!” - tha Karola. “Çfarë surprize e bukur!”.

“Xhon, babi yt sapo të paraqiti një tablo shumë të bukur të diçkaje tjetër” - tha xhaxhi Piteri.

“Çfarë është kjo?” - pyeti Xhoni.

“Shpëtimi yt” - tha xhaxhi Piteri. “Ti, të gjithë ne, jemi mëkatarë të rrënuar. Ne vetë nuk mund të bëjmë diçka për të paguar borxhin për mëkatet tona. Ndëshkimi për mëkatet është vdekja dhe ndarja nga Perëndia përgjithmonë”.

“Jetët tona i ngjajnë atij libri të prishur” - tha Karola.

“Po, por Jezusi zuri vendin tonë kur vdiq në kryq” - tha xhaxhi Piteri.

“Ai na deshi, ndaj bëri që mëkatet tona të binin mbi Të, në mënyrë që të paguante ndëshkimin e plotë për ne”.

“Ashtu si babi pagoi për librin që prisha” - tha Xhoni.

“Jo vetëm kaq,” - tha xhaxhi Piteri, - “Jezusi u ngjall përsëri dhe është i gjallë përgjithmonë. Dhe Perëndia i premton jetë të përdetshme kujtdo që beson tek Ai!”

“Është njësoj si libri i ri që babai i dha Xhonit, apo jo?” - tha Karola.

“Po, Karola, ashtu është” - u përgjigj xhaxhi Piteri. “Por ajo që na jep Perëndia është shumë më e mirë!”.

“Mbrëmë u ndjeva shumë keq për atë që ndodhi” - tha Xhoni. “Por tani jam mirënjohës.

Jam i kënaqur për atë që më thatë, xhaxhi Piter. Të jesh i shpëtuar është me të vërtetë një dhuratë: ashtu siç është ky libër. Nuk meritoj asnjërin”.

“Jo,” - tha xhaxhi Piteri, - “dhe nëse do të varej nga ne, asnjë prej nesh nuk do të shpëtohej dhe asnjë nuk do të qëndronte i shpëtuar. Nëse do të varej prej nesh, ne do



ta humbisnim shpëtimin çdo ditë. Por shpëtimi nuk varet prej nesh: varet nga ajo që bëri Jezusi për ne në kryq. Asgjë tjetër nuk mund ta shpëtojë një person”.  
 “Libri im do të zgjasë për vite me radhë” - tha Xhoni. “Por shpëtimi im në Krishtin është më i mirë se kaq: shpëtimi është përgjithmonë! Nuk mendoj se do ta harroj ndonjëherë. Shpëtimi im nuk varet nga unë, por nga ajo që bëri Jezusi për mua! Ai pagoi gjithçka! Ai është i mrekullueshëm!”.

## Le të shohim në Bibël

Mësoje përmendsh këtë varg dhe thuaja mësuesit. Mund të përdorësh vetëm dy ndihma.

*Efesianëve 1:7 - “Në të cilin kemi shpengimin me anë të gjakut të tij, faljen e mëkateve sipas pasurive të hirit të tij”.*

**Shpengim:** Pagesa që Krishti bëri për mëkatet e mia

**Hir:** Perëndia më jep një dhuratë që nuk e meritoj

## Le të mendojmë

**Përgjigju këtyre pyetjeve dhe tregoja mësuesit.**

1. Pse babai i Xhonit pagoi për librin e prishur?
  - a. Ai mendoi se e kishte për detyrë; b. Xhoni i tha atij ta paguante;
  - c. Sepse e donte Xhonin.
2. Në ç’pikë ngjajmë ne me librin?
  - a. Ne jemi mëkatarë të rrënuar; b. Ne jemi të mirë;
  - c. Gjithkush mund të paguajë për të.
3. Çfarë duhet të bënte Jezusi për të paguar borxhin tonë te Perëndia?
  - a. Të paguante një gjobë; b. Të ishte pa mëkat; c. Të vdiste në kryq.
4. Pse vdiq Jezusi në kryq dhe pagoi ndëshkimin tonë?
  - a. Perëndia bëri që Ai të vdiste; b. Ai na desh;
  - c. Ushtarët bënë që Ai të vdiste.
5. Për sa kohë do të zgjasë shpëtimi?
  - a. Derisa të vdesë personi; b. Përgjithmonë;
  - c. Derisa personi të mëkatojë përsëri.

# Mësime nga Fjala e Perëndisë



**Eksodi 12:5-7, 27; Marku 15:37-38**

Sot do të vazhdojmë të përsërisim disa nga historitë e Dhiatës së Vjetër dhe do të shohim se si tregojnë Zotin Jezus dhe vdekjen e Tij në kryq për ne. Historia biblike e Pashkës është një histori tjetër që tregon Zotin Jezus dhe vdekjen e Tij për mëkatarët. A kujtoni kur tërë egjiptianët humbën djalin e tyre dhe kafshët e parëlindura, sepse u rebeluan kundër Perëndisë dhe nuk lanë izraelitët të largoheshin nga Egjipti? Edhe izraelitët do të humbisnin të parëlindurit, por Perëndia siguroi një rrugë shpëtimi për ta.

Perëndia urdhëroi izraelitët të zgjidhnin një qengj të përsosur. Këta qengja të përsosur të izraelitëve na kujtojnë Zotin Jezus. Jezusi, ngaqë ishte pa mëkat, mund të pranohej nga Perëndia si pagesë për mëkatin tonë. Qengji duhet të vdiste dhe gjaku i tij duhet të derdhej që i parëlinduri të shpëtonte nga vdekja. Në të njëjtën mënyrë **ishte e domosdoshme që Zoti Jezus të derdhte gjakun e Tij si pagesë për mëkatet tona. Nuk kishte asnjë mënyrë tjetër se si mund të shpëtoheshim nga gjykimi i Perëndisë për mëkatet tona.** Izraelitët duhet të vendosnin gjakun e qengjit të shtalkat e dyeve për t'i treguar Perëndisë se kishin besim të gjaku për t'i mbrojtur nga engjëlli i vdekjes. Kjo na mëson që thjesht duke ditur se jemi mëkatarë dhe që Zoti Jezus vdiq për mëkatet tona, nuk do të na shpëtojë nga gjykimi i tmerrshëm i Perëndisë. Ne duhet të besojmë personalisht në Zotin Jezus dhe vdekjen e Tij si pagesë ndaj Perëndisë për mëkatet tona. Perëndia tha që do të kalonte tutje çdo shtëpie ku do të shikonte gjakun dhe kështu bëri. Në të njëjtën mënyrë mund të jemi plotësisht të sigurt që, nëse besojmë në Zotin Jezus dhe vdekjen e Tij për ne, nuk do të përjetojmë ndëshkimin e përjetshëm për mëkatet tona.

A kujtoni kur Perëndia u dha Dhjetë Urdhërimet izraelitëve dhe ata nuk ishin në gjendje t'u bindeshin? Ata mbetën të ndarë nga Perëndia për shkak të mëkatis të tyre. Megjithatë Perëndia, për shkak se është i dashur, i mëshirshëm dhe plot hir, udhëzoi Moisiun të ndërtonte një tabernakull ku mund të takohej me popullin e Tij dhe të falte mëkatet e tyre. Vit pas viti kryepriifti shkonte pas velit të trashë dhe spërkaste gjakun e kafshëve mbi pajtues. Por gjaku i kafshëve nuk shlyente mëkatin. Këto oferta tregonin vetëm Zotin Jezus që do të siguronte një flijim të plotë për mëkatin duke dhënë jetën e Tij të përsosur. A kujtoni se si Perëndia grisi velin më dysh kur Jezusi vdiq në Kryq? Perëndia grisi velin sepse donte që të gjithë të dinin se Jezusi kishte paguar çmimin e plotë të mëkatis. Nuk ishte më e nevojshme të ofroheshin flijimet duke derdhur gjak. Vetëm në Jezusin ne mund të gjejmë faljen për mëkatet tona. Çdo person, **për t'u shpëtuar nga ndëshkimi i përjetshëm në ferr, duhet të besojë në mënyrë individuale që Jezusi vdiq në kryq për mëkatet e tij.**



**Plotësoje këtë aktivitet dhe tregoja mësuesit.**

Në kutinë më poshtë gjej dhe rretho këto fjalë të përdorura në mësimin e sotëm për të përshkruar atë që bëri Jezusi për ne.

<b>Vdiq</b>	<b>Kryq</b>	<b>Gjak</b>	<b>Jetë e përjetshme</b>
<b>Hir</b>	<b>Shpengim</b>	<b>I dashur</b>	<b>Pagesë</b>

J	X	C	P	E	U	R	SH	N	D	K	R	Y	Q
I	H	I	R	X	SH	U	P	A	R	A	J	S	F
D	Y	V	Y	GJ	A	K	Ë	I	U	I	Z	X	V
A	Z	D	X	Y	I	C	T	X	Z	Z	B	X	D
SH	P	E	N	G	I	M	I	I	X	U	J	Ë	I
U	SH	K	Ë	T	O	I	M	T	A	R	I	X	Q
R	X	J	X	C	D	C	T	X	J	X	I	Y	O
E	N	E	P	A	G	E	S	Ë	L	Y	M	C	T
J	E	T	Ë	E	P	Ë	R	J	E	T	SH	M	E
B	N	K	H	F	O	E	T	Ë	S	S	T	C	T

### Karta Awana 65 e përfunduar

Firma e mësuesit \_\_\_\_\_

Data \_\_\_\_\_

# Pyetje, pyetje, pyetje!



**Drejtuesit fetarë:** skribët, farisenjtë dhe saducenjtë ishin drejtuesit judenj gjatë kohës së Jezu Krishtit.

1. Kush i sajoi ligjet e veta dhe i shtoi Fjalës së Perëndisë? **Farisenjtë.**
2. Çfarë mendon Perëndia për njerëzit që i shtojnë apo heqin nga Fjala e Tij? **Ata e kanë gabim; ata mëkatojnë. Ne nuk duhet t'i shtojmë apo heqim asaj që ka thënë Perëndia në Bibël.**
3. Ajo që hamë, veshim apo gjërat që bëjmë, a na bëjnë të pranueshëm apo të papranueshëm para Perëndisë? **Jo, asnjë nga këto gjëra nuk na bën të pranueshëm te Perëndia.**
4. Njerëzit na gjykojnë në bazë të asaj që na shikojnë të bëjmë (nga ana e jashtme), por ku shikon Perëndia? **Perëndia shikon brenda zemrave tona: mendimet, ndjenjat dhe dëshirat tona.**
5. Çfarë planifikuan t'i bënin Jezusit drejtuesit judenj? **Donin ta vrisnin.**
6. Pse donin ta vrisnin Jezusin drejtuesit fetarë? **Ata ishin të shqetësuar për faktin që njerëzit mund ta bënin Jezusin mbret dhe që romakët do të fajësonin drejtuesit judenj duke i hequr nga pozita e tyre e pushtetit dhe pasurisë.**

**Jezusi:** Jezu Krishti është Perëndi dhe Njeri. Ai është Biri i Perëndisë, Perëndia Bir.

1. Kur njerëzit e panë Jezusin, a dukej Ai si njeri i zakonshëm? **Jezusi nuk dukej ndryshe nga njerëzit e tjerë.**
2. Edhe pse Jezusi dukej si njerëzit e tjerë, çfarë kishte ndryshe? **Jezusi ishte edhe Perëndi, edhe njeri.**
3. Sipas Pjetrit, kush ishte Jezusi? **Pjetri besonte se Jezusi ishte Krishti, Çlirimtari, të Cilin Perëndia e dërgoi në botë.**
4. Çfarë u tha Jezusi dishepujve të Tij që do t'i ndodhte Atij? **Jezusi u tha se Ai do të refuzohej nga drejtuesit e judenjve dhe do të vritej, por se Ai do të ngjallej nga të vdekurit pas tri ditësh.**
5. A e kuptuan dishepujt atë që po thoshte Jezusi? **Jo.**
6. Në kohën e Jezusit, si bëheshin barinjët një derë për te delet? **Gjatë natës barinjët shtriheshin te hyrja e vathës, ku i fusnin delet për t'i mbrojtur.**
7. Pse Jezusi e quan veten "Dera e deleve"? **Sepse Ai është dera përmes të cilës ne duhet të hyjmë në jetën e përhjetshme.**
8. Në ç'mënyrë na kujton për Jezusin dera në arkën e Noeut?
  - a. **Ashtu siç kishte vetëm një derë në arkë, po kështu Jezusi është e vetmja rrugë për në jetën e përhjetshme.**
  - b. **Ashtu si vetëm ata që u futën në arkë nga një derë e vetme u shpëtuan nga gjykimi i Perëndisë, po kështu ata që e vendosin besimin e tyre te Jezusi do të shpëtohen nga zjarri i përhjetshëm.**

9. Çfarë tha Jezusi se do të bënte për delet e Tij? **Ai tha se do të jepte jetën e Tij për to.**
10. Cilat janë delet e Jezusit? **Të gjithë ata që kanë rënë dakord me Perëndinë që janë mëkatarë të pashpresë dhe që i kanë besuar vetëm Jezusit si Shpëtimtari i tyre.**
11. Çfarë premtoi Jezusi se do t'u jepte deleve të Tij? **Jetë të përrjetshme.**
12. Kush e ka fuqinë për të dhënë dhe marrë jetën? **Perëndia.**
13. A do të ngjallen tërë njerëzit nga të vdekurit, dhe a do të gjykoen ata nga Perëndia? **Po, tërë njerëzit, u besojnë apo nuk u besojnë fjalëve të Perëndisë, një ditë do të ngjallen nga të vdekurit dhe do të gjykoen nga Perëndia.**
14. Kush po përpiqet t'i mbajë njerëzit të mashtruar, në mënyrë që ata të mos besojnë te Jezusi si Shpëtimtari i tyre? **Satani.**
15. Çfarë mendoi Jezusi për fëmijët? **Jezusi i do të gjithë fëmijët.**
16. A janë fëmijët nën kontrollin e Satanit? **Po, të gjithë.**
17. Si mund të çlirohen fëmijët nga Satani? **Duke besuar te Jezusi si Shpëtimtari i tyre, njësoj si të tjerët.**
18. Si mendonte se do të mund të shkonte në qiell i riu pasanik? **Me anë të mirësisë dhe bindjes ndaj ligjeve të Perëndisë.**
19. Kush është i vetmi që është i mirë? **Jezusi (ose Perëndia).**
20. A mund të shkonte në qiell i riu pasanik, për shkak të mirësisë së tij, apo për shkak të bindjes ndaj ligjeve të Perëndisë? **Jo. Të gjithë njerëzit i kanë shkelur ligjet e Perëndisë dhe vetëm Perëndia është i mirë.**
21. Pse i riu pasanik u largua i trishtuar? **Sepse donte paratë më tepër sesa donte Perëndinë.**
22. A tha Jezusi se është mëkat të jesh i pasur? **Jo, nuk është mëkat të jesh i pasur, por është mëkat të duash pasuritë më tepër se Perëndinë.**
23. Çfarë është më e rëndësishme sesa të punosh për pasuritë e kësaj bote? **Të sigurohesh që ke e vendosur besimin te Jezusi, Çlirimtari.**
24. Kush vendos se kur do të vdesim? **Perëndia.**
25. Ku shkojnë njerëzit kur vdesin?
  - a. **Në qiell me Perëndinë.**
  - b. **Ose në ndëshkim të përrjetshëm.**
26. A do të mund të çlirohet dikush nga vendi i ndëshkimit? **Jo, kur një person shkon në vendin e ndëshkimit, ai nuk do të shpëtojë kurrë.**
27. Kush i mashtron njerëzit se ku do të shkojnë pasi të vdesin? **Satani.**
28. Pse nuk e pranoi Jezusi ofertën e njerëzve që të bëhej mbreti i tyre? **Sepse ata donin që Jezusi t'i çlirohte nga romakët. Ata nuk donin që Jezusi t'i shpëtonte nga pushteti i Satanit, mëkatit dhe vdekjes.**
29. Cili dishepull e tradhtoi Jezusin për para, duke e dorëzuar Atë tek armiqët? **Judë Iskarioti.**
30. Sa para mori Juda nga drejtuesit fetarë për t'i ndihmuar që ta arrestonin Jezusin? **Tridhjetë monedha argjendi.**

31. Kush po e drejtonte Judën që t'i ndihmonte drejtuesit fetarë për të vrarë Jezusin?  
**Satani.**
32. Pse e donte Satanin Jezusin të vdekur? **Sepse ai e dinte se Jezusi do t'i çlironte mëkatarët nga ai dhe do ta shkatërronte.**
33. Nga e dinte Jezusi që Juda kishte planifikuar ta tradhtonte? **Sepse Jezusi di gjithçka.**
34. Çfarë arsyeje tha Jezusi për vdekjen e Tij? **Ai do të jepte jetën e Tij në vend të mëkatarëve.**
35. A kishte bërë Jezusi diçka të gabuar? A meritonte Ai të vdiste? **Jo, Jezusi ishte i përsosur dhe nuk meritonte të vdiste.**
36. Çfarë bëri Jezusi kur drejtuesit fetarë gënjyen për Të? **Ai nuk u përgjigj.**
37. Pse kryepriifti dhe drejtuesit fetarë i thanë Jezusit që duhet të vdiste? **Ata thanë që Ai kishte folur kundër Perëndisë, sepse kishte pohuar se ishte Perëndi.**
38. Për kë e përdornin romakët kryqëzimin si ndëshkim? **Ata e përdornin për kriminelët më të këqinj.**
39. Pse tha Jezusi: “Perëndia im, Perëndia im, përse më ke braktisur?”. **Ngaqë Perëndia po e ndëshkonte Jezusin për mëkatet tona dhe mëkatet e tërë botës.**
41. Çfarë nënkuptoi Jezusi kur tha: “U krye”? **Jezusi nënkuptoi që Ai e kishte kryer veprën që i ishte dhënë nga Ati i Tij. Kjo vepër ishte marrja mbi vete e ndëshkimit të plotë për mëkatarët.**
42. Për çfarë qëllimi frymëror i përdornin izraelitët delet? **Ata i përdornin për flijime.**
43. Pse nuk ishte më e nevojshme që të bëhej flijimi i kafshëve? **Sepse Perëndia u kënaq plotësisht me pagesën që bëri Jezusi për mëkatarët.**
44. Pse mungonte trupi i Jezusit në varr? **Perëndia e ngjalli Jezusin nga të vdekurit.**
45. Çfarë na tregon ringjallja e Jezusit? **Jezusi ishte Biri i Perëndisë dhe Çlirimtari, ashtu siç kishte thënë vetë.**
46. Si mund të falemi nga Perëndia dhe të marrim dhuratën e jetës së përjetshme?  
Duke pranuar para Perëndisë që ne jemi mëkatarë të pashpresë dhe duke besuar vetëm te Jezusi që vdiq si pagesë për mëkatet tona dhe u ngjall nga të vdekurit për të na dhënë jetën e përjetshme.

## Plotësoje këtë aktivitet dhe tregoja mësuesit.

Përko referencat me vargun e saktë.

- |                    |                          |                   |                     |
|--------------------|--------------------------|-------------------|---------------------|
| 1. Marku 9:7;      | 2. Efesianëve 2:8-9;     | 3. Gjoni 14:6;    | 4. Gjoni 11:25;     |
| 5. Gjoni 6:29;     | 6. Mateu 16:26;          | 7. Isaia 53:7;    | 8. Gjoni 1:11-12;   |
| 9. 1 Timoteut 2:5; | 10. 1 Korintasve 15:3-4; | 11. Romakëve 5:8; | 12. Efesianëve 1:7. |

- \_\_\_ Jezusi u përgjigj dhe u tha atyre: “Kjo është vepra e Perëndisë: të besoni në atë që ai ka dërguar”.
- \_\_\_ Ai erdhi në shtëpinë e vet dhe të vetët nuk e pranuan, por të gjithë atyre që e pranuan, ai u dha pushtetin të bëhen bij të Perëndisë, atyre që besojnë në emrin e tij.
- \_\_\_ Pastaj erdhi një re dhe i mbuloi me hijen e vet; dhe nga reja doli një zë që tha: “Ky është Biri im i dashur; dëgjojeni!”.
- \_\_\_ Në fakt një është Perëndia, dhe një i vetëm është ndërmjetësi midis Perëndisë dhe njerëzve: Krishti Jezus njeri.
- \_\_\_ Sepse unë ju kam transmetuar para së gjithash ato që edhe unë vetë i kam marrë, se Krishti vdiq për mëkatet tona sipas Shkrimeve, se u varros dhe u ringjall të tretën ditë, sipas Shkrimeve.
- \_\_\_ I keqtrajtuar dhe i përlulur, nuk e hapi gojën. Si një qengj që e çojnë në thertore, si një dele e heshtur përpara atyre që i qethin nuk e hapi gojën.
- \_\_\_ Jezusi i tha: “Unë jam udha, e vërteta dhe jeta; askush nuk vjen tek Ati përveçse nëpërmjet meje”.
- \_\_\_ Në të cilin kemi shpengimin me anë të gjakut të tij, faljen e mëkateve sipas pasurisë së hirit të tij.
- \_\_\_ Por Perëndia e tregon dashurinë e tij ndaj nesh në atë që, kur ende ishim mëkatarë, Krishti vdiq për ne.
- \_\_\_ Ju në fakt, jeni të shpëtuar me anë të hirit, nëpërmjet besimit, dhe kjo nuk vjen nga ju, po është dhurata e Perëndisë, jo nga vepra, që të mos mburret askush.
- \_\_\_ Jezusi i tha: “Unë jam ringjallja dhe jeta; ai që beson në mua, edhe sikur të duhej të vdesë do të jetojë”.
- \_\_\_ Ç’përfitim ka njeriu nëse fiton gjithë botën dhe pastaj e humb shpirtin e vet? Ose çfarë do të japë njeriu si shkëmbim të shpirtit të vet?

### Karta Awana 66 e përfunduar

Firma e mësuesit \_\_\_\_\_ Data \_\_\_\_\_



1 East Bode Road  
Streamwood, Illinois 60107-6658 U.S.A.  
[www.awanainternational.org](http://www.awanainternational.org)